


भगवत् गीता

(काँशुर तर्जम)



सन्तोश शाह 'नादान'



भगवत् गीता

संस्कृत भाषा

गारदा पुस्तकालय
(संतावना आ. दा. के. द.)
कर्मिक 2006-

भगवत गीता

(कॉशुर तर्जमु)

सन्तोश शाह 'नादान'

(नोट : सौरी हक्क छि
श्री महाराज कृष्ण बम्बरु सुंदि नाव महफूज)


किताबि हुंद नाव	:	भगवत गीता
कवियत्री	:	सन्तोष शाह 'नादान'
म्वल	:	Rs.100/-
छपन वेंरी	:	2007
सहायता	:	पृथ्वी नाथ कौल 'सायिल'
सरपरस्ती	:	आर.के.बारती
कम्प्यूटर (D.T.P)	:	रिकू कौल IILS D.T.P Centre Muthi, Jammu, 0191-2595136, 9419136369

किताब मेलनुक पताहः

1. पोश गोंद रूप अरजुन दायुत,
मोहला गुजराल, लेन न.०1, ओलड चुंगी,
कैम्प रोड, तालाब तिल्लू, जम्मू। फोन 9419113193
2. दुर्गा प्रिंटिंग प्रेस, जम्मू।
3. चंडी आश्रम, (देवका के नज़दीक) उद्मपुर।
4. स्वामी कुमार जी आश्रम मुट्ठी, जम्मू।
5. भूषण लाल, धार्मिक पुस्तक बंडार, जम्मू।
6. कौल एलकट्रानिकस, पुरखू कैम्प, जम्मू।
7. स्वामी नन्द बब आश्रम, मुट्ठी, जम्मू।
8. स्वामी स्वयमानन्द आश्रम, मुट्ठी, जम्मू।
9. बादशाह कलंदर आश्रम, पटोली, जम्मू।
10. विजेशवर जोतिश कार्यालय, चिनोर, जम्मू।

BHAGWAD GEETA

(Kashmiri Translation)



नाव : सन्तोष शाह (बम्बरू)

तख्खलुस : 'नादान'

पिता सुंद नाव : पं० नंदलाल शाह

मातॉमि हुंद नाव : श्रीमती शुभावती

महाराज सुंद नाव : श्रीमहाराज कृष्ण बम्बरू

असली स्कूनत : मोह० गंजीवारा अनंतनाग, कश्मीर



युद्धाय कृतनिश्चयः

11 जून 2007 ई. चन्द्रवारि दोह कॅर जम्मू कश्मीर कल्चरल अकादमी हुंघ सक्नेटरी डॉ. रफीक मसूदी सॉबन के.एल.सहगल हालस मंज श्रीमती संतोष शाह 'नादान' दॅस्य ग्यवमुच अख एम.पी.3 सी.डी तु पाँच आडियो कैस्ट जी यज्जत पछूयन ब्रोंह कनि रिलीज़।

यि छु श्रीमद्भगवद गीतायि हुंघन 700 श्लोकन हुंद कॉशिरि नज़्मि मंज तरजमु युसे संतोष जी पानु छु कोरमुत तु पानय छुन साजस प्यठ ग्येविश्च रिकार्ड करुनोवमुत।

संतोष जी छि शायिरा। यिहुंज शार सोम्बरन 'पोशि गोंद' गयि 2005 ई. मंज छाप। संतोष जी मंज छि त्रे ग्वन यिकुवट नज़रि गछान। स्व छि अख सफल शायिरा, मशहूर लोक गायिका तु अख समर्पित बॅखुत्या। यिहुंज स्थठाह मशहूर कृष्ण लीला छि :

‘स्वनु पोश व्यनु पोश लागै शेरे

खसू म्यानि हेरे हेरे कृष्णो’

श्रीमद्भगवद गीतायि हुंघन 18 अध्यायन (यिमन मंज कुल 700 श्लोक छि) हुंद तरजमु छि शायिरा अँकिस तवील कॉशरि नज़्मि मंज करान तु तमि पतु मशहूर रिकार्डिंग सेंटरस प्यठ रिकार्ड करुनावान। अज छि यि खुशी हुंज कथ कि यि तरजमु छु कितौबी सूरतस मंज दवन रस्मिखतन (नागरी,

नस्तालीक) मंज छाप स्पदान युथ ज़न लूख यि परिथ शायिरायि
हंज अदबी सलौहियुच साम ह्यन तु यि करनु सरकि तरजमु
करनस मंज कथ हदस ताम छि 'नादान' जी कामयाब स्पज़मुच।

यैत्यथ छि यि कथ वनन ति ज़रूरी कि संतोष जी छि
कॉशरिस अदबस मंज गोडनिच शायिरा यिमव श्रीमद्भगवद
गीतायि कॉशरि ज़बॉन्य मंज तरजमु छु कोरमुत। यि छि सानि
खॉतुर फखरुच कथ। संतोष जी ब्रोंह छु चोरव कॉशरयव
शॉयिरव - स्वर्गीय पण्डित मानु भट्ट मान, पण्डित कृष्ण जू
धर, पण्डित प्रेमनाथ कौल 'अर्पण' तु शहीद सर्वानन्द कौल
'प्रेमी' जियन भगवत गीता कॉशरिस मंज फिरमुच। संतोष
नादान छि यिमन ब्रोंह दामुच तु बेहद खूबसूरत अन्दाज़स मंज
अकि अकि श्लोकुक मानि मतलब जॉनिथ, समजिथ तु
व्यचॉरिथ कॉशरि नज़ुम मंज फिरिथ यानि तरजम करिथ पेश
करान।

यथ किताबि मंज छि संतोष जी बेंतोरि अख तरजमु
कार असि ब्रोंह कुन यिवान। तर्जमु छुनु प्रथ कांह ह्यकान
कैरिथ। यि छि अख स्यठाह मुश्किल कॉम। तर्जमु कारस
गछि तिमन सारिनय ज़बान्यन हंज सही ज़ानकॉरी आसुन्य
युहुंद सम्बंध किताबि सुत्य छु। गीतायि हुंद तर्जमु करनु
खॉतिर गछि संस्कृत ज़बॉन्य हंज सही ज़ानकॉरी आसुन्य।

संतोष जी छि संस्कृत, हिंदी, अंग्रेज़ि तु कॉशरि
ज़बॉन्य हंज ज़बर वाकफियत इसलिए तर्जमु करनस मंज छस
न ज़्याद दुशवॉरी पेश आमुच। पान छि अख ज़बर शायिरा।

शार वनुनुक छुस बाश। भगवान श्री कृष्णस छि विजि विजि
लोल बरान तु व्यवहारस मंज ति छि पानु लोल वरतावान।

यि किताब छि कौशरिस भक्ति अदबस मंज अख
मोलुल इजाफ तु मुमकिन छु बैयि ति केह संस्कृत जबोन्य
हुंघन फन पनारन यियि कौशरिस मंज तर्जमु करनु तु स्पदन
छाप।

संतोष जी देस्य भगवत गीतायि हुंघन त्रन श्लोकन
हुंद कोशुर अनुवाद करु बु युस मे स्यठाह पसंद आव -
अध्याय -1 (श्लोक-12)

‘दुयेदिनुन मन प्रसन्न करुन छु यछान
कोरव मंज बुडु भीष्म तीजवान
पनुनिस रथस प्यठ खँसिथ सुह ज़न ग्रज़ान
खद क्षेत्रस मंज शंख वायान॥’

अध्याय -2 (श्लोक-23)

‘आत्मा छिन चँटिथ शस्त्र ह्यकान
नु छुस जॉलिथ अँगनुय ह्यकान
आत्माहस पोन्थ छुनु अँदरॉविथ ह्यकान
नय छुस वाव ह्वखुनॉविथ ह्यकान॥’

अध्याय -10 (श्लोक-26)

‘सारिवुय कुल्यव मंज पीपल कुल बुय
दीव रशव मंज नारद मुनी बुय
गंदरवन मंज चित्ररथ छुस बुय
स्यद पुरुशन मंज कपिल मुनी बुय॥

शायिरा छि अजहद कूशिश करान कि तरजमस मंज गॅछ
स्वयि तेह बरकरार रोजुन्य योसु मूल संस्कृत पाठस मंज छि
नजरि गछान।

कथ हदस ताम छि संतोष जी सफलन गॉमुच अम्युक
अंदाजु हकन परनवॉल्य ज़बर पॉठ्य लगॉविथ।

यि कॉम छि सानि मातृशक्ति अन्द वातुनॉवमुच बु
छुस बेहद शाद तु व्वमेद छम वारयाहन सान्यन परिमुचन
कोर्यन मेलि यॅमि सुत्य प्रेरथ तु व्वन्दु यियख गाशरावन।
ज़िन्दगी मंज छुनु कांह अखाह परिपूर मुकमल आसान। कांह
नतु कांह कमी छि ज़रूर प्रथ अँकिस 'मनुष्य' आसनुक
एहसास करुनावान। यि कथ नजरि तल थॉविथ पज़ि असि
संतोष जी नि मेहनुच पनुन्य व्यनु पोश सोनु पोश अर्पन
करुन्य।

भूषणलाल कौल
डी.लिट्

28 अगस्त, 2007 ई.
श्रावण पूर्णिमा
'रक्षाबन्धन'

दयि गथ

बगवान सुंज गथ ति छि अँजीबुय, म्यॉन्य हश मॉज
स्वर्गीय श्रीमती रूपावती बम्बरू बॉरिया स्वर्गीपँडिथ अर्जनाथ
बम्बरू, ऑस चोरव वॅरियव प्यठु ब्यमार तु ऑस व्वन्य दोह
पतु दोह स्यठा कमजोर गछान। पँतिमि विजि ओस नु कांह ति
मे वरॉय तस ब्रोंह कनि युस तँमिस 24 गन्ट हेकिहे तँतिनुय
रूजिथ तु तस बासुनॉविथ जि बु छस तस सुत्य सुत्या। बु
ऑसुस तँमिस सुबहन तु शामन भगवत गीतायि हुंद्यन केंहन
पदन हुंद मानि वारु वारु वॅन्थि तसुंद बय दूर करनुच कूशिश
करान। युस बय बुजरस मंज सारिनुय नाल छु वलान। येलि
ज़न गीता जी हुंज अरदॉहिम अद्या वॉच अंद तु मे वोनमस -
'बाबी बु क्याह करु व्वन्य, बु वॉचस चलनस, चॉन्य सीवा
करुन्य छि स्यठा कठिन्य। तँम्य कॅर तोरु सिर्फ ऑही दोपुन -
'लगाय बलायि'। अमि सुत्य गँयिस बु स्यठा शर्मन्दु तु
रँटिमस पाद। वोदुम स्यठा। दितिमस पद्यन मीठ्य। यि सात
ज़न ओस भगवान सुंदी तरफु खबर क्याह ज़ीर तु मे तुल
कलम तु ह्योतुम गीता जी हुंद तर्जमु कॉशिर्य पॉठ्य करुन।
बु ऑसुस तँमिस सुबहन शामन मँज्य मँज्य भजन ति
बोजुनावान। अदु ख्वहय ज़न गोव वाख तु वच्चुन तु मे लोग
ल्वति ल्वति गीतायि तर्जमु करुन। मगर पानस प्यठ ओसुम नु
ऐतबार, जि बु ह्यकु यिछ कठिन्य कॉम अंद वातुनॉविथ।

मगर ज़न दोर भगवानन अवतार। मे लोग पनुनिस ओगरिस
थोगरिस रस तु कालुक तर्जमु ओसुम पगाह ज़न गलथुय
बासान। ज़न ओस भगवान अथु रँटिथ मे तिमन तिमन जाय़न
फ्युर द्यावनावान येत्यन येत्यन मे कालु ओस बास्योमुत
आसान ज़ि यि गव नु ठीख तु सथ सथ फिर्य दिथ कोर मे
यि तर्जमु तयार युस ज़न बु स्वर्गीय हश मौंज प्रथ शामन
ऑसुसन बोज़नावान।

येमि दोह तँम्य यि दिह्य त्रोव, तँम्य मौंग बतु मे मा छि
खबर ज़ि अँमिस छु नेरुन। कुसी प्यठ बेहेनॉवुम बतु बापथ,
दोपमस ग्वडु बोज़ मे गँथिय वुन्य यि दँहिम अद्या तयार। स्व
बूज़न सौरुय। द्युतमस बतु तु जल जल बतु ख्यथ त्रॉविन
प्राण। म्यॉनिस दिलस मंज़ ऑसुन स्व ज़ितिन्या त्रॉवमुच। मे
दोप यि वॉच कृष्ण भगवानस निश।

तँम्य सुंघन दोहन ति रूज़ुस बु यिम कॉशरिस मंज़
फिरिमुत्य श्लूक सारिनुय ब्रोंह कनि परान। अमि वननु तु
वननु सुत्य लोग अथ रंग बेयि चमकनि। वारयाह श्लूक
बदलॉव्य मे बेयि अकिलटि। कूशिश कँरुम तु यछा ऑसुम
ज़ि यिमन पदन ति गोछ सुय माने नेरुन यि गीताजी हुंघन
पदन असली माने छु।

तर्जमस मंज़ छु मे श्री आर.के.बारी सॉबन ग्वडु प्यठ
मदद कोरमुत। यिमव पोर अम्युक प्रूफ दोयि त्रैयि लटि तु
डाकेटर ओमकार एन. कौल सॉबस सुत्य मशवुर कँरिथ

कोरुख यि मुकमल। ज़बान छे स्वय इस्तिमाल आमुच करनु
 खसु अँस्य कौशिर्य बोलन छि। अवय छि रेवाती लफुज़
 बदलिथ आम बोलवुन्य कौशिर्य लफुज़ लेखनु आमृत्य।
 यानि Phonetic तरीकु। पतु दिच पूरु पौठ्य नज़र श्री डाक्टर
 बी.एल.कौल सॉबन ति। तिमव ति बडोव म्योन होसल।
 कौशिर ज़बॉन तु नागरी कौशिर लिपी श्वद लेखनस मंज़
 कोर मे श्री पृथ्वी नाथ कौल 'सायिल' सॉबन ति स्यठाह
 मदद।

यिमव सारिवुय साहिबव वारयाहन किताबन छु अंग्रज़ी,
 हिन्दी, उर्दू तु कौशिर्य तर्जमु कँर्यमुत्य। यिहंघ अथुवासन
 दिच मे स्यठाह ह्यमथ तु मे प्रॉव यि कॉम अंद वातुनावनस
 मंज़ कामयॉबी।

व्वन्य छु परनवालयन ताम जि तिहंघ मशवरु क्या
 आसन तु तिहंज़ म्वलुवन राय कमि आयि आसि। मे रोज़ि
 तुहंघन नेक मशवरन हुंद इन्तिज़ार।

संतोश शाह 'नादान'

गीता महातम्य

(1)

शोद च्यत युस परि गीता मायि सान
बयि तु शूकु रोस सु मूख्य दाम प्रावान
युस गीता रुफ अमृत पनुनेन रगन बरान
प्रनायमस मंजु युस रूच थवान
तस येमि जन्मुक्य तु परू जन्मुक्य पाप
बेशक सॉरी नाश सपदान
शरीर मल न्येशि द्यनु श्रानु दूर सपदान
संसॉर्य मल गीता ज्ञानु रुफ जल छु छलान
कृष्ण बगवानुनि पम्पोशि म्वखु दामुच ज्ञान
अथ ग्यानस सॅनिथ रोज़ ख्यनु ख्यनु ग्यवान
फलसफु येमि जिन्दगी हुंद युस रोज़ि वखनान
बैयिन शास्त्रन हुंद प्रयोजन छुसनु रोज़ान
अमृत रुफ सार महाबारतुक युस आसान
श्रु कृष्णुनि म्वखु मंजु यस छि नेरान
यि गीता रुफ गंगु जल युस रोज़ि च्यवान
सु संसॉर्य बैयि ज़ांह छुनु जन्म ह्यवान
सॉरी व्वप्नीशद कामुदीनि बराबर ज्ञान
चावनवोल गूर्य बालुक कृष्ण बगवान
वोछु अॅमिस गॉव हुंद अर्जन दीव आसान

गीता रुफ अमृत गॉव द्वद छु आसान
 द्वद अमिकुय युस छु च्यवान मायि सान
 श्रपरनवोल आसुवुन छु श्वद बोज़वान
 गीता शास्त्र व्वतम कुन तु कीवल ज्ञान
 दीवकी नन्दन कृष्णन युस ग्योमुत छु आसान
 मानुन दीवकी नन्दन कुन महान बगवान
 थोद मंत्र तसुंद नाव ज़पुन छु आसान
 तस दयि सुंज़ सीवा कुन कर्तव्य ज्ञान
 सॉरी कर्म तस बुथि थँविथ रथि खसान

(2)

दोह अकि पारवती शंकर जियस वनान
 बगवत गीताय 'हंज़ करुम पॉर्यज्ञान
 गूज्य अमिच बु वॉलिंजि मंज़ थवुन्य यछान
 छोट्य पॉठ्य म्वख चॉनि बु बोज़न्य यछान
 प्रसन्न मन टाछि त्रुयि शंकर जी वनान
 कथ लुख्यमी नारायनु सुंज़ वनय च़ु रोज़ बोज़ान
 नारायनस पादन नेमिथ लुख्यमी प्रछान
 आलुछ़ नेन्दुर छा तोहि ति सतावान
 त्रेयलूकी हूंद आसुवुन च़ु बगवान
 प्यठ्य प्यठ्य वनतम बु छस परेशान

छुम गीता शास्त्र रुमु रुमु सन्योमुत
 अमिकुय बजर मे हनि हनि गन्योमुत
 याद पौव्य पौव्य बु ख्यनु ख्यनु आनन्द तुलान
 छुनु आलुछ, नेन्दर तमी मे ब्रोंह कनि दरान
 श्रुमदबगवथ गीता युस परान या बोज्ञान
 छुस कलेशि बैयि द्वखन नाश सपदान
 युस ख्यनु ख्यनु बजर अम्युक श्यकुनावान
 ग्यानु बलु सु संसौर्य सँदरस तरान
 संसौर्य द्वखव सुय रछ छुनु व्यसरान
 अंतस प्यठ सु मूख्य दाम प्रावान



ग्वडनिच अद्या

द्रतराष्ट्रन वोन सन्जयस:-

1. यिम दर्मुचि जायि कोरख्येत्रस मंज समान,
खद यछन वॉल्य् म्यॉन्य् कोरव सन्तान।
बेयि सॉरी पाण्डव सुन्ध सन्तान,
सन्जय वनतम क्या सनाह करान?

संजयन वोन

2. व्युह पाण्डव सेनाय हुंद वुछिथ दुर्योदन गछान।
ग्वरु द्रोणस निश तु यिम शब्द वनान॥
3. यीच बॅड ग्वरु म्यानि पाण्डव सेना रोज वुछान।
बनॉवमुच चॉन्य शैश्य द्रोपद पोथुरन ज्ञान॥
- 4-6. अथ सेनायि मंज बॅड्य बॅड्य तीर अंदाज।
बीमस, अर्जुनस हिव्य बलवीर माहनाज॥
मनुशान मंज थोद शैब्य पुरुजिता।
कुन्तीबोज तु वीर युदामन्या॥
बलवीर सांत्यकितु ययुदाना विराट।
राजु दुपद बेयि दृष्टकीतू॥
चेकितान बलवान कौंशी हुंद राजु।

सबुद्रायि हुंद पोथुर अबिमन्यू॥
 बलवान उत्तमौजा बैयि स्यठाह बलुवीर।
 द्रोपदी हुंद छि बैयि पोथुर पाँछ॥

7. ही ब्रह्मनन मंजु स्यठाह बडि ब्रह्मना।
 बोज सानि तरफु छि कम कम प्रदान॥
8. द्रोनाचार्य, बीशम पितामाह, करन।
 अशंवत्थामा, कृपाचार्य, विर्कन॥
 सोमदत्तुन पोथुर बूरिश्रवा तु च़ेय सान।
 सानि तरफुक्य छि यिम सॉरी प्रदान॥
9. शस्त्रव सुत्य सँजिथ मॉहिर ख्वदस मंजु।
 कम कम बलवीर मरनस तयार॥
 बैयि म्यानि बापथ य्वद ज़ानन वॉल्या।
 कम कम शूरवीर छि मरनस तंयार॥
10. बीशम पितामह बुथि कोरुवन सरदार।
 द्वर्लब कोरव सेनायि हुंद करुन शुमार॥
 पांडव पोथुर बीम पांडवन सरदार।
 छु सहल तिहंजि सेनायि करुन शुमार॥



11. बीशम पितामहस हैफाज़त छे करुन्या।
हुकुम दुर्योदन सेनायि दिवाना॥
पनुनि जायि प्यठ डँटिथ रोज़वुनि सेनायि।
दुर्योदन बीशमस हवालय कराना॥
12. दुर्योदनुन मन प्रसन्न करुन छु यछाना।
कोरवन मंज बुडु बीशम तीजवाना॥
पनुनिस रथस प्यठ खँसिथ सुह ज़न ग्रज़ाना।
खटु ख्येत्रस मंज शंख वायाना॥
13. तमि पतु कोरव गँव हँग वायाना।
नगारु, शंख बाजि तु डोलव साना॥
कृत्य खोचुनॉविख बैयि त्रँहरॉविख।
आवाज़ फ़ट्र सान कँरुख यखसाना॥
14. पतु सफेद गुर्य वॉलिस रथस प्यठ विराजमाना।
कृष्ण तु अर्जुन छि दिव्य शंख वायाना॥
15. पंचजन्य नावु वोल शंख वोय कृष्णाना।
देवदत्त नावु वोल, वोय अर्जुनना॥
माननीन कर्म करन वॉल्य बीमसेनना।
वोय पोंड्र नावु वोल स्यठाह बोड शंख॥

16. कुन्ती हृद्य गोबरन राज्ञु योदिशठरन।
 अनंत विजय नावु वोल् वीयुन शंख॥
 मनिपुशपक तु सुगोश नावु वॉल्य शंख।
 पानु वॉय नकुलन तु सहदेवन॥
- 17-18. तीर अंदाज काँशीराज्ञु तु शिखंडी।
 दृष्टदुम्न सात्यकि तु राज्ञु विराट॥
 राज्ञु द्रोपद, द्रोपदी हृद्यव पोथुरव।
 सारिवुय पनुन्य पनुन्य वॉयिय शंख।
 बैड्य ताक्तवर सोबद्रायि पोथुरन॥
 अविमन्युहन ति वीय बडि हटि शंख॥
19. कुन्य खोचवुन्य आवाज तैरिथि गॅयि।
 आकाशस तु बैयि जॅमीनस॥
 तमि आवाजि सुत्य द्रतराष्ट्रुन पोख।
 कोरव पोथुर गॅयि स्यठाह दिलमलूल॥
- 20-21. बन्द द्रतराष्ट्रन्यन मोर्चन प्यठ वुछिथ।
 वानर जंडु वॉल्य अर्जनन वीन दनुश तुलिथ॥
अर्जन दीवन वीन
 ही अच्यत म्योन रथ थव सेमंज सेनायि॥
 येति सॅमिथ य्वद यछन वॉल्य बु वारु वुछहा॥

22. खदु ख्येत्रस मंज डैट्थि खद यछन वॉल्य।
 तिहंदि तरफुक्य वारु वुछि खद करन वॉल्य॥
 छुम खदु किस कारस मंज कस सुत्य व्यवहार करुन।
 रथ थव अतीनस छुम ठीक पॉठ्य वुछुन॥
23. क्वबोज़ दुर्योदनस सान रुत खदस मंज यछन वॉल्य।
 यिम राज़ आमृत्य बु वारु वुछहा॥

संजयन वोन

- 24-25. यि वुछिथ संजेय दतराष्ट्रस वनान।
 कृष्णन थोव मंजस पनुन रँथ तीजवान॥
 बीशमस, दोनस तु बाकी राज़व सान।
 बुथि कनि थॉविथ छु अर्जनस वनान॥
 ही पार्थ यिम य्वदस बापथ छि तयार।
 कोरव सेनायि रोज़ वारु पॉठ्य वुछान॥
- 26-27. द्वन सेनायन मंज वुछिथ अर्जनन।
 कुन्य गेड पेत्रन, प्वफुव्यन तु बायन॥
 बडु बुडि बबन, बुडिबबन बैयि ग्वर तु मामन।
 मेथरन, गोबरन, पोथुरन तु हहेरन॥
 पनुन्यन बांदवन च़वापॉर्य वुछान वुछान।
 कुन्ती पोथुर गव स्यठाह परेशान॥

अर्जन दीवन वौन

28-29. शूकस मंज गँछिथ अर्जन कृष्णस वनान।

ही कृष्ण खद ख्येत्रस मंज बांदवन वुछान॥

ठंडु गोस हौखुम ऑस थर शरीरस व्वथान।

रचि रचि जुव ज़न छुम मे नेरान॥

30. अथु मंज दनुश ज़न छुम पथर प्यवान।

त्वछ पानच्य छम दज़ान बासान॥

थरु थरु दिलस तीच खडा छुसनु रोज़ान।

करु क्या कोना छुख वथ मे हावान॥

31. ही कीशव केरन बदलुय मे बासान।

मॉरिथ पनुन्य कत्यू गछि मे कल्याण॥

32. ही कृष्ण छुम नु राज ताजुक मे अबिलाश कांह।

छम नु रुत्य बूग बूगनच यछा मे कांह॥

ही गोविन्द यिथि राजुक क्या मतलब।

म्यानि ज़िन्दु रोज़नु सुत्य कस मेलि गाश ॥

33. यिहिंदि टगु अँस्य राज़ु बूग स्वख छि यछान।

दन तु प्रानन हंज़ि आशि रोस तिम खद छि यछान॥

34. ही मदसूदन सौरी सत्ग्वरा।
पोथुर तु पितामह मरनस तयार॥
माम तु पेतुर, हेहर बैयि हँहर।
जुरय पुतुर्य ओशनाव मरनस तयार॥
35. त्रेन लूकन हुंद राज मेल्यम मे योद।
नतु सौरी तिमय मे मारन योद॥
या दिनम राज ताज येमि ज़गतुक योद।
तिम सारान छुम नु मारुन्य बोज़ स्थेदि स्योद॥
36. किथु प्रसन्न मन रोज़ि कोरव बंदन मॉस्थि।
बु पापन हकदार कथ छि वॉयिथ॥
37. मारुन्य कोरव बंद कवु चु युग्य मे मानान।
नाश पनुनिस वंशस कॅस्थि कुस सुखी रोज़ान॥
- 38-39. योद सॉन्य बांदव लूबस मंज़ फॅट्थि।
क्वलु नाश गछि मा छिनु जॉनिथि॥
क्वलु नाशि सुत्य पॉटु दूशस तिम गॉरज़ान।
अँस्य ति क्याज़ि लागव वन अनज़ान॥
40. क्वलु नाश गछनु सुत्य क्वलु दर्म गछि गॉब।
क्वलसुय मंज़ बडन पाप बैयि ओब॥

41. ही कृष्ण पापन मंजु बौद्धि नाव म्योन्या।
 क्वल चे त्रुयि गछन गौरन सुत्य॥
 तिम दूशित गेछिथ वरनःसुंकर ज्यन।
 रात तय दोह बरन व्वपरन सुत्य॥
42. क्वलु मर्यादा यिम लुख नाबूद करान।
 अन्यच्छा पोथुरन तिम जन्म दिवान॥
 प्यण्ड म्वदन नु दिथ नु श्राद तर्पण करान।
 तमि सुत्य प्यतर तिहंद्य नर्कस गछान॥
43. वरनःसुंकरव हंद्यव यिमव दूशव ज्ञान।
 क्वलु नाश करनवालयन हंदि क्वलु दर्मु सान॥
 सनातन ज्ञोच दर्म ति छुख नाशस गछान।
 ही ज़नार्दन क्वलुक चोंग छु यिथु पोंद्य छ्यतु गछान॥
44. स्यठाहस समयस तिम नर्कस छि गछान।
 वुनिस तौन्य अँस्य यिय आयि बोज़ान॥
45. ओस शूकस मंजु अर्जन दीव वनान।
 अँस्य कवु पापस तयार ओँसिथ बोज़वान॥
 असि कूताह लूब राज स्वख बूगनुक।
 बांदव पनुन्य अँस्य मारनस तयार॥



46. योद पोथुर द्तराष्ट्रन्य शस्त्रव सान।
मुकाबल करनु रौस मे मारना॥
बरकरार रोज़ि पतु कोरव खानदान।
तमि सुत्य बासान गछि मे कल्याण॥

संजयन वोन

47. ख्दु ख्येत्रस मंज यि वॅनिथ अर्जुन चलान।
पनुन तीर तु तीर-कमान लोब कुन थवान॥
वापस रथस प्यठ आसन ग्रहन करान।
दिल मलूल तु गमुहोत स्यठाह बासान॥



भगवत गीतायि हंदिस् व्वपनिशदस् मंज श्री कृष्ण तु अर्जुन
दीवनि ब्रह्म ग्यान तु यूग शास्त्रुचि कथ बाथि हंज ग्वडनिच
अद्या वॉच अंद। यथ नाव छु "अर्जुन दीवुन वेशादु यूग।"

दोयिम अद्या

संजेयन वोन

1. अँश टॉर्य बैरिथ गमुहोत च्यथ परेशान।
अर्जन वुछिथ कृष्ण यिम शब्द वनान॥

कृष्ण भगवानन वोन

2. चे अर्जनु मनस मंज कव पॉदु गव अज्ञान।
अख रछ ति छुनु चे हिविस यि शूबान॥
मुह मायायि मंज वॅलिथ श्रेष्ट इन्सान।
न प्रावान स्वर्ग न छु यश प्रावान॥
3. न्येपुमसोख मु लाग अर्जन छुय नु चे यि शूबान।
कमजूरी दिलुच त्राव योदस गछ तयार॥

अर्जन दीवन वोन

4. दुशमनन गालवुनि हा म्यानि कृष्णो।
किथु बीशमस तु दोनस तीर सोजु वनतो॥
ही कृष्ण द्वनवय तिम छिय पूजिमान।
कवु मतलबु बापथ गछ बे-ईमान॥

5. बॅड्य बॅड्य आत्मा दायुत यिम म्याँन्य।
तिमन मारनु खोतु छुम बेछिथ्ख ख्योन जान॥
योद तिम संसारुक्क्य ऑश अशरथ्थ यछान।
पज़नम मा मारुन्य छिम ग्वर मे आसान॥
योद तिम बु मारख कोताह गछ्यम सॅनिथ।
बासनम बूग सॉरी तिहिंदि खूनु सुत्थ रॅनिथ॥
6. दुविदायि मंज़ छुस कथ करु आंकार।
क्या गछि जान तुय क्या नाकार॥
अँस्य या तिम ज़ेनन तथ्थ छुस बु अनज़ान।
पनुन्य बन्द मॉरिथ्थ छुसनु ज़िन्दु रोज़ुन यछान॥
7. मोनुम वसवॉस्य स्वबावु किन्य छुस बु कायर आसान।
बु धर्मचि वति छुस स्यठाह अनज़ान॥
पुशरुम पद्यन सोरुय बेयि पनुन कुन पान।
ही ग्वरु वनतम गछि क्या मे क्युत जान॥
8. यथ धरती प्यठ राज ताज मेल्यम योद।
या दीवन मंज़ मेल्यम मे स्थान थोद॥
न च़ल्यम गम युस रुमु रुमु छुम सनान।
अथ द्वखस व्वपाय छुमनु कॅह सारान॥

संजयन वोन

9. ही राज़, नेन्दुर कोबू करनवॉल्य अर्जनन।
दम ह्योतुन वॅनिथ छुस नु य्वदस तयार॥
10. द्वन सेनायन मंज़ पनुन रथ ठीकुरॉविथ।
वोनस अंतरयॉमी कृष्णन बुथ असुनॉविथ॥

श्री भगवानन वोन

11. पॅज्य किन्य यिम दाना मनुष्य आसान।
न वदान ज़िन्दन नु म्वरदन वदान॥
यिम नु तथ लायख तिमन च़ु पशतावान।
दानॉयि क्वसु छुख च़ु वर्तावान॥
12. कर नु ऑस्य च़ु तु बु कुस समय त्युथ ओसा।
यिम राज़ तु बाक्य मनुश्य कर नु ऑस्य॥
न समय यियि त्युथ युन गछुन गछि बन्द।
आत्मा रोज़वुन तु पोशिवुन अंदवन्द॥
13. यिथु पॉठ्य दीह ल्वकुचार, जवॉनी छावान।
तमि पतु बुजर छुस पतु लारान॥
तिथय पॉठ्य आत्मा दोयुम दीह दारान।
गाटुल्य छि नु तथ पछतावान॥

14. ततुन तु तुरुन, द्वख तय बैयि स्वख।
 वेशयव तु येन्द्रियव सुत्य व्वतलान॥
 ही अर्जन यि यन्देय वेशय छय पौडु करान।
 छुनु टिकुवुन तु रोज़वुन रोज़ च़ालान॥
15. यिम द्वखस स्वखस मंज छिय सोम्य रोज़ान।
 येन्देय यिमन छे नु करान परेशान॥
 मनुशन मंज स्यठाह थेंद्य अर्जनु ज़ान।
 दीह त्याग कॅरिथ मूख्य दाम प्रावान॥
16. अपज़िस छुनु कांह खोर शान्द आसान।
 नोन टाकारु सथ हर विज़ि जान॥
 यिथु पौठ्य युस मनुश्य पोज़ पॅज़रावान।
 अपज़िस छुनु पनुन द्वार खोलान॥
17. यस मंज संसार सोरुय बैसिथ आसान।
 तस छुनु कांह नाश करनवोल ज़ान॥
 पानु अविनौशी सारिनुय रखनवोल।
 वुन्युकतान्य ज़ाव नु कांह तस मारनवोल॥
18. नु ज़ायय नु तब्दील न छिनु मीनिथ ह्यकान।
 आत्मा अमर, शरीर मैचि सुत्य रलान॥

अमिय अर्जनदीवु कर य्वद छुसय वनान।
कम्पू खेयिनय ब्वद कोना छुख चु मानान।।

19. आत्मा समजान युस मारनवोल।
या युस ज्ञानान छुय मरनवोल।।
पँज्य किन्य आत्मा छुनु काँसि मारान।
छुनु अथ कांह ज़ामुत मारनवोल।।
20. कुनि कालस आत्मा नु ज़्यवान नु मरान।
न हैयि ज़न्म न ह्योतमुत, न ज़ांह छु ह्यवान।।
ज़न्म रोस नेत्य सनातन, प्रोन तु रोज़वुन ज़ान।
छुनु ज़ांह मरान योद दीह छु मरान।।
21. युस नाशस नु गछ्वुन आत्मा मानान।
पतवत आसुवुन पोश्वुन मानान।।
नु तब्दील गछ्वुन नु ज़ामुत मानान।
सु काँसि किथु मारान तु माउनावान।।
22. यिथु पॉठ्य मनुश्य पनुन्य पलव प्रॉन्य त्रावान।
नोवुय लॉगिथ लोल तथ बरान।।
तिथय पॉठ्य आत्मा शरीर प्रोन त्रावान।
दोयमिस शरीरस दारन करान।।

23. आत्मा छिनु चॅट्थि शस्त्र ह्यकान।
 नु छुस जॅल्लिथ अँगनुय ह्यकान॥
 आत्माहस पोन्थ छुनु अदरॉविथ ह्यकान।
 नय छुस वाव ह्वखुनॉविथ ह्यकान॥
24. नु जॅल्लिथ नु चॅट्थि छिन आत्मा ह्यकान।
 नु अदरॉविथ नु ह्वखुनॉविथ ह्यकान॥
 न बदलवुन, शाश्वत तु रोज़वुन ज्ञान।
 सर्व व्यापक हमेशु फवलवुन रोज़ान॥
25. आत्मा नु वुछवुन, न सनुवुन, न बदलवन ज्ञान।
 कवु छुख नाहकय जाय शूकस दिवान॥
26. ही जेछि नरि वालि अर्जन योद चु सोंचान।
 आत्मा हमेशि ज्यनुवोल छुहन मानान॥
 छुख आत्मा मरनवोल योद चु मानान।
 यिथु पॉठ्य शूकस गछुन छुय नु शूबान॥
27. छु पज़र युस ज्यवान बेशक सु मरान।
 मॅरिथुय पॅज्य किन्य छुय जन्म ह्यवान॥
 यथ नु कांह व्वपाय आसि, असि तॉन्य युस न आसान।
 तथ प्यठ शूकस गछुन मा छु शूबान॥

28. ज्यनु ब्रोंठ नन्य कति जुरियांत आसान।
मरनु पतु सॉरी बेयि गॉब गछान॥
सेमंजस नॅन्य द्रायि अँछन तल असि यिवान।
शूकस मंज गछुन छुनु शायान॥
29. आत्मा शानदार केंह छि मानान।
छु अँजीब आत्मा बेयिस कुन केंह वनान॥
केंह बूजिथ गछान छि स्यठाह हॉरान।
केंह केंह छिनु बूजिथ ति जॉनिथ ह्यकान॥
30. मोर रोजि येत्य तय छुनु आत्मा मरुवुन।
पजि मा शूक चे तेलि जिन्दुन करुन॥
31. ख्येत्रेय आसनु किन्य पनुन दर्म पजि चे ज़ानुन।
दोयिम श्रेष्ट सादन, दर्म य्वदु खोतु नु मानुन॥
संकूच करुनुच छेनु कांह मजबूरी।
चु मु खोच कर्म बनिय कल्यानकॉरी।
32. तिम ख्येत्रेय बाग्यवान, यिम दर्मु ख्वद करान।
स्वर्गुक्थ बर यलु पानय गछान॥
33. योदवय इन्कार दर्मु ख्वदस छुख करान।
पनुनि दर्मुक यश हॅरिथ चु पापन ब्वडान॥

34. बेकदरी चानि हुंद स्यठाहस समयस ज्ञान।
पानुवॉन्य लुख रोजन कथु करान॥
यजतदार मनुष्य सुंदि बापथ अपयश तु अपमान।
सु मरनु खोतु सख स्यठाह छुय ज्ञानान॥
35. यिम बॅड्य महारथी चोन नाव तु यश थ्यकान।
त्रॉवुथ बय किन्य खद बूमी रोजन सोंचान॥
वनुनय बयि किन्य खद करुन छुनु मानान।
वुछनय तिमय चें अपयश प्रावान॥
36. शेशुर चॉन्य अपुज पोज येलि चोन वनुनय।
किथु बरदाश करख चें गंग खनुनय॥
चोगुल्य चॉनि ह्यमॅच हंज तिम करुनय।
द्वखुक्य तीर वनतम चें कुत्य सनुनय॥
37. मरख खदस मंज स्वर्गस च़ वातख।
बूगख राज तेलि खद च़ येलि ज़ेनख॥
योद अर्जन अम्युक संकलप च़य करख।
व्वथ थोद तु तिय कर यिनु नेरख॥
38. ज़ेनुन तु हारुन नफा तु न्वकसान।
बेयि स्वख तु द्वख बराबर मान॥

तमि पतु गछ तयार चु खदस बापथ।
येमि किन्य पापन चु मारख लथ॥

39. वुन्युक तान्य द्युतमय चे आत्म जॉन्य हुंद ज्ञान।
व्वन्य कर्म यूगच करुनावथ बु ज्ञान॥
म्यानि बक्तु योद अमि ग्यानु चु कर्म करखा।
कर्म बन्दनव चु पानय म्वकलखा॥

40. ब्योल कर्म युगुक छुनु गछान नैशफला।
नु व्यपरीत मेलान अथ कांह फला॥
बॅल्यकि कर्म यूगच दर्मुचि वति जला।
म्वकलान बयि ज्येन मरनुच गांगला॥

41. ग्वडु वेशवासुच कुन्य कीवल ज्ञान।
छु मनुश अथ यूगस मंज करान॥
युस बोज चंचल, तु दड स्कलपु रौस आसान।
सकाम कर्मन मंज छॅकरिथ रोजान॥

42-44. दड वेशवास कति छु तिमन आसान।
हर दम खयॉली यिम आसान॥
पनुने बजरुक्य ग्वन ग्यवुनावान।
स्वख बूगनुचि वति पतु लारान॥

बुधि कनि वीद थैविथ कर्मफल कांछान।
 यिम मनुश स्वर्गुक्य स्वपन वुछान॥
 तिम मनुशय वीद परन तु परनावान।
 ऑशस तु स्वखस लालुच करान॥
 पनुन्य ज्यव पोशिक्य पौठ्य वर्तावान।
 मरनस तु ज्यनस हकदार बनान॥
 सौरी बूग तय सौरी सादन ज्ञान।
 त्रन खनन हुंद छि वीद वखनान॥

45. ही म्यौनि टाठि अर्जन दय बूजिनय।
 त्रेशवुय तापव दय चै रँछिनय॥
 नु रोज़ख मंगनस नु सनख द्वखस स्वखस।
 अंतःकर्ण चैय आज़ाद रूजिनय॥

46. स्यद यस ब्रह्मनस गौमुच आत्मज्ञान।
 वीद क्या करि तस कथ क्युत ज्ञान॥
 छे च्यथ येमि सुंज समन्दर बनेमुच।
 लगि कथ तस ल्वकुट नौगिन्य बकार॥

47. चै कर्म छिय करुन्य बस छु चोन अदिकार।
 फल मंगनस छुय दय बेज़ार॥
 हीतू कर्मफलन हुंद मु पनुन पान बनाव।
 न कर्मकरनक्य मु आसार सगनाव॥

48. समयूगस कुन दननजय मन लगावा।
 कर्म यूग किन्य पनुन्य फर्ज निबावा।।
 नफा न्वकसानस कर नजर यकसान।
 तैथ्य कुनि नजरि छि सम यूग वनान।।
49. जादाद जेनन वालि ही अर्जन ज्ञान।
 बेखती सुत्य बदकारव छि दूर रोज्ञान।
 तमि बावु दयसुय चु शरन रोज गछान।।
 कर्मफल यछन वॉलिस छि कृपन वनान।
50. बेक्ति यूग पाप प्वन्य येतिय त्रावान।
 या द्वशवय दुनिथ येरिलूक नेरान।।
 शरन बोझ-यूगस गछ बोझ म्यानी दाया।
 कर्म बन्दनव म्वकलनुक छुय छोट व्वपाय।।
51. यिथु पौठ्य अमि यूग सुत्य रेश्य तु मुनि ज्ञान।
 फल हाँकिले गन्डिथ छिनु रोज्ञान।।
 ज्यनु मरनु द्वखु निशि छि म्वकुल्य रोज्ञान।
 दयस निश वॉतिथ द्वखु रोस गथ प्रावान।।
52. आत्मा प्रज्ञनावख तु आसिय सु रुत काल।
 पानय मुहक्य छ्यनुनय जन्जूरि तु जाल।।
 येरिलूक तु परिलूक्य आसवुन्य बूग।
 नु यछख बूगुन्य छनख वॉराग माल।।

53. नाना प्रकारी बूझिथ वीदुक ज्ञान।
दुविदाय मंज नेर कर यूग ज्ञान॥
चौन्य बोज छान्दिय कुन रखुन भगवान।
अमि यूग किन्य प्रावख आत्म ज्ञान॥

अर्जन दीवन वोन

54. कृष्ण बावस मंज युस थ्यर बोजवान।
समाजस मंज रूझिथ तस कम लुख्यन आसान॥
सु मनुशाय आमस मंज कथ किथ करान।
क्वसु बाशा तसुंज किथ बेहान, किथ पकान॥

श्रु भगवानन वोन

55. यथ कालस मंज कामनायि त्रावान।
प्रानन दयस सुत्य रोजि जोडान॥
आत्महस मंज पानु सन्तोष्ट रोजान।
अर्जन छि तँस्य थ्यर बोद मानान॥
56. न केशान न छूट छूट द्वखस मंज छि करान।
स्वख सुत्यन युस नु व्वट छुय तुलान॥
राग, क्रूद, बय जाल यस छि चटनय यिवान।
छि तस सादस थ्यर बोजवान वनान॥

57. युस कुनि अंदु गॅन्डिथ छुनु मायायि रोज़ान।
 नु श्वबस आनन्द तुलान न अश्वब नकारान॥
 तिमन मनुशान छु परम ग्यान आसान।
 अमि ग्यानु किन्य तिमन थ्यर ब्वद वनान॥
58. यिथु पॉठ्य अंग पनुन्य कछवु वॅट्य वॅट्य थवान।
 तिथु पॉठ्य वैशायन निश पनुन्य ह्यस सु दूर थवान॥
 न तम्बलान, न तरसान न छुय आनन्द तुलान।
 तसुंज ब्वद छि पॅज्य किन्य थ्यर आसान॥
59. वैशाय वुछिथ्यय यस नु मन छु ब्रमान।
 मगर कल अमिचिय मनस रोज़ान॥
 तस दौनीश्वरस छि कल दूर सपदान।
 येलि भगवान तस दर्शुन दिवान॥
60. कल अँदर्य मनस मंजु येलि तस रोज़ान।
 चंचल येन्द्रेय तस ब्रामरावान॥
 कूशिश येन्द्रेय कॅरिथ बडि बल सान।
 बोज़वानस ति छि कब्जय करान॥
61. सारेय येन्द्रेय पनुन्य युस वशस मंजु करान।
 शोमरिथ मन यिथु शरन द्यानस बिहान॥

पूरु पौठ्य ह्यस पनुन्य युस वशस मंज करान।
तस छिय थ्यर बोजुवान बनान॥

62. यस मनस वैशयन हंज फिकिर रोजान।
बूग तिम बूगनुच कल पौदु करान॥
कलि सुत्य कामना पौदु रोजान गछान।
कामनायि मंज विग्न छु क्रूद जैवुरान॥

63. मूडुबावु क्रूद क्रूदियस पौदु करान।
यादाशतस छु ब्रम अमि सुत्य गछान॥
यादाश ब्रम सुत्य ब्वद नाशस गछान।
ब्वदि नाशि सुत्य मनुशय लूपस गछान॥

64. राग तय दुयि निश यिम म्वकलुय आसान।
अंतःकर्ण पनुन्य वशस मंज करान॥
सोरुय डींशिथ छिनु केह डेंशान।
अंतःकर्ण छिख गाह प्रावान॥

65. अंतःकर्न हंदि सन्तोशि सुत्य ज्ञान।
सारिनुय द्वखन छुख नाश सपदान॥
त्रेशवुय तापव पानु म्वकुल रोजान।
लौंगिथ दयस कुन ब्वद थ्यर ब्वद बनान॥

66. यस मनु येन्द्रेय वशस छिनु आसान।
तस वेशवास बोज़ छेनु आसान॥
बावु रोस अंतःकर्ण अशॉन्ती व्वपुदावान।
अशान्त मनुश किथु स्वख प्रावान॥
67. यिथु पॉठ्य पॉनिस मंज़ चलवुन्य नाव।
वाव तेज़ पानस सुत्य छुस निवान॥
चंचल येन्द्रेयव मंज़ु मन यथ सुत्य लगान।
स्वय अख छि मनुशस व्वद हॅरिथ निवान॥
68. पूरु पॉठ्य येन्द्रेय वेशयन युस नु तम्बलान।
सु मनुशय येन्द्रेयन छु कोबू करान॥
ही बजि बोज़ वालि टाठि अर्जनु ज्ञान।
बेशक तसुंज़ व्वद छि थ्यर आसान॥
69. सारिनुय प्रॉनियन यथ नेहगटु बासान।
दयि टॉठिस संगुरमालु फवलान॥
संसॉर्य स्वखस मंज़ यस प्रकाश बासान।
थ्यर बोज़वानस छु शाम बासान॥
70. यिथु तेज़ तु शान्त क्वलनुय हुंद पोन्थ ज्ञान।
समन्दरस मंज़ गॅछिथ तॅथ्य सुत्य रलान॥

तिथ्य पौठ्य श्यर ब्वजि यछायि छेनु मूहित करान।
 श्यर बोझवान हमेशि छु शान्त रोजान॥
 युस यछायन मंज न्यथ सन्तुष्टी प्रावान।
 सु मनुश छुनु जांह शान्त रोजान॥

71. युस मनुश कामना, यछा बेयि अंहकार।
 रागु बेयि दुयि वरौय करान व्यवहार॥
 येन्द्रेय तृप्ति बापथ सारेय यछायि त्रावान।
 पँज्य किन्य शौन्ती सुय छु प्रावान॥

72. छि ब्रम बेयि दय ग्यानुच यि वथ आसान।
 प्रौविथ यि वथ मनुश छुनु जांह ब्रमान॥
 अन्त समयस प्यठु युथ श्यर बोझवान।
 ब्रह्मानन्द छुय पजिय प्रावान॥



भगवत गीतायि हंदिस् व्वपनिशदस् मंज श्री कृष्ण तु अर्जन
 दीवनि ब्रह्म ग्यान तु यूग शास्त्रुचि कथ बाथि हंज दोयिम
 अद्या वौच अंद। यथ नाव छु "साँख्य यूग।"

त्रेयिम अद्या

अर्जनन दीवन वोन

1. कर्मव खोतु थोद योद चु ग्यान मानान।
कवु मे गोर कर्मन कुन छुख निवान॥
2. वोलु दोलु माने वॉल्य व्वपदीशन चॉन्य।
सॉरुय व्वद ब्रमुरॉव्य म्यॉन्य॥
मेय प्यठ कंर कृपा सूंचिथ दितम ग्यान।
यिमव मंज कमि सुत्य गछ्यम कल्याण॥

श्रु कृष्णनन वोन

3. येरिलूक, ब्रोंह म्यानि देंस्य वोनमुत दुवोत ज्ञान,
वतु दुकुसुमु छि नेष्ठावान मानान॥
साँख्य यूगी छि दयि ज्ञानु सुत्यन लब्बान।
यूगी छि दय कर्म यूगु सुत्य लब्बान॥
4. युस मनुष्य कुनि कामि छुनु ग्वडु दस तुलान।
सु नेशकर्म अवस्थायि कति छु वातान॥
कर्म त्यागु सुत्यन छेनु युगुच कल गनान।
ग्यानुच स्यदि छुनु मनुश्य प्रावान॥

5. प्रकृच्छ हृद्यव ग्वनव सुत्यन ज्ञान।
 बेशक मनुश्य छुनु चिहिस बेहान॥
 कुनि कालस मंज छुनु बिहिथ रोज्ञान।
 कार करनस मजबूर सुय गछान॥
6. सारिनुय येन्द्रेयन वशस मंज युस छु करान।
 कल वैशयन हंज अन्दरीय वैचारान॥
 यस मूडस कांख्या छय सतावान।
 तस मूडस छि अपज्योर वनान॥
7. योद पनुनि मनु सुत्य कर्म येन्द्रेयन न्यष्ठावान।
 वशस मंज करुनुच छु कूशिश करान॥
 न्यशकाम कर्म सु करान रोज्ञान।
 सुय स्यठाह श्रेष्ठ छुय मानुनु यिवान॥
8. शास्त्रव अनुसार कर्म करुन्य फर्ज मान।
 न करनु खेतु छुय कर्म करुन्य जान॥
 पनुन्य दान गुजोरी कर्म जोरी रोज थवान।
 पालुन शरीर पनुन करुन्य पौर्यज्ञान॥
9. कर्म अर्जनु रोज दयि रूप हवनस हुमान।
 येरिलूक बंदुनन छुनु तेलि फसान॥

दय रंजुवुन बापथ नेत्य कर्म रोज़ करान।
कांख्या फलुच तेलि छुन रोज़ान।।

10. ग्वडु प्रज़ापथ ब्रह्माहन सृष्टी तु दीव पौंदु कॅर्य यॅग्य सान।
वौनुनख हवन सुत्य रुज़िव बजा गछान।।
येमि यॅग्य सुत्यन यि येछिव ति रुज़िनव बनान।
बूग सॉरी रुज़िनव मुहयया गछान।

11. बावु सान हवन कॅरिथ छि दीव ख्वश रोज़ान।
तिम तमि बदलु छि लूकन प्रसन्न करान।।
परस्पर बावु सुत्य अख अँकिस छि लोल बरान।
तमि सुत्य मनुश्य परमु कल्याण प्रावान।।

12. बावु सुत्य यॅग्य किन्य दीवगन प्रसन्न सपदान।
तमि सुत्य यछायि पूर, लूकन तिम करान।।
दयन द्युतमुत युस पानसुय योत ख्यवान।
न दिवान दयस कुन कॅह छु चूर आसान।।

13. दयि टौठ्य सारिवुय पापव छि म्वकलान।
तिम सॉरी यॅज्ञस हुमिथ छि बूज़न करान।।
येन्द्रेय स्वरु बापथ यिम बूज़न बनावान।
तिम पॅज्य किन्य पाफ पानस ख्यवान।।

14-15. अन्न सृत्य सृष्टी पोछर छु सपदान।

रूढ सृत्यन अन्न छु पौंदु सपदान॥

युस हवन करनु यियि नैशकाम बावु सान।

सु हवन रूदस रोकु सोजान॥

कर्मन हुंद हुजूम वीद मंज दामुत ज्ञान।

वीद दयस निश छि ज्ञामुत्य आसान॥

चवापौर्य वुछवुन तु आसुवुन दय ज्ञान।

हवनस मंज सु साख्यात्कार बिहान॥

16. वीदु मंज दामुत्य यॅग्य चॅक्र युस नु पालान।

बेशक सु पापव बैरिथ द्यन गुजारान॥

बूगान वेशयन तु तृप्त येन्देयन करान।

ही अर्जनु सु पौपी बैल्य छु जिंदु रोजान॥

17. आत्माहस मंज युस मनुश्य आनन्द तुलान।

प्रज्ञनोवमुत तैम्य पनुन पान आसान॥

आत्म प्रकाशि सोस संत्वष्ट रोजान।

कर्तव्य कर्म छिनु तस गिलुवान॥

18. स्यद प्वरुशस छुनु कांह ति कर्म गंडान।

जरूरत कर्म करनुच या न करनुच छस प्यवान॥

न छुस प्रयूजन काँसि हुंदुय रोजान।

छुनु शरण दयस रोस काँसी गछान॥

19. कामनायि रोस कर्म फर्जु ब्रॉन्च रोज़ कराना।
कामनायि रोस कर्मव परमब्रह्म छि प्रावाना॥
20. ज़नक राज़न्य पॉठ्य कर्तव्य कर्म ज़ाना।
बेलोस कर्म करिथि प्रावु परमु स्यदी माना॥
हेयछु नावनु बापथ तिथु पॉठ्य लूकन।
कर कर्म थव मिसाल तिय गछि ज़ाना॥
21. थेंद्य प्वरुश संसॉर्य युथ व्यवहार कराना।
आम जनता छि बस तथ नकुल कराना॥
पननि तुलु त्रावि सुत्य यि केंह हैछनावाना।
आम जनता छि तेंस्य पतु पतु पकाना॥
22. त्रेन लूकन मंज छुम नु कांह फर्जु ज़ाना।
अर्जन नेत्य कर्म छुन कांह युस मे गंडाना॥
न छुम ज़रूरत केंह न छुम कुनिकुय अबावा।
तोति नेत्य कर्मन छुस बरान चावा॥
23. ज़ॉनिथ नेत्य कर्म कुनि सातु करनु योद।
न्वकसान गछि कायनॉच सेदि स्योद॥
येमि ज़गतुक वतुहावुक बु आसान।
म्यानि वति प्यठ लुख सॉरी पकाना॥

24. नेत्य कर्म करनु योद लुख गछन नष्ट ब्रष्ट।
बोर तेलि नखस मे सोरुय तिहिदि कष्टुक॥
क्वबोज लूकन वर्णसॉन्कर रोजन ज्यवान।
बनु बुरबोदी हुंद बु सादन यि मान॥
25. फलुच्य आशा ह्यथ यिथ पॉठ्य दर संसार।
अग्यॉन्य छिय करान वीरुन्य कार॥
तिथु पॉठ्य ग्यॉनी नेष्काम कर्म कॅस्थि।
रुच वथ हावान लूकन शुबिदार॥
26. सकाम कर्म करनवोल गछि नु त्रॅहरावुन।
बोजवानस पजि सु वति लागुन॥
बॅखती हुंद पाठ वारु वारु परुनावुन।
कृष्ण बावु बॅखति अमर्यथ चावुन॥
27. प्रकॅच हंघव ग्वनव सुत्यन ज्ञान।
छुय अख मनुघ्य सॉरी कर्म करान॥
अहंकारस मंज फॅटिथ अख इन्सान।
छुय पॉन्य पानस कर्ता मानान॥
28. ग्वनन तु कर्मन निश श्यर बोजवान।
आत्मा ब्योन तु न्यरलीप मानान॥

येन्द्रेय वैशाय यिकवटु छि कर्म अंजरान।
बन्दनव कर्म पनुन पान म्वकलावान॥

29. प्रकृच्च हृदय ग्वण कम बोजि बोमुरान।
संसौर्य कारन मंजु अग्योन्य मस्त रोजान॥
योद ग्यानु अबावु कर्म, कम बोजवान करान।
बोजवानस तिहुंद सोंच छनु डालुन शायान॥

30. सौरी कर्म रोज मेय पुशरावान।
म्यानि पूरु ज्ञानु सुत्य बन ग्यानुवान॥
कामना तु कर्ता सुंद ऐहसास त्रॉविथ।
मान व्वन्य य्वद करुन आलुछ त्रॉविथ॥

31. हुकुम म्योन यि मॉनिथ यिम मनुष्य कर्म करान।
दूशि नजरव रोस बैयि श्रदायि सान॥
म्यॉनिस व्वपदेशस छि हुकुम मानान।
तिम कर्म फलु बंदनव म्वकुल्य छि रोजान॥

32. युस मनुश हांछ दूशिच मेय खारान।
तवय म्यॉनिस मतस प्यठ छिनु तिम पकान॥
स्यदी प्रावनस मंज सुय कम बोजवान।
ब्रष्ट गॅछिथ पतु छुय नाशस गछान॥

33. सॉरी ज़ीव, ग्यॉनी बैयि व्यदवान।
 पनन्य पनन्य स्वबावय छि कर्म करान॥
 त्रिग्वनव सुत्य पाद पनुन्य प्रकॅच पतु पकान।
 हठ काँसि हुंद छुनु अति नखु वसान॥
34. प्रथ येन्देय बैयि अमिक्वन वेशयन मंज ज्ञान।
 छु द्वयुत बैयि राग खँटिथ आसान॥
 पजि मनुशस द्वय तु बावु निश दूर रोजुन ज्ञान।
 कल्याण मार्गस यिम शेशुर वेग्न त्रावान॥
35. व्यवहारस मंज पर कर्म ग्वनव सान करनु ख्वतु।
 ग्वनव रौस नेत्य कर्म पनुन्य करुन्य जान॥
 बय दिनु वोल् पर दर्म छुय आसान।
 स्वदर्मस मंज मरुन बेहतर मानं

अर्जन दीवन वोन

36. मनु सुत्य न येछिथ कवु पापु कर्म करुन्य ह्यवान।
 जन बलुसान पापन कुन कांह गिलविथ निवान॥

श्रु बगवानन वोन

37. रजोग्वन सुत्य काम छुय पौंदु सपदान।
 युस पतु कूध रूप दारन करान॥

ख्वहय बोड पॉपी बूग बूगनस छुन अरु यिवान।
येमि संसारय ख्वहय बोड शेशुर मान॥

38. दुहि सुत्य अँगन खँटिथ मलु सुत्य आँनु रोज़ान।
हलु सुत्यन गर्भ वँलिथ रोज़ान॥
तिथु पॉठ्य अमि कामनायि सुत्यन ज़ान।
मनुशस ज़ान खँटिथ छुय रोज़ान॥

39. श्वद्ध च्यथ ग्यानुवान सुंज तिथु पॉठ्य ज़ान।
कामु रूपु शेशुर सुत्य खँटिथ रोज़ान॥
काम अँगुक्क्य पॉठ्य छुस ज़ालुनावान।
यिम चंजि छस नु ज़ांह शान्त सपदान॥

40. येन्द्रेय मन बैयि ब्वद मनुशस ज़ान।
कामुच रोज़न जाय आसान॥
काम त्रेशवुन्य हँदि मदुतु सुत्यन ज़ान।
जीवु सुंद ग्यान छुय हँरिथ निवान॥

41. ही अर्जनु ग्वडु पनुन्य येन्द्रेय वशस कँरिथ।
पापुक बोड निशानु काम छुनुन मॉरिथ॥
आत्मा तु ग्यानुक शेशुर कामुक वजूद।
पॉन्य पानय करुन नेस्त नाबूद॥

42. यथ दीहस खोतु ऑव्युल तु बलवान।
छय कर्म येन्देय माननु यिवान॥
मन येन्देयन थोद, व्वद मनस थॅज ज्ञान।
आत्मा बोज खोतु थोद आसान॥
43. आत्मा जॉव्युल तु बलवान बोजु खोतु जॉनिथ।
ध्यान यूग सुत्य मन वशस मंज अँनिथ॥
दयि बावु बल छुय अर्जनु व्वन्य व्वथुन।
कामु रूपु कृपन शेशुर छुय चै गालुन॥



भगवत गीतायि हंदिस् व्वपनिशदस् मंज श्री कृष्ण तु अर्जन
दीवनि ब्रह्म ग्यान तु यूग शास्त्रुचि कथ बाथि हंज त्रैयिम अद्या
वॉच अंद। यथ नाव छु "कर्म यूग॥"

चूरिम अद्या

श्रु भगवानन वोन

1. नाशस नु गछवुन सिरियस द्युतुम ज्ञान।
तैम्य करनोव वैवस्वत 'मनु' ज्ञान॥
मनुहन पांथरस राजु इक्ष्वाकस।
अमर यूगुक द्युतुन बूजिथ ज्ञान॥
2. पतुवथ प्रोन तु थोद वरासँच मंज म्यूलमुत ज्ञान।
ग्वर रूदय राज रेशिनुय दिवान॥
अमि पतु स्यठाह काल गव येथ्य यूगसा।
गोमुत लूप पृथिवी लूकस मंज॥
3. पुरातन खगुक या दयस सुत्य रिशतु चोन।
द्युतमय ज्ञान च्छु छुख शश तु यार म्योन॥
स्यठाह थोद तु वोतम आसुवुन छु यि ज्ञान।
तमि ग्यानुक्य दिव्य राजुच ह्यकख कँरिथ ज्ञान॥

अर्जन दीवन वोन

4. सिर्य सुंद जन्म छुय स्यठाह प्रानि खोतु प्रोन।
छुय हाल हालुक यि जन्म चोन॥
कल्पस मंज ब्रह्महन द्युत जन्म सिरियस।
बु किथु मानु सिरियस द्युतुथ चे युथ प्रोन ग्यान॥

श्रु कृष्णान वोन

5. दुशमनन गालुवुनि ही अर्जुनु ज्ञान।
हेतिमुत्य स्यठाह जन्म असि वुन्युखतान्य॥
हेतिमुत्य यिम जन्म मे सॉरी छिम याद।
चे हेतिमुत्य जन्म यिम रूदिय नु याद॥
6. जन्मु रोस तु नाशि रोस यौद छुस बु आसान।
येमि बुतरॉच हुंद छुस बु भगवान॥
पनुनिस स्वबावस वशस मंज छुस अनान।
यूग मायायि सुत्य छुस बु प्रेखटान॥
7. येलि येलि दर्म छुय लूपस गछान।
अदर्म छुय च्वापॉर्य फॉफुलान॥
तमि विजि दर्मुकि उत्थानु बापथ।
छुस बु प्रजायि मंज प्रखुट सपदान॥
8. सादन तु संतन उद्वार करनु बापथ।
पॉपियन तखत ताहराज छुस करान॥
छुस कुन दर्मुक बेयि दिनु बापथ।
खग खग लूकन मंज प्रखटान॥
9. दिव्य जन्म म्योन बेयि दिव्य कर्म म्यॉन्य।
ज्ञानान यिम यि दिव्य प्रकृथ म्यॉन्य॥

छुनु मरनु पतु कांह सु जन्म हेवान।
सु मनुश्य मेरिथ मेय निश वातान॥

10. यिम मनुश राग, द्वयुत, भय तु क्रूथ गॉलिथ।
गॉमुत्य पथ कालि श्वद्ध मेय शरन यिथ॥
ग्यानुचि रेह सुत्य तिमव पान गोलमुत।
म्योन दिव्य लोल सारिनुय तिमन सन्योमुत॥

11. येमि बावु सुत्य लुख छिय मे शरन यिवान।
तमिय बावुक छुस बु तिमन फल दिवान॥
सॉरी मनुश छिय प्रथ कुनि रंगु ज्ञान।
पतु पतु म्यॉनिस मतस प्यठ पकान॥

12. येमि संसॉर्य मनुश फल कर्मन हुंद कांछान।
कामना कॅरिथ दीवन पूजान॥
सकांम कर्म सुत्य बेशक येरिलूक ज्ञान।
मनुशान जल जल छु फल मेलान॥

13. ब्रह्मन ख्येत्रे वैशाय शुदुर वर्न चोर ज्ञान।
बनॉविमुत्य ग्वनव कर्मव किन्य मे आसान॥
पॉदु सृष्टी करनवोल योद छुस बु भगवान।
न करनवोल चकि मे दयस च मान॥

14. मे असर कुनि कर्मुक छुम नु प्यवान।
न कांख्या कर्म फलुच छम मे रोजान।
पज़र युस मनुश यिथु पौठ्य म्योन ज़ानान।
कर्म फलकिस पाशस छुनु वलनु यिवान॥
15. पथकालि सारिवुय म्वक्ती ज़नव म्यौन्य।
दिव्य प्रकरथ ज़ौनिथ कॅर्य कर्म पनुन्य॥
तिथय पौठ्य ज़िठ्यन हुंघन नकशि कदमन वुछान।
कर नकल फर्ज पनुन अन चु अंजाम॥
16. अकर्म क्या गव छि कर्म कथ वनान।
अर्थुक दुच्योत छु ग्यौनियन ति बासान॥
बोज़ मेय निश व्वन्य छि कर्म कथ वनान।
ज़ौनिथ चे गछिय पज़िय कल्यान॥
17. कर्मन हुंद ज़ौविजार वुछुन कठ्युन स्यठाह आसान।
छे त्रैयि कुस्म कर्मन हुंज़ चे करुन्य ज़ान॥
ग्वडुन्युक छुय कर्म, अकर्म छुय दोयिम।
विकर्म गव क्या ज़ानुन त्रैयिम॥
18. युस मनुश कर्मस मंज़ छु अकर्म वुछान।
अकर्मस मंज़ छुय कर्म डेंशान॥

मनशन मंज दाना सुय आसान।
कार सौरिय करनवोल सु यूगी माना॥

19. कामनायि वरॉय बेयि तृप्त येन्द्रेयव सान।
युस मनुश प्रथ कामि छु दर्स तुलाना॥
ग्यान रूप रेह मंज छु कर्म बस्म करान।
तस महा प्वरुशस छि पॅन्डित वनाना॥

20. सारिनुय कर्मन मंज यछा फलुच त्रॉविथ।
सु मनुश आज़ाद तु सनत्वष्ट रोज़ाना॥
मस्त सौरिय कर्म करनस मंज सु रूज़िथ।
सकाम कर्म छुनु कांह ति कराना॥

21. बोज़ तु मन वशस मंज पूरु पॉठ्य छु करान।
छुनु कर्म कॅरिथ ति कर्ता पानस वनाना॥
जुव पालनु बापथ कर्म रोज़ान करान।
पाप रूप फलुक छुस नु कांह असर प्यवाना॥

22. यि केंछा मीलिथ छु त्वष्टी प्रावान।
राग दुय अन्दुकारु रोस सुय आसाना॥
सेदी असेदी मंज सम रोज़ान।
कर्म कॅरिथ बंदुनव म्वकुल रोज़ाना॥

23. प्रकृच्छं हृद्यं ग्वनन युस छुनु तम्बलान।
हरदम दुयि द्यानस मंजु छु रोजान॥
येग्य रूपु दयस कर्म रोजान छु हुमान।
हुमिमित कर्म ब्रह्मस सुत्य मेलान॥
24. ब्रह्म रूपु अँगनस आहोच तु सामान।
कर्ता कर्म क्रिया तस ब्रह्म छु बासान॥
ब्रमु कर्मस मंजु ब्रह्म ग्योनियस ज्ञान।
फल ह्यथ छु सोरुय ब्रह्म बासान॥
25. नाद दीवन बेयि प्रसन्न करनु बापथ ज्ञान।
केंह यूगी हवन छि ज़ाहिरी करान॥
छि अँन्दरी आत्माहस कंह यूगी ज्ञान।
दयि रूपु अँगनस आहोच दिवान॥
26. कनव बूजिथ केंह यूगी ज़न ज्ञान।
संयम रूप अँगनस येन्द्रेय हुमान॥
स्वर शब्द तु वेशयन केंह यूगी ज्ञान।
येन्द्रेय रूपु अँगनस रोजान हुमान॥
27. केंह यूगीज़न येन्द्रेयन हंजु क्रियायि।
बेयि सारेय प्रानन हंजु क्रियायि॥

पनुने ज्ञानु सुत्य तिम गाशरावान।
आत्म संयम यूगु रूपु अँगनस हुमान॥

28. दयि रूपु अँगनस केंह पनुन्य सॉन्यथ हुमान।
केंह सख्त तप तु केंह छि यूग हुमान॥
शाकाहॉरी सख्त फाकव सुत्य ज्ञान।
वीदु ग्यानु रूपु रेह ग्यानस हुमान॥

29-30. केंह यूगीज़न समोज़ मंज़ रोज़ान।
शाहस पनुनिस रुकॉविथ थवान॥
अपानस मंज़ प्रान प्रानस मंज़ अपान।
रुकॉविथ यूगु अम्यास तिम छिय करान॥
केंह यूगीज़न ख्यथ कम बूज़न।
प्रानु रूपु हवनस प्रानुय हुमान॥
येग्युक मानि ज्ञानु किन्य छि हुमान रोज़ान।
पापु कर्मव निश छि तिम मुछि रोज़ान॥
येग्य ज्ञानन वॉल्य सॉरी साधक ज्ञान।
येग्यव सुत्यन छि पाफ नाशस करान॥

31. हवनुक्य फलु रूपु अमृत अनुभव करान।
यिथ्य यूगी ज़न परम ब्रह्मस निश वातान॥
छिनु संसॉर्य येग्य न करनवॉल्य स्वख प्रावान।
तिम परिलूकस किथु स्वख छांडान॥

32. नाना प्रकार्य येग्य वीदव मंजु दामुत्य ज्ञान।
 ब्योन ब्योन कर्मव यिम पौंदु सपदान॥
 यिथु पौंठ्य मतलब अम्युक यिम छि ज्ञानान।
 तिम छि कर्म बन्दुनव निशि म्वकलान॥
33. दुशामनन गालुवुनि ही अर्जनु ज्ञान।
 दनु येग्य खोतु छुय ज्ञानु येज्ञ जान॥
 सौरी कर्म येग्य अन्तस प्यठ ज्ञान।
 ब्रह्मा ग्यानस मंजु मीलिथ सपदान॥
34. नाना प्राकौरी येग्यन हुंज पौरिज्ञान।
 ग्वरस निशि गछ प्राव तस निशि ग्यान॥
 तसुंजि सीवायि सुत्य प्रावख चु युथ ग्यान।
 तैम्य स्वरूप स्यदन छु दर्शुन कौरमुत आसान॥
35. ग्यौनी ग्वरस निशि मेलिय पजरुक चे ग्यान।
 येमि सुत्य मुह चोन दूर रोजिय सपदान॥
 जीवन मंजु दयिसुंद अंश अमि ग्यान रोजख वुछान।
 या छि जीव सौरिय म्यौन्य रोजख शेंकान॥
36. योद सारिवुय पौपियव खोतु बोड पौपी चु माननु यिवान।
 पापव निशि मुछि छि ग्यानु सुत्य सपदान॥

दिव्य ग्यानु रूपी नावि तार छुय लगान।
द्वखु सागरस अपोर तरनुच छि सामरथ रोजान॥

37. यिथु पौठ्य ही अर्जन वुहवुन नार आसान।
सारिनुय चुन्यन छु सूरु म्वठ बनावान॥
तिथय पौठ्य ग्यानु रूपु रेह प्रजलवुन्य छि आसान।
संसौर्य कर्मन हंघ फल छु जालान॥

38. अथ ग्यानस बराबर येमि संसौर्य मान।
छुनु श्वद करनवोल केह ति आसान॥
स्यठाह कौल्य कर्म यूग सुत्य प्रौविथ ग्यान।
ग्यान, श्वद मनु वोल आत्महस मंज छु प्रावान॥

39. येन्द्रेय पनुनि शोमरिथ युस मनुश छु थावान।
साधना दयि सुंज श्रदायि सान युस करान॥
अमि सुत्य मनुश पूर्न ग्यान छु प्रावान।
ग्यानु सुत्य जल परम शौन्ती लबान॥

40. श्रदायि रोस अग्यौन्य यिम शक शास्त्रन करान।
दयि लोलु अमृत तिम छिनु प्रावान॥
येरिलूक तु परिलूकुक चुय स्वख ज्ञान।
संशयि वोल जीव छुनु ज्ञांह प्रावान॥

41. कर्म बंदनव रौस यिम बॅखुत्य यूग करान।
 दयि ग्यानु संशय छुख दूर सपदान॥
 कर्म यूग किन्य कर्म युस दयस पुशरान।
 ही अर्जनु कर्म बन्दन छिनु तस गंडान॥
42. अग्यानु किन्य मनस यिम संशय चे आसान।
 ग्यानु रूप शस्त्र मुह ज़ाल रोज़ च़टान॥
 सम बाव कर्म यूग व्वथ रोज़ व्वन्य करान।
 गछ व्वन्य कर खद कर्म यूग खद ज़ान॥



भगवत गीतायि हंडिस व्वपनिशदस मंज़ श्री कृष्ण तु अर्जुन
 दीवनि ब्रह्म ग्यान तु यूग शास्त्रुचि कथ बाथि हंज़ च़ूरिम
 अद्याय वॉच अंद। यथ नाव छु "ग्यानु कर्म सन्यासु यूग"।

पुंचिम अद्या

अर्जन दीवन वोन

1. दैमी छुख कर्म सन्यासुच कथु करान।
कर्म यूगस दैमी तौरीफ करान॥
युस यिमव द्वयव मंजु मेय क्युत गछि जान।
वनुम सुय येमि सुत्य गछ्यम कल्यान॥

श्रु भगवानन वोन

2. कर्म यूग तु सन्यास द्वशवय यूग ज्ञान।
हीतू परम कल्यानुक्य छि आसान॥
सहल सादुनस मंजु योद कर्म यूग आसान।
कर्म सन्यासु खेतु थोद छु मानुनु यिवान॥
3. द्वय तु बावस युस छुनु मूहित गछान।
तस कर्म यूगियस छि सैन्योस्य वनान॥
द्वय तु बावु रूपु नैह गटि युस ह्यनु छुनु यिवान।
येरिलूक स्वख बूगिथ छु परिलूकस तरान॥
4. सांख्यस तु कर्म यूगस कम बोजवान।
ब्योन ब्योन फल दिनु वोले मानान॥
युस द्वयव मंजु अकुय यूग छुय सादान।
द्वन यूगन हुंद फल छु प्रावान॥

5. ग्यानु यूगी छि परम दाम प्रावान।
कर्म यूगी ति स्वय गथ प्रावान॥
यिथु पौठ्य युस कर्म तु सान्ख्य यूगस सम वुछान।
फल रूप तिम छिय दय डेंशान॥
6. बँक्ति रोस सॉरी कर्म फल त्याग करनु सुत्य ज्ञान।
जांह सोखी कांह मनुश छुनु रोज्ञान॥
मस्त बँखती मंज गाटुल इन्सान।
जल जल परम आत्मा छु प्रावान॥
7. येन्द्रेय शोमरिथ श्वद बावनायि सान।
युस बँक्ति बावय कर्म छु करान॥
तस टौठ्य सॉरिय सॉरनिय सु टोठ आसान।
कर्म करान बंदुनन मंज छुन फसान॥
- 8-9. दिव्य बावस मंज परिपूर्ण मनुश ज्ञान।
छु वुछान, बोज्ञान, स्पर्श करान॥
मुशुक ह्यवान, ख्यवान, नचान तु फेरान।
श्वंगान, शाह ह्यवान बैयि त्रावान॥
बोलान, त्याग करान केहं या पानस निश थवान।
अँछ मुचरावान या बंद करान॥
चकि येन्दिन पान येन्द्रेय तृप्त करान।
पानस न करनवोल छु मानान॥

10. सौरिय कर्म युस दयस पुशरावान।
 कामनायि त्रौविथ छु कर्म करान॥
 पौनिस मंज पम्पोश वेंथुर सु आसान।
 पापन मंज छुनु सु ज़ांह ति ब्वडान॥
11. येन्द्रेय मन बैयि बोज़ तु शरीरु सान।
 राग बोज़ रोस केंह कर्म यूगी आसान॥
 त्याग कामना कॅरिथ कर्म छि करान।
 अंतःकर्णन हंजि शौदी बापथ छि कर्म करान॥
12. सौरी कर्म फल पुशरिथ थ्यर बोज़वान।
 अँन्दरिम शौन्ती छुय प्रावान॥
 फलुच कल दयि बावनायि रोस युस थवान।
 कर्म बन्दनव छु सु वलनु यिवान॥
13. प्रकृथ पनुन्य युस छुय वशस मंज करान।
 मनु किन्य कर्म सौरी छु त्यागान॥
 कर्म नु कॅरिथ न सु करनौविथ।
 नव द्वार नगरस मंज स्वखु सान बिहान॥
14. स्वौमी शरीर रूप नँगरुक छु आत्मा आसान।
 न कर्म करान पानु न करुनावान॥
 न फल कर्मन हुंद छुय द्यावनावान।
 प्रकृच हुंद स्वबाव करनावान॥

15. न काँसि हंघ पाप बेयि न काँसि हंघ प्वन्य ज्ञान।
छु पानस निश परमात्मा थवाना॥
अग्यानु किन्य जीव मूहित छि गछान।
युस असुल ग्यानस छु परगॅल्य करान॥
16. योद कांह ग्यानु सुत्य उच ब्वद प्रावान।
येमि सुत्य अग्यान छुस नाशस गछान॥
यिथु पॉठ्य दोहस मंज सिरियि गाशरावान।
तिथु पॉठ्य तीज ग्यानुक छु चमकावान॥
17. यस जीवु सुंज ब्वद बेयि मन श्रदायि सान।
भगवानस मंज थ्यर छि रोज्ञान॥
छु शरन गॅछिथ्युय युस ग्यान प्रावान।
पापव म्वकलिथ परम गथ सु प्रावान॥
18. वेद्या विनय पूरु मनुश सम बावय वुछान।
गॉव, ब्रह्मनस, हूनिस, हॅसिस, चंडालस सान॥
19. यिम एकाग्र मन सुत्य समबावु रोज्ञान।
छि ज्यनु मरनु बंदुनव ग्वडन्य म्वकलान॥
ब्रह्मस बराबर तिम न्यरदूश आसान।
छि ब्रह्मस मंज हमेशि तिम रोज्ञान॥

20. टोठ प्रॉविथ खोशी यिम छिनु प्रावान।
 अटोठ प्रॉविथ छिनु यिम रिवान॥
 मुह रोस यस थ्यर ब्वद छे आसान।
 ग्वडु प्यठु तिम ब्रह्मस मंजु थ्यर आसान॥
21. युथ म्वखतुज्जन येन्देय स्वखस छुनु तम्बुलान।
 आनन्द समोज्ज मंजु सु छु प्रावान॥
 कोबू कॅरिथ मन दयस शरन रोज्ञान।
 विजि विजि स्यठाह स्वख सुय प्रावान॥
22. येन्देय तु वेशय छि हीत द्वखुकक्य आसान।
 द्वखु कारनन छुन सनान बोज्ञवान॥
 अर्जन यिमन बूगन ग्वड तु अंद छु आसान।
 स्वखु रूप ग्वड मूडस छि बासान॥
23. दीह त्याग करनु ब्रोठ येन्देय द्वख सहन करान।
 यछा तु कूड सुत्य पौडु द्वख रुकावान॥
 द्वख बरदाश करनुक सामर्थ युस थवान।
 सु साधक येमि संसौर्य सोखी रोज्ञान॥
24. आत्महस मंजु स्वख तु आराम अनुबव करान।
 अँन्दरिम प्रकाश तस प्रजलावान॥
 छु ब्रह्मस निश कीवल सु यूगी वातान।
 तमि पतु थॅज गथ सु छु प्रावान॥

25. संशय सुत्य पौंडु दुय तु राग दूर आसान।
 दयि ध्यानस मंज मसरूर आसान॥
 ख्यनु ख्यनु परोपकार छु करान रोजान।
 सुय र्योश छु शान्त ब्रह्मस निश वातान॥
26. युस क्रूद रोस तु येन्द्रेय यछायव रोस आसान।
 सुय स्यद प्वरुश मन वशस मंज थवान॥
 युस दय लबुनुक यतुन करान रोजान।
 बेशक बुथि तिमन म्वखती छि मेलान॥
- 27-28. येन्द्रेय वेशय सोरय छु शोमुरावान।
 नजर द्वन बुमन मंज टिकुनावान॥
 नकुवार्यन मंज प्रान अपानुक हवा रँटिथ थवान।
 यिथु पौण्ड्य मनु येन्द्रेय तु ब्वद सु कोबू करान॥
 छु यस मतलब मूक्ष दामुक आसान।
 सु बय क्रूद बेयि यछायि रोस छु आसान॥
 युस हमेशि अथ हिसाबस मंज रोजान।
 बन्दुनव निश बेशक मुछि छु रोजान॥
29. परम येज्ञन, तपन हुंद मूलादार बुय।
 दीवन तु बुतरौंच हुंद छुस दीव बुय॥
 टोठ सारिनुय बूत प्रानियन हुंद बुय।

बेगर्ज दयालू तु ह्यतुकोरी बुया॥
 यिथु पौठ्य युस मनुश छु त्वथ म्योन ज़ानान।
 संसौर्य द्वखव निश सु म्वकुल छु रोज़ान॥



भगवत गीतायि हंडिस व्वपनिशदस मंज़ श्री कृष्ण तु अर्जन
 दीवनि ब्रह्म ग्यान तु यूग शास्त्रुचि कथ बाथि हंज़ पुंछिम अद्या
 वौच अंद। यथ नाव छु "कर्म सन्यास यूग"।

ॐ

शैयिम अद्या

श्रु भगवानन वोन

1. फर्जुक कर्म कॅरिथ फलुच नु आशा थवान।
सु सॅन्योस्य तु त्योगी पज़िय आसान॥
कर्म न करन वॉलिस तु ह्वन न करन वॉलिस।
न छि यूगी न सन्योसी वनान॥
2. ही अर्ज़नु! च़कि सन्यासुय छु यूग आसान।
परम ब्रह्मस मेलनुक छु सादन बनान॥
येन्द्रेय तृप्ती बापथ यछायि छु त्याग करान।
तमि रोस छुनु कांह ति यूगी बनान॥
3. युस नोव सादक यूग सादुन यछान।
नेष्काम कर्म करुन्य छु सादन बनान॥
स्यद पुरुशस बापथ येमि संसॉर्य ज़ान।
संकल्य त्याग यूग सादन बनान॥
4. येलि नु काँसि येन्द्रेय बूगुच यछा रोज़ान।
न येन्द्रेय तृप्ती बापथ छु कर्म करान॥
न छि सकाम कर्मन कुन प्रवृत गछान।
सु ज़ान यूगस मंज़ छु थ्यर बोज़वान॥

5. गछि थोद पनुन पान पानु तुलुनावुन।
पनुन पान गछि न ज़ांह लछि त्रावुन॥
मनुशस मेशुर पनुन छुय पननुय पान।
बेशक शेशुर ति तस छु पननुय पान॥
6. मन तु शरीरु ज़ूनमुत येम्य येन्दैयव सान।
छुय तस पनुन मेशुर तैलि पनुन पान॥
छुनु मन तु शरीर ज़ूनमुत येम्य येन्दैयव सान।
पानय पनुन शेशुर सुय छु आसान॥
7. येम्य पनुन मन ज़ूनमुत छु आसान।
ग्वडनी तैमी दय लोबमुत छु आसान॥
सर्दी गर्मी मान बैयि अपमान।
स्वखस द्वखस सोम तय शान्त रोज़ान॥
8. येम्य पान प्रज़ुनोव छि तस यूगी वनान।
ग्यान तु दयि अनुबवु सु त्वष्ट आसान॥
येन्दैय ज़ीनिथ मैच कॅन्य त स्वन सम मानान।
तैम्य यूगियन छु दय वुछमुत आसान॥
9. मेशुरन तु शेशुरन बैयि ह्यतुकारियन।
द्वनवुन्य तरफन रूत यछनवाल्थन॥
यिम खरुवुन्य बैयि मैन्ज़िमयार्यन।
बदकार, पौपियन तु प्वन्यवानन॥

सारिनुय नज़र करान कुन्य बैयि यकसान।
सुय थदि खोतु थोद छु मानुनु यिवान॥

10. आत्मा, शरीर मन पज़ि दयस कुन लगावुन।
ईकान्तस मंज़ मन कोबू करुन॥
सॉरी पनुन्य तमाह बैयि पनुन्य अरमान।
दयस पुशरिथ म्वकुल रोज़ुन जान॥
11. गछि श्रोचि मैचि प्यठ ग्वडु दरबि गासु त्रावुन।
हिरनु मुस्तु पतु पलव वाहरावुन॥
न ज़्यादु थोद न ज़्याद ब्वन आसन बनावुन।
शूबिदार तु टिकुवुन गछि आसुन॥
12. येन्देयन हंज़ु क्रेयायि कोबू कॅरिथुय।
कोबूहस मंज़ पनुन मन अँनिथुय॥
थ्यर अंतःकर्नन हंज़ शोदी बापथ रोज़ुन।
आसनस बिहिथ यूगु अभ्यास करुन॥
13. पनुन दीह, कलु होट सीदस मंज़ थँविथ।
नज़र सेदि स्योद नस्ति कुन टिकॉविथ॥
14. बे बय, ब्रह्मचॉरी व्रतस मंज़ बिहिथ।
कोबू मन मेय कुन लगॉविथ॥

शान्त अंतःकर्ण वोल् यूगी रहिरास।
मेय शरन यिथ करि यूगु अभ्यास॥

15. यिथु पौठ्य शरीर तु मन बैयि कर्मव सान।
युस आत्मा पनुन मे कुन लगावान॥
येमि संसौर्य येलि पनुन दीह त्रावान।
मूक्ष दामुचिय गथ, सु छु प्रावान॥
16. स्यद युथ यूग नु कम न ज्यादु ख्यनु वॉलिस गछान।
न कम न ज्यादु श्वंगन वॉलिस स्यद सपदान॥
17. युस ख्यनस आरामस बैयि कर्मस मंज।
श्वंगनस तु ज़ागृत अवस्थायि मंज॥
आदतन नियम अमिक्थ पालन रोज़ान।
तस यूगु अभ्यासु द्वखन नाश सपदान॥
18. यूगु अब्यास मन तु येन्देय वशस येलि करान।
सु तेलि द्यान मे दयि सुंद ख्यनु ख्यनु करान॥
संसौर्य बूगुचि यछायि छस नु केंह रोज़ान।
आत्म ज़ॉन्य यूगस मंज श्वर सु रोज़ान॥
19. यिथु पौठ्य हवा रोस जायि छु, चोंग दज़ुवुन रोज़ान।
छुनु छ्यतु गछान या हिलान डुलान॥

तिथय पौठ्य दयि द्यानस मंज यूगीयस ज्ञान।
छुनु मन ओर योर ज्ञांह ति डलान॥

20. युस दयि द्यानु सुत्य पूरु मन कोबू करान।
समोज़ मंज सेदी प्रावनुचि वति पकान॥
पानय समोज़ मंज आत्मा पनुन छु वुछान।
पौन्य पानस मंज आनन्द तुलान॥

21. यि आनन्द छु दिव्य येन्द्रेय तु बोजि प्रावान।
दिव्य स्वख स्यठाह छुस गाशरावान॥
सु मनुश समोज़ मंज दयि अनुबव करान।
वुछिथ पज़र छुनु पतु पथ फेरान॥

22. अथ स्वखस बराबर छुस नु केंह बासान।
फौयदु कांह अमि खोतु कुनि छुनु लबान॥
सौरी मुशकिल छिस आसान बासान।
बोड बारु द्वख ति छुसनु व्यसरावान॥

23. मनुशास द्रड वैशवास बैयि श्रदायि सान।
पज्यस यूग सादुन श्वदि मनु सान॥
द्वख रूप संसारस मंज येमि किन्य ब्योन रोज़ान।
पज्यस वथ स्व ज्ञानुन्य वथ यूग छि वनान॥

24. मनु यछायव पौंठु कामना त्याग छिस करुन्या।
मनु सुत्य वारु पौंठ्य पज्जनस येन्देय रूकावुन्या॥
25. दड वेश्वासु बोजि सुत्य वारु वारया।
समौज मंज टिकिथ रोज्जनुक करुन चारया॥
26. अँकिस जाथि नु टिकनवोल चंचल मन ज्ञान।
येति कुनि खयालन मंज आसि फेरान॥
खखरि मनुशस पज्जि तति फीरिथ अनुन।
तमि पतु वशस मंज गछि थावुन॥
27. यस यूगियस मन मे कुन टिकिथ आसान।
सेदी सु दिव्य स्वखक्य छुय प्रावान॥
रजोग्वनु निश दूर दयस सुत्य पौर्यज्ञान लबान।
परूज्जन्मुक्यव पापुकर्मव छु म्वकलान॥
28. युस जीव यिथु पौंठ्य यूग अभ्यास छु करान।
संसौर्य वेशयन निशि छु म्वखती लबान॥
यूगस मंज परम स्वख अनुभव करान।
दयि लोलस फकत नालमुत्य करान॥
29. सारिनुय जीवन मंज आत्मा रूप मेय वुछान।
सम व्यवहार सारिनुय सुत्य करान॥

मे दयस मंज सारिनुय ज़ीवन वुछान।
सु यूगी सोरुय, परमीश्वर छु मानान॥

30. युस मे सॉरिसुय मंज मेय मंज सोरुय वुछान।
न सुय ज़ांह दूर मे निश न दूर तैमिस बु रोज़ान॥

31. आत्मा रूप सारिन्य ज़ीवन मंज बु रोज़ान।
द्वयुत गॉलिथ छुय मेय पूज़ान॥
व्यवहारस मंज तस बोंठु कनि बु बासान।
सुय यूगी मेय मंज छु रोज़ान॥

32. युस छु सारिनुय ज़ीवन पनुन्य हिश नज़र करान।
स्वख द्वख तिहंछ छुय पनुन्य मानान॥
सारिनुय प्रथ रंगु समु बावय वुछान।
स्यठाह थोद सु यूगी छु मानुनय यिवान॥

अर्जन दीवन वोन

33. युस ही मदसूधन समबावुक ज्ञान।
छोट्य पौठ्य द्युतथम बु आस बोज़ान॥
द्वर्लब व्यवहारस मंज अनुन बासान।
चन्यचल मनु किन्य छुम नु टिकुवुन मे बासान॥

34. छु मन चन्यचल हठी तूफॉनी तु बलवान।
रुकावन हवुहा खोतु कठ्युन मे बासान॥

श्रु कृष्णन वोन

35. बेशक मन वशस करुन कठ्युन आसान।
अब्यास तु त्याग सुत्य छु कोबू गछान॥
36. यस मन कोबू छुनु गोमुत आसान।
आत्म ज्ञान तैमिस करुन्य कठ्युन आसान॥
मन वशस मंज कॅरिथ अब्यास तु त्याग सुत्य ज्ञान।
व्यवहारस मंज सेदी सु प्रावान॥

अर्जन दीवन वोन

37. चन्यचल मनु वोले यूगी श्रद्धावान।
आत्म जॉन्य हंजि वति प्यठ ग्वडु पकान॥
संसॉर्य वेशय छिस पतु तम्बलावान।
नु यूग सेदी लॅबिथ छु क्वसु जाय प्रावान॥
38. सु भगवान लबुनुचि वति मंज अनज्ञान।
मुह मायायि मंज वलुनय यिवान॥
छॅकरनु ओबरु लंगिक्य पॉठ्य मा यिवान।
ही कृष्ण सहायि रोस मा वति छु डलान॥

39. ही कृष्ण यि संशय छुम करान परेशान।
 पूरु पौठ्य दूर करनुच छुस व्यनथ करान॥
 चेय हियुव दोयिम छुम नु कांह मे तियुथ बासान।
 संशय दूर करि कांह नु युग्य मे बासान॥

श्रु कृष्णान वोन

40. दय प्राविनुचि वति कर्म यूग सुत्यन ज्ञान।
 उत्त्य कर्म करन वॉलिस छेनु द्वर्गथ ज्ञांह गछान॥
 न येरिलूकस नु परिलूकस मंज ज्ञान।
 कुनि अंदु नाश तस छुनु सपदान॥
41. यूगु ब्रष्ट यूगी मॅरिथि प्वनि लूक प्रावान।
 स्यठाह काल तति सुय छु गुजुरावान॥
 तमि पतु यि यूगी छु बैयि जन्म ह्यवान।
 दनुवान या प्वनिवान क्वलन मंज फीरिथि यिवान॥
42. नतु विद्वान या बोजवान क्वलन मंज तिम जन्म ह्यवान।
 द्वर्लब येमि संसॉर्य युथ जन्म छु आसान॥
43. प्रावमुच प्राणि शरीरुच बोजि सुत्यन यूग करान।
 अर्जन सु ब्रहमि खोतु ज्यादु सेदी कुन लमान॥
44. परूजन्मुक्य दैवी ख्यालव यूगु ब्रष्ट ज्ञान।
 न येछिथ छु तोति दयिसुय कुन लमान॥

युथ उत्सुक यूगी तमि खोतु थज़र छु प्रावान।
शास्त्र शब्द येमिच छि पारय दिवान॥

45. सारिवुय पापव म्वकलॉविथ पनुन पान।
अब्यासुच कूशिश करान रोज़ान॥
स्यठाहव ज़न्मुक्य संस्कार बलु सान।
जल जल थेंज गथ सु छु प्रावान॥
46. थोद तपीशरन हंडि खोतु यूगी आसान।
ग्यॉनियन हंडि खोतु थोद माननु यिवान॥
सकाम कर्म करनवॉलिस खोतु ति थोद छु आसान।
बन यूगी ही अर्ज़न तवय छुसय वनान॥
47. सारिनुय यूगियन मंज़ यूगी श्रदावान।
बैखित बावु सुत्य अँन्दुर्य छुय मे पूज़ान॥
मेय कुन ख्यनु ख्यनु आत्मा लगावान।
प्वख्तु सुय यूगी छुसन बु मानान॥



भगवत गीतायि हंडिस व्वपनिशदस मंज़ श्री कृष्ण तु अर्ज़न
दीवनि ब्रह्म ग्यान तु यूग शास्त्रुचि कथ बाथि हंज़ शेयिम
अद्या वॉच अंद। यथ नाव छु "आत्म संयम् यूग"।

सँतिम अद्या

श्रु भगवानन वोन

1. मन पनुन मेय कुन लगावख किथु लोलु सान।
यूग अब्यासु सुत्य रटख म्योन दामान॥
किथु सशंयि रोस आत्मा रूप मे ज्ञानख।
बु वनय अर्जन दीवु चु रोज़ बोज्ञान॥
2. पूरु पौठ्य बु वनय व्यवहार तु दिव्य ग्यान।
ज्ञानुन लायख यि जौनिथ पर छुय नु कांह ग्यान॥
3. सासु बद्यन मंज कांह अखा सेदी कुन लमान।
खालुय कांह तिमव मंजु मेय ज्ञानान॥
- 4-5. आकाश, ज़मीन, पोन्थ, हवा बेयि अग्न सान।
अहंकार, मन, ब्वद, म्यौन्थ ओठु प्रकृच आसान॥
म्यौन्थ बेंड दोयिम शाखी छि आत्म ज्ञान।
येमि सुत्य कौयिम यि जगत छु आसान॥
6. शुर्य बानु ज़ीवन हंज यिम प्रकृच ज्ञान।
बु जन्म छुस दिवान बेयि संहार करान॥

7. पनस मंजु म्वखतु यिथु गँडिथ रोज़ान।
 दारमदारु सारि ज़गतुक तिथु मे प्यठ आसान॥
 छुस ज़गतुक आश्रय पानय बु आसान।
 ही दन्नजय! म्यानि खोतु थोद पज़र छुनु केँह ज़ान॥
8. रस पौनिस गाश ज़ूनि सिर्युक बु आसान।
 सारिनुय वीदन मंजु ओंकार बु आसान॥
 छुस आकाशस मंजु शब्द बु आसान।
 इन्सानन मंजु इन्सानियत मे ज़ान॥
9. मुशक श्रोचि मेचि हुंद बैयि रेह अगुच बुया।
 तप तपीशरन हुंद, ज़ीवुत ज़ीवन हुंद बुया॥
10. ब्योल सारिनुय ज़ीवन हुंद अर्जनु बुया।
 तीज़ वीरन हुंद स्व बौज़न हुंज़ ब्वद बुया॥
11. छुस यछायि तु कामनायि रोस आसुवुन बुया।
 छुस बलवीरन हुंद बल ज़ान बुया॥
 युस काम दर्मस खलाफ छुनु आसान।
 मनुशन मंजु सुय काम छुस बुया॥
12. सतोग्वन सुत्य पौंदु यिम बाव सपदान।
 रज़ोग्वन बैयि तमोग्वन पौंदु बावु सान॥

पौंदु सौरी तिम बाव म्यानि सुत्यन ज्ञान।
पजि छुस तिमन सुत्य तिम नु मे सुत्य रोज्ञान॥

13. सत रजो तमो ग्वनन हृदि बावु सुत्य ज्ञान।
छि संसौर्य जीव मूहित सपदान॥
नाशस न गछवुन यिमव ग्वनव रंसिति सुंज ज्ञान।
सनातन दयि सुंज छखनु पौर्यज्ञान आसान॥

14. त्रनग्वनन हंज म्योन्य दिव्य शक्ति माया ज्ञान।
नेरुन माया जालु मंजु कठ्युन छु आसान॥
यिम जीव शरनागथ मे निश यिवान।
संसौर्य सँदरस तिम अपोर तरान॥

15. मनुज्ञान मंजु बैसिथ मूर्ख स्यठाह तिम आसान।
मायायि यिमन चूरि न्यूमुत ग्यान॥
असरन हंज नासतिक प्रक्रथ ज्ञान।
शरन तिम द्वष्ट मेय निश छिनु यिवान॥

16. संसौर्य स्वखव दादि उचु कामि करनवौल्य जीव।
औरुत्य जिग्यासु तु ग्यौनी जीव॥
यिम चोरि कुसमुक्य मे मानन वौल्य जीव।
छिय बैक्ति बावु सान तिम मेय पूज्ञान॥

17. यिमव मंजु युस परम ग्योनी छु आसान।
 सु श्वद बैखती मंज मस छु रोजान॥
 स्यठाह थोद तु व्वतेम सु ग्योनी मानुनु यिवान।
 तस छुस बु टोठ सु मेय टोठ आसान॥
18. बेशक तिमन सारिनुय वसी दिल छु आसान।
 तस ग्योनियस छुस पानस ह्युव बु मानान॥
 येमिसुंद मन मे सुत्य मीलिय छु आसान।
 मकसद येमिसुंद परमात्मा छु आसान॥
19. स्यठाहव जन्मव पतु येथ्य जन्मस ज्ञान।
 सायस म्योनिस तल छि दाना यिवान॥
 सोरुय छि परमात्मा तिम मानान।
 स्यठाह कम आत्मा छि तिम आसान॥
20. कामनायि सुत्य वेशय हृद्य बूग बूगान।
 स्यठाह कमजोर युहुंद ग्यान छु प्यवान॥
 नाना प्रकार्य पनुने स्वबावुक्य नेयम पालान।
 दीवी तु दीवता छि तिम पूजान॥
21. युस युस सकाम बक्त यस यस दीवस श्रदायि सान।
 पूजा तु त्वता छु करुन यछान॥
 तस तस बैखुत्य सुंज श्रदा थ्यर बनावान।
 तस तस दीवस कुन व्वद छुसख लगावान॥

22. तमि श्रदायि सुत्य सु तस दीवस पूजान।
छु पनुन्य यछा सुय पूर करान॥
पँज्यकिन्य सु म्यानि हुकुमय छु बूग बूगान।
यछायि बूग तस दीवस निश छु प्रावान॥
23. युथ फल नाशस छु कम बोजन गछान।
पूज दीवन करन वॉल्य दीवस निश वातान॥
यिम सॉरी बॅखुत्य छि म्यॉन्य पूजा करान।
ऑखरस म्योन परमुदाम छि प्रावान॥
24. बोजहीन मनुश छिनु म्यानि गॅच ज्ञानान।
मनशि सुंद जन्म ह्यथ मे दयस मानान॥
पननि कम ग्यानु किन्य तिम छि व्यचारान।
ग्वडु ओसुस न्यराकार पतु मनुश शूबिदार॥
25. यूग मायायि सुत्य बु खँट्थि रोजान।
छुस नु बुय सारिनुय पान हावान॥
तमिय अग्यॉन्य अविनॉशी दयस मानान।
मे ज्यनु मरनवोल अख मनुश छि ज्ञानान॥
26. दय आसनु किन्य पथकालि यिय सपद्योव।
अज यि सपदान बुथि यिय सपदिय॥
सारिनुय जीवन हुंद बु सोरुय ज्ञानान।
तिम जीव कॅह छिनु मेय ज्ञानान॥

27. ही अर्जनु येमि संसारुक्क्य सॉरी ज़ीव ज़ान।
यछ़ा तु दुय पॉडु मुह ज़ालस फसान॥
28. परू ज़न्मस बैयि येमि ज़न्मय ज़ान।
येमिय प्वन्य कर्म कॅरिमुत्य छि आसान॥
तस पापु कर्मन पूरु पॉठ्य ख्यय गोमुत आसान।
सु छु मुह गटि वरॉय मे त्वता करान॥
29. युस बुजरु तु मरनु निशि छु बचुन यछ़ान।
तिम सोंबोज़ सायस म्यॉनिस यिवान॥
पूरु पॉठ्य दिव्य कर्मन यिम छि ज़ानान।
पॅज्य किन्य छिय तिमय ब्रह्म आसान॥
30. युस पूरु पॉठ्य थ्यर रूज़िथ मे ज़ानान।
स्वामी ज़ातुक, दीवन तु यॅग्यन हुंद मे मानान॥
तिम दीह त्यागु विज़ि मे भगवानस मानान।
ज़ॉनिथ बैयि छिय समजिथ ह्यकान॥



भगवत गीतायि हंडिस व्वपनिशदस मंज़ श्री कृष्ण तु अर्जुन
दीवनि ब्रह्म ग्यान तु यूग शास्त्रुचि कथ बाथि हंज़ सैतिम अद्या
वॉच अंद। यथ नाव छु "ग्यानु विग्यानु यूग"।

अठिम अद्या

अर्जन दीवन वोन

1. ब्रह्म, आत्मा, दीव, संसार कथ वनान।
बैयि सकाम कर्मन हुंद मे दितु ग्यान॥
2. ही कृष्ण कुस यॅग्युक स्वॉमी आसान।
यथ शरीरस मंज किथु सु रोज़ान॥
संयमी मनुश दीह त्यागु विज़ि पानय।
किथु पॉठ्य वनतम च़ेय ज़ानुनय॥

श्रु भगवानन वोन

3. अविनॉशी तु दिव्य ज़ीवस छि ब्रह्म वनान।
तॅम्य सुंदिस नैत्य स्वबावस अध्यात्म वनान॥
ज़ीवन हुंदिस शरीरु किस सम्बन्दस मंज ज़ान।
तुलु त्रावि छिय सकाम कर्म वनान॥
4. इन्सानन मंज स्यठाह श्रष्ठ अर्जनु दीव ज़ान।
छि विज़ि विज़ि बदलवुन्य कोदरॅच आदिभूत वनान॥
सिरिय च़ॅन्द्रमु तु सारिवुय दीवव सान।
दयि सुंदिस वेराट स्वरूपस छि आदि दीव वनान॥
प्रथ अँकिस ज़ीवस दिलस मंज बु वास करान।
म्यॉनिस अर्न्तयॉमी रूपस छि आदियग्य वनान॥

5. युस दीह त्याग विजि म्योन्य स्मरन करान।
सु साख्यात बेशक मे निश छु वातान॥
6. दीह त्याग विजि सु येथ्य बावस मंज रोजान।
तैथ्य स्वबावस मंज सु नौव जन्म हवान॥
7. ही अर्जनु ख्यनु ख्यनु स्मरन म्योन्य रोज करान।
स्मरनि सुत्य सुत्य खद करुन छु चै क्युत जान॥
मन तु ब्वद थ्यर बनॉविथ योद सोरुय मे पुशरख।
पँज्य किन्य बेशक मे निश चु वातख॥
8. युस अब्यासु यूग सुत्य थ्यर, ध्यानस मंज रोजान।
कोबू मनु सुत्य चिहि चिहि म्योन स्वरान॥
सुय गाशि रूप दीव पुरुशस छु प्रावान।
या परमीश्वरस निश सु छु वातान॥
9. सर्व व्यापक परातन न बोजनु यिनु वोल मे मानान।
वुम्बरि मंज स्यठाह ल्वकुट मेय यिम व्यचारान॥
कर्मव अनुसार आत्मा रूप छुस बु राजुत करान।
सारिनुय पालन वोल मे छि मानान॥
मायायि निश दूर न व्यचॉरिथ ह्यकुवुन रूप मे आसान।
मानान सिरियस ह्युवु छि मे तीजुवान॥
छि दिव्य रूप किन्य मे यिम मनुश जानान।
अग्यान रोस परमीश्वर सुंज त्वता करुन्य तस छि शूबान॥

10. दीह त्यागु विजि स्मरन यिम बॅखुत्य करान।
 दड मनु यूग बलु द्वन बुमन मंज प्राण रटान॥
 बॅक्ति बलु सुत्य छि लोल तिम मे बॅगरान।
 बेशक तिम दयस निश छि वातान॥
11. यथ परमपदस नाशु रौस वीद जॉन्यकार वनान।
 युस पद यूग बलु साद तु सन्त प्रावान॥
 लुख येमि बापथ ब्रमचॉर्य व्रत दरान।
 छौट्य पॉठ्य बु दिभय अमिय परम पदुक ग्यान॥
- 12-13. बंद बर महलखानस या येन्देय वशास करान।
 जीनिमुत्य मनु सुत्य ड्यकस मंज प्राण अनान॥
 दयि यूगस मंज ब्रह्म नाव ओं स्वरान।
 ब्रह्म ध्यानस मंज प्राणु त्याग छु करान॥
 न्यग्वनु सुंद छु रोज़ान व्यचारान।
 सुय पुरुष छुय थॅज गथ प्रावान॥
14. युस मनुश मेय भगवानस लोल सान।
 चिहि चिहि स्मरन रोज़ान करान॥
 सुय म्यानि बॅखती मंज छु हमेशि रोज़ान।
 तस बॅखतिस छुस लबुन बु आसान॥

15. बैखती यूग किन्य परम स्यद पुरुश यिम मे प्रावान।
येमि संसौर्य छिनु तिम बैयि जन्म ह्यवान॥
16. ही अर्जन सारिनुय लूकन ब्रह्म लूक सान।
यिम मनुश छि गछान छि बैयि वापस यिवान॥
मे निश वॉतिय युस थ्यर बोजवान।
यिनु तय गछनु निश छु सुय म्वकलान॥
17. मानव ग्रँज अनुसार अख सास ख्वग मीलित्थ ज्ञान।
ब्रह्मा सुंद छु अख दोह सु आसान॥
यिथु पॉठ्य पानुवॅन्य बैयि अख सास य्वग मेलान।
बोज ब्रह्मा सुंज छि अख राथ बनान॥
18. ब्रह्मा सुंदिस दोहस मंज बूत चर अचर सान।
नाबूद ऑसिथ छि बूद सपदान॥
येलि येलि राथ ब्रह्मा सुंज छि यिवान।
सोरुय जीवुथ बैयि नाबूद छु सपदान॥
19. ही अर्जनु येलि येलि ब्रह्मा सुंद दोह छु यिवान।
सॉरिय बूत ज्ञात छि प्रकट सपदान॥
येलि ज्ञन ब्रह्मा सुंज रात छि यिवान।
स्वता-स्यद तिम छि बैयि गॉब सपदान॥

20. दोयिम बेयि अव्यक्त शाश्वत प्रकृथ छि आसान।
बूढ नाबूढ निश ब्योन आसान॥
यि प्रकृत स्यठाह श्रेष्ठ तु नाशि रोस आसान।
लय सोरुय गँछिथ तोति छु नु नाशस गछान॥
21. यथ वीढु जॉन्यकार अविनाशी तु अप्रकट वनान।
स्वय छि परम गथ म्यॉन्य आसान॥
य्वसु गथ प्रॉविथ छिनु जीव फीरिथ यिवान।
सुय म्योन छुय परम दाम आसान॥
22. परम पुरुशस ह्युव छुनु कांह थोद आसान।
यस लोलु बँखती सुत्य मनुश छु प्रावान॥
सु पननिस दामस प्यठ छुय वैराजमान।
सॉरिय तस सर्वव्यापकस मंज छि रोजान॥
23. ही अर्जन! कुसुम वॉर्य कालन हुंद ज्ञान।
बु रोजय वनान चु रोज बोजान॥
यूगी दीह त्रॉविथ येमि संसॉर्य ज्ञान।
कुनि फीरिथ यिवान कुनि छुनु यिवान॥
24. दजुवन्य अँगनस प्रकाश, द्वहलि तु जूनु पछ जान।
येलि शे र्यथ बेयि व्यतुरायनुक्य आसान॥
यिम अथ कालस मंज येमि संसॉर्य नेरान।
तिम ब्रह्म ग्यॉनी परमब्रह्मस छि प्रावान॥

25. नेह गटि रॉच मंज बेयि गटु पछस मंज ज़ान।
 शे र्यथ बेयि दखिनायनुक्य छि आसान॥
 युस यूगी अथ कालस मंज दीह त्रावान।
 सु चेंद्र लूक प्रॉविथ बेयि संसॉर्य ज़न्म ह्यवान॥
26. येमि संसॉर्य नेरनुक्य ज़ु वतु वीदॉन्त्य मानान।
 अख ज़ूनु पछ दोयिम छि गटु पछ मानान॥
 प्रकाश वति दीह त्रॉविथ छुनु मनुश वापस यिवान।
 अंदुकारु वति मंज गेंछिथ छु फीस्थि ज़न्म ह्यवान॥
27. यिम वतु ज़ाननवॉल्य यूगी छि नु ज़ांह वति डलान।
 तवय अर्जनु रोज़ ख्यनु ख्यनु बेखती करान॥
28. युस मनुश छु बेखती मार्गस प्यठ पकान।
 वीदु ग्यान, तप, दान तु सकाम कर्मव सान॥
 सु बेखत्य छुनु फलु निश ज़ांह वोंचनु यिवान।
 अंतस प्यठ परमु दाम सु छु प्रावान॥



भगवत गीतायि हंडिस व्वपनिशदस मंज श्री कृष्ण तु अर्जुन
 दीवनि ब्रह्म ग्यान तु यूग शास्त्रुचि कथ बाथि हंज अुठिम
 अद्या वॉच अंद। यथ नाव छु "अख्यरु ब्रह्म यूग"।

नैविम अद्या

श्रु भगवानन वोन

1. दूश नज़रव वरॉय चे हिविस बॅखतिस मान।
अनुबवु सान दिमय थदि राजुक ज्ञान॥
नैन्य पॉठ्य बु दिमय तिछ ज्ञानकॉरी।
चु म्वकलख द्वखु रूपु संसॉरी॥
2. सारिनुय ग्यानन तु राजुन हुंद यि राजि आसान।
छु परम श्वद आत्मा ज्ञान प्रत्यक्ष करनावान॥
यि ग्यान च्यून धर्मुक छुय आसान।
युस स्वखु सान अंद वातनावान यिवान॥
3. श्रदायि रौस यिम मनुश धर्मस छिनु मानान।
ही अर्जन तिम छिनु ज़ांह मे प्रावान॥
द्वखु रूपु संसॉरस येलि लथ मारान।
ज्यनु मरनु चेंकरस मंज छि फेरान॥
4. मायायि सुत्य कोरुम संसारुक सुंज।
सॉरी जीव मे मंज छुस नु तिमन बु मंज॥

5. पँज्य किन्य जीव छिनु मेय मंज रोज़ान।
 अर्शक्य यूगय तिमन बु पालान॥
 बु दय जीवन छुस पौंदु करनवोल।
 न जीवन हुंद मे राग न तिहुंद लोल॥
6. छु आकाशस मंज तेज हवा पौंदु सपदान।
 आकाशसुय मंज अंतस छु ठहरान॥
 सकल्यु म्यानि सुत्य छि बूत पौंदु सपदान।
 सौरी बूत ज़ान मेय मंज छि ठहरान॥
7. संहारु विजि सौर्य बूतगन ज़ान।
 म्यानि प्रकृच मंज छि मीलित्य गछान॥
 कलपौन्त ब्रौठ पनुनि यूगु शक्ति सुत्य ज़ान।
 छुस बारम्बार तिमन बु पौंदु करान॥
8. सोरुय व्वराट ज़गत मे औदीन आसान।
 प्रकृच स्वबाव बलु तिम पौंदु सपदान॥
 म्यानि यछायि बारम्बार तिम पौंदु सपदान।
 अंतस प्यठ यछायि म्यानि छिय लय सपदान॥
9. न्यर पक्ष पौंद्य कामनायि रोस कर्म छुस करान।
 अर्जन तवय छिनु मे यिम कर्म गंडान॥

10. मे ओदीन प्रकृथ सोरुय व्वपदावान।
 सोरुय चर अचर ह्यथ बु फोलुरावान॥
 जीव संसोरी पोटु बेयि छि कल्पान्त डेंशान।
 छि हीतू प्रकृथ अमिचिय आसान॥
11. म्यानि थजि गॅच मंज रूजिथ अनजान।
 जीवन जीवुथ दिनु वोल छिनु मे मानान॥
 बु जीवन हुंद छुस स्वामी आसान।
 जन्म मनुश रूप ह्यथ तिम ल्वकुट मे मानान॥
12. न्यरअर्थक आशा न्यरअर्थक कर्म करान।
 छख कम बोज बेयि न्यरअर्थक ग्यान॥
 प्रकृथ राख्यसन तु असरन हंज हिश थवान।
 यिम मनुश यिथु पोट्य मुहस मंज फंसान॥
13. मुह रोस महात्मा छि दीव प्रकृथ थवान।
 म्यानि बेखती मंज पूरु पोट्य छि मस रोजान॥
 सनातन बेयि अविनोशी मे मानान।
 भगवान रूपय छिय मे पूजान॥
14. तिम महात्मा म्योन्य ग्वन कीर्तन करान।
 दड विशवासु सुत्य युतुन कॅरिथ मे गारान॥

नमस्कार कॅरिथ मेय सोरुय पुशरान।
नेत्य बॅखुत्यी सुत्य छि मे पूज़ान।

15. तिम लुख यिम ग्यानु यॅग्य सुत्य मे पूज़ान।
ईकान्त बावु किन्य बैयि ब्योन ब्योन बावु सान॥
नाना प्रकॉर्य बावु किन्य भगवान पूज़ान।
पनुन आत्मा कुन परमीश्वर छि मानान॥

16. कर्म कांड छुस बुय, बैयि हवन ति छुस बुय।
प्यतरन दिन वोल् तर्पन बुय॥
जडियन हुंद हुमुन मंत्र तु ग्यव बुय।
आहोच अँगु क्रियायि हवुनुच बुय॥

17. ज़गतुक दाता जीवन रखन वोल्।
ज़गतुक बुडिबब मॉज बैयि मोल्॥
ऋगवेद, सामवेद, यजुर्वेद छुस बुय।
ज्ञानुन लायख श्वद ओंकार छुस बुय॥

18. छुस प्रावुन लायख परमुदाम बुय।
दय बुय गवाह बुय, शरनसथल बुय॥
ज़गि आदार, टोठ यार, प्रलय आश्रय बुय।
नाशस न गछनवोल् छुस ब्योल् बुय॥

19. सिरियि रूपु जगतस छुस तापुनावान।
छुस रूद त्रावान बैयि रुकावान॥
साख्यात छुस मोथ बैयि अमर बनावान।
आत्मा बैयि पदार्थ बु आसान॥
20. वीदव अनुसार सकाम करन वॉल्य जीव।
पापव रोस सूम रस चनुवॉल्य जीव॥
यँज्ञ किन्य मे पूजिथ स्वर्गच कामना करान।
पोन्य फलरूपु दीव बूग बूगान॥
21. छिख स्वर्ग बूगिथ प्वन्य फलु म्वकलान।
पतु वापस तिम मृत्य लूकस यिवान॥
त्रन वीदन मंज व्यछनिथ यिम सकाम कर्म करान।
स्वर्गच कामनायि सुत्य यिनु गछनु छिनु म्वकलान॥
22. युस लोलु सान बैखुत्य छुय ध्यान म्योन दारान।
नेशकामु बावु सुत्यन मे पूजान॥
दयि प्रावनु बापथ छुस यूग करनावान।
यूग सादनु वति छुस बु रख्या करान॥
23. ही अर्जन दीव यिम बैखुत्य श्रदायि सान।
दोयम्यन दीवन छिय पूजा करान॥
पँज्य किन्य तिम ति छिय म्यॉन्य त्वता करान।
अग्यानु बैरिथ तिहंज यि पूज आसान॥

24. सारिनुय यँज़न हुंद स्वॉमी बु आसनवोल।
 बु छुस बूग यँग्यन हुंद बूगनवोल॥
 पँज्य किन्य यिम नु म्योन दिव्य स्वबाव ज़ानान।
 छि लूपस गछान या मरान बैयि ज्यवान॥
25. दीवन पूज़न वॉल्य दीवन छि प्रावान।
 प्यतरन पूज़न वॉल्य प्यतरन निश वातान॥
 बूत प्रेतन पूज़न वॉल्य छि तिमन प्रावान।
 म्यॉन्य बैखुत्य मे पूज़िथ छि मेय प्रावान॥
26. युस बैखुत्य पनु वँथुर पोश तु म्यवु मायि सान।
 बैयि पोन्थ अर्पन मेय छु करान॥
 तस श्वद बोज़ नेशकाम मायि बैरिति सुंद ज़ान।
 लोलु अर्पन कौरुमुत प्रखुट बु लोलु सान ख्यवान॥
27. ही अर्जन दीवु! यि कर्म केंह छुख करान।
 यिय छुख ख्यवान बैयि यिय छुख हुमान॥
 दान युस छुख दिवान बैयि तफ छुख करान।
 रोज़ सोरुय अर्पण मेय चुय करान॥
28. यिथु पॉठ्य सॉरी कर्म मे दयस पुशरख।
 श्वब अश्वब फल रूप बन्दुनव म्वकुल रोज़ख॥

यिथि सन्योस यूग बेयि नु डलवन्य मन ज्ञानख।
बन्दुनव मुछि रूजिथ मेय निश वातख॥

29. सम बावु बु सारिनुय बूतन छुस वुछान।
न छुम अटोठ कांह न मे टोठ बासान॥
लोलु सान युस बैखुत्य छु म्योन्य पूजा करान।
साख्यात सु मे मंज तस मंज बु वास करान॥
30. योद कांह द्वर्जन लोलु होत मे पूजान।
सु दड स्कलपु वोल मानुन युग्य साद आसान॥
वाडु पजरुचि वति प्यठ पकनुक सु करान।
दयि ध्यान ख्वतु बोड केह नु मानान॥
31. स्यठाह दर्मात्मा जलजल सुय बनान।
हमेशि रोजवन्य सु शान्ती छु प्रावान॥
रोज ही अर्जन बय रोस पजर ज्ञानान।
म्योनिस बैखतिस छुनु जांह नाश सपदान॥
32. ही अर्जन दीव ज्ञन्य शूद्र तु बापौर्य लुख।
चण्डाल बेयि वसिथ कवलन हृदय लुख॥
यिम सौरी शरन छिय योद मे यिवान।
तिम सौरी छि थैज गथ प्रावान॥

33. राजु, रेश, बैखतजन तु ब्रह्मन प्वन्यवान।
 बेशक शरन यिथ थेंज गथ छि प्रावान॥
 तवय किन्य नु रोजवुन द्वखु हैनुरस मंज ज्ञान।
 मनशि रूपु ख्यनु ख्यनु मे रोज पूजान॥
34. मन छुय चे मेय कुन बन चु बैखुत्य म्योन।
 नमस्कार कर चु पूज करनवोल छुख म्योन॥
 थ्यर आत्मा मे कुन कर यिथ चु शरन मेय।
 तमि सुत्य हॉसिल चु सपदख मेय॥



भगवत गीतायि हंदि स व्वपनिशदस मंज श्री कृष्ण तु अर्जन
 दीवनि ब्रह्म ग्यान तु यूग शास्त्रुचि कथ बाथि हंज नैविम
 अद्या वॉच अंद। यथ नाव छु "राजु वैद्या तु गुप्त ग्यानुक
 यूग"।

दहिम अद्या

श्रु भगवानन वोन

1. हे बजि नरि वालि टाठि अर्जनु मान।
म्यानि टाठि यारु व्वपदीशस थव ध्यान॥
चानि ह्यतु बापथ बु दिमय चै त्युथ ज्ञान।
म्यानि दॅस्य वॅनिमुत्य ग्यानु ख्वतु युस श्रेष्ट आसान॥
2. जन्म म्योन या यूगु मायायि बु प्रखटान।
दीवता तु रेश छिय तथ अनजान॥
सारिनुय दीवन तु महारेशन ज्ञान।
छुस मूलु कारन बुय आसान॥
3. युस जन्मु रौस सनातन मूल सारिनुय हुंद मे ज्ञानान।
त्रन लूकन हुंद भगवान मे मानान॥
मनुशन मंज मुंह रौस सुय आसान।
सारिवुय पापव सु छु मुछि रोज्ञान॥
- 4-5. संशय तु मुंह रौस बोज तय बैयि ग्यान।
पजर, ख्यमाबाव, येन्दैय तु मन वशस मंज ज्ञान॥
बुय अबय द्वख स्वख ज्योन बैयि मरुन ज्ञान।
अहिंसा, सम बाव, संतूष तप तु दान।

यश अपयश जीवन हुंछ यिम ग्वन ज्ञान॥
म्यानि सुत्य यिम ग्वन छिय सॉरी फब्बान॥

6. सतुरेश्य बैयि तिमन ब्रोंठ चोर महारेश्य ज्ञान॥
गॅयि पॉदु सॉरी म्यॉनि सुत्य मनुहस सान॥
ब्योन ब्योन लूकन मंज रोज़नवॉल्य सॉरी जीव ज्ञान॥
छि तिहंजिय यछायि पॉदु सपदान॥

7. छु युस म्यानि परम स्वरुक प्रसाद ज्ञानान॥
पूरु पॉठ्य म्यानि यूगु शक्ती हुंद त्वथ ज्ञानान॥
यूगस मंज छु थ्यर सुय रोज़ान॥
छुनु कांह संशय तथ मंज आसान॥

8. वासुदीव बु सारिनुय हुंद छुस मूल आसान॥
संसार सोरुय छु म्यॉन्य किन्य पकान॥
यिम दाना म्योन यिथु पॉठ्य व्वचारान॥
तिम लोलु बावु किन्य छि मेय पूजान॥

9. यिहिंद्य मन म्योनुय व्यचार करान रोज़ान॥
तिम पनुन्य जिन्दुगॉनी छिय मेय वन्दान॥
पनुन ग्यान बैयिस पिलुनॉविथ म्योन थ्यकान॥
परम सन्तूश तु आनन्द अनुबव करान॥

10. तिम यिम विजि विजि ध्यान म्योन छि करान।
 लोल बेयि मायि सान बॅखती म्यॉन्य करान॥
 तिमन लोल बॅखत्यन बोज यूग छुस दिवान।
 येमि सुत्य तिम मेय छि प्रावान॥
11. ही अर्जन छुस बु तिमन अनुग्रेह करान।
 बु तिहिंदन दिलन मंज छुस वास करान॥
 अग्यानु सुत्य पॉडु युस तिहुंद अंदुकार।
 छुस ग्यानु रूपु चाँग्य रेह बनावान गाशिदार॥

अर्जन दीवन वोन

- 12-13. परम ब्रह्म, परम दाम, परम पोज चय छुख।
 सनातन, दिव्य पुरुश, दीवन हुंद आदि दीव चु छुख॥
 न जन्म ह्योतमुत बजर रेश्य चोन थ्यकान।
 यिय नारद, असित, तु देवल रेश्य ति मानान॥
 व्यासु रेशिस सान सॉरी पजर यि मानान।
 यिय चोनुय वनान यि छुख चु मे वनान॥
14. ही कीशव! यि सोरुय चय मेय छुख वनान।
 बूजिथ बु सोरुय छुस पोज मानान॥
 चॉनिस लीला स्वरूपस ही भगवान।
 न ज्ञानान छिय असुर न दीव ज्ञानान॥

15. पौंदु बूतन करनवालि ही भगवानु।
 दीवन हुंदि दीवु जगत्तुकि मेहरबानु॥
 इन्सानन मंज स्यठाह थेंद्य इन्सान।
 छुख चु पौन्य पान पानस ज्ञानान॥
16. दिव्य विबूती तु लीला नॅन्य वन व्यस्तारु सान।
 येमि किन्य त्रन लूकन मंज सर्व व्यापक चु आसान॥
17. ही यूगीश्वरु सोरिथ किथु पौठ्य ह्यकथ बु जौनिथ।
 कमि कमि बावु द्यान हेकु चोनय देरिथ॥
18. ही जर्नादन! पनुन्य यूगु बलु तु विबूतियन हुंज ज्ञान।
 व्वन्य बैयि वनतम मे व्यस्तारु सान॥
 छम चौन्यन अमर्यतु बैरिथ कथन हुंज त्रेश बासान।
 व्वन्दु म्योन कथु चौनि बोजुन यछान॥

श्रु भगवानन वोन

19. पनुन्यन विबूतियन हुंद पैठ्य पैठ्य दिमय ग्यान।
 म्यान्यन वैबवु बैरिथ रूपन हुंद अंद कांह छुनु आसान॥
20. ही अर्जन आत्मा बूतन हुंद छुस बुया।
 बूतन हुंद मूल मंज तु अंद छुस बुया॥

21. आदित्यन्य बहाव पोथरव मंजु छुस विष्णु बुया।
जोत्यन मंजु ज़ुचु वोल् सिरि बुया।
कुनवनज़ाहन हवा दीवन मंजु मरीच बुया।
तारकन मंजु छुस चन्द्रमु बुया॥
22. वीदन मंजु सामवीद दीवन मंजु येंद्र बुया।
येन्द्रेयन मंजु मन च्यथ ज़िन्दन मंजु बुया॥
23. कहव रोदरव मंजु छुस शंकर बुया।
दनुक स्वामी कुबेर यछन तु राख्यसन हुंद बुया।
ऑठन वसुवन मंजु अँगन छुस बुया।
थद्यन पर्वतन मंजु सुमेर पर्वत बुया॥
24. ब्रह्मनन मंजु ज़्युठ ब्रहसपत छुस बुया।
जरनॅल मंजु मान छुस स्कंद बुया॥
ही पार्थ पानि क्यन आगरन मंजु ज्ञान चुया।
छुस बोड आगुर समन्दर बुया॥
25. थद्यव रेशव मंजु ब्रगु र्योश छुस बुया।
शबदन मंजु ओंकार छुस बुया॥
नाना प्रकॉर्य यॅग्यन मंजु ज़प येंज़ बुया।
रोज़ुवन हीमालु पहाडु छुस बुया॥

26. सारिवुय कुल्यव मंजु पीपल कुल बुय।
 दीव रेश्यव मंजु नारद मुनी बुय॥
 गन्दरवन मंजु चित्ररथ छुस बुय।
 स्यद पुरुशन मंजु कपिल मुनी बुय॥
27. अमर्यतु सुत्य पौडु गुर्यन मंजु ज्ञान बुय।
 उचेथ्रव नावुक छुस गुर बुय॥
 दीव हस्यन मंजु ऐरावत छुस बुय।
 मनशन मंजु ज्ञान छुस राजु बुय॥
28. शास्त्रन मंजु वज्र, गौवन मंजु कामदीन मेय ज्ञान।
 शास्त्र रीच किन्थ सन्तान पौडु करनुक हीतू मे ज्ञान॥
 मान प्रेयमुक दीव कामदीव छुस बुय।
 सर्पराजु वासुकी सर्पन मंजु बुय॥
29. पां जीवन मंजु वरुन दीवता बुय।
 नागन मंजु शेशनाग छुस बुय॥
 प्यतरन मंजु अर्यमा प्यतुर बुय।
 डण्ड दिनु वाल्यन मंजु यमराजु बुय॥
30. दैतन मंजु प्रह्लाद, म्यीचन मंजु काल बुय।
 जानवरन मंजु छुस गरुड, पशयन मंजु सुह बुय॥

31. श्रोत्रुरावन वाल्यन मंज छुस हवा बुया
 दर्नुदरन मंज छुस राम बुया।
 मगर मछ गाडन मंज ज्ञान छुस बुया
 नदन मंज बागीरथी गंगा जी बुया।
32. सृष्टियन हुंद मूल, मंज, बैयि अंद बुया
 प्रथ ग्यानु मंजु छुस आत्म ग्यान बुया।
 वादु विवाद करन वाल्यन हुंद ज्ञान च्या
 छुस पोज न्यरनय करनवोल बुया।
33. अछरन मंज ओंकार, समासन मंज द्वन्द समास बुया
 कालु सुंद महाकाल छुस ज्ञान बुया।
 छुस च्वापौर्य म्वखु वोल विराट स्वरूप बुया
 सौरिनय हुंद पालन हार बुया।
34. सारिनय नाश करनवोल यमराज बुया
 पौदु करनुक हीतू ति छुस ज्ञान बुया।
 जन्यन हुंद यश, शकल सूरत बैयि वाख बुया
 यादाश, हमददी, ब्वद बैयि ख्यमा बुया।
35. सामवीद रेचायन मंज ब्रहत्साम बुया
 छन्दन मंज गायत्री छन्द छुस बुया।

छुस र्यतन मंज मंजहौर र्यथ ज्ञान बुया।
कालन मंज छुस सोंतकाल बुया।

36. छल कपट करनवाल्हन हुंद छुस जार बुया।
बलवानन हुंद छुस बल बुया।
जेनुन जेनन वाल्यन यत्न यत्न करन वाल्यन हुंद बुया।
छुस सत प्वरुषन हुंद सदबाव बुया।

37. वृशिन वंशुक छुस वासदीव बुया।
पांडवन मंज दननजय छुस बुया।
रेशन मंज वेदव्यास र्योश ज्ञान छुस बुया।
शॉयरन मंज शुक्राचार्य छुस बुया।

38. शक्ती तु दंड सजावारन हुंद बुया।
जेननुचि यछायि हुंज नीती बुया।
खैट्थि थवुन लायख बावन हुंद रख्यक मोन बुया।
ग्यानवानन हुंद तत्त्व ज्ञान बुया।

39. छुनु युतुय अर्जन बैयि रोज ज्ञानान।
सौरुय सृष्टी पोंदु करनुक मेय ब्योल ज्ञान।
तियुथ कांह चर अचर प्रॉनी छुनु आसान।
युस म्यानि रोस छुय जिन्दु रोजान।

40. ही परन्तप म्यान्धन दीवु शक्तियन हुंद छुनु अन्द केह।
छोट्य पौठ्य अम्युक व्यस्तार वोनुय मे चैय॥
41. यिति केह ख्वशहाल बेलवान तु तीजुवान।
सुति म्यानि तीजुक चु अंशा ज्ञान॥
42. वन ही अर्जन अमि ग्यानुक प्रयूजन क्या चै आसान।
पनुनि यूगबलु सुत्य जगत सौरुय छुस बु दारान॥




भगवत गीतायि हुंदिस व्वपनिशदस मंज श्री कृष्ण तु अर्जन
दीवनि ब्रह्म ग्यान तु यूग शास्त्रुचि कथ बाथि हुंज दौहिम
अद्याय वौच अंद। यथ नाव छु "विभूति यूग"।

कहिय अद्या

अर्जन दीवन वोन

1. अनुग्रेह बैरिथ बूजिथ ग्यानु व्वपदीश चोन।
गव चकनाचूर तमि सुत्य अग्यान म्योन॥
2. सारिनुय बूतन हुंद जन्म तु प्रलय व्यस्तारु सान।
पम्पोश नैथुर वालि रूदुस बु बोज़ान॥
नाशस न गछनवोल थोद बजर चोन।
रूदुस चैय निश बुय बोज़ान॥
3. ही परमीश्वर चु छुख युथ पानस वनान।
सोरुय छुस बुय ति पोज़ मानान॥
ही पुरुषोत्तम ग्यानु बलु तु तीज़ु सान।
छुस चोन भगवानु रूप वुछुन यछान॥
4. पौंदु बैयि प्रलय करन वालि ही भगवानु।
पजि योद मेय वुछुन सु स्वरूप चोन॥
ही यूगीश्वर योद चै छुय अम्युक चावा।
अविनांशी स्वरूपुक मे दर्शुन हावा॥





श्रु भगवानन वोन

5. ही पार्थ हतु बँदय तु सासु बँदय मयॉन्य दिव्य रूप ज़ान।
ब्योन ब्योन रंगव तु रूपव रोज़ व्वन्य वुछान॥
6. ही अर्जन दीव वस ऑठ काह रुद्र।
अश्विनी कोमार जुतु आदित्ययिन्य बाह पोथुर॥
यिमनु ज़ांह चै वुछिमुत्य व्वन्य रोज़ तिमय वुछान।
वुछान रोज़ कुनवन्ज़ाह हवा दीवव सान॥
7. म्यॉनिस शरीरस टिकिथ अँकिस जायि मंज ज़ान।
चर अचर सान वुछ सोरुय जहान॥
वुछुन अर्जन दीव च़ यूताह छुख यछान।
तिय सोरुय वुछिथ गछ़ख च़ हॉरान॥
8. बेशक पनुन्यव अँछव वुछिथ ह्यकख नु च़या।
तमिय दिव्य चेशमय चै दिमय बुय॥
दीव दृष्टी सुत्य च़ रोज़ सोरुय वुछान।
म्यानि दीव यूगु शक्ति च़ रोज़ गँज़रान॥

संजयन वोन

9. पाप नाश करन वॉल्य थेंद्य यूगीश्वरन।
ही राज़ यि वॅनिथ पानु भगवान॥

अर्जनस पनुन थोद तु बेयि वेयबव सान।
दिव्य दयि रूप रूद पतु हावान।।

10-11. तथ जगत रूपस मंज अर्जन वुछान।

अग्रज म्वख अग्रज दीदव सान।।

दिव्य गहनव सुत्य यिम रूप सजॉविथ।

दिव्य शस्त्र अथन मंज थॉविथ।।

दिव्य माल तु वस्त्र सूरचन लगॉविथ।

दिव्य गन्दन हुंद लीपन कॅस्थि।।

सोरुय दिव्य नज़ाउ ओस हॉरान कुन।

सु वैराट स्वरूप तीज़वान दयि सुंद।।

12. सासु बॅदय सिरियि योद खसन मंज आकाश।

जगत स्वरूप दयि गाश खोतु छुस कम प्रकाश।।

13. दीवन हुंदि दीव कृष्ण भगवान सुंदिस।

तथ शरीरस मंज अॅकिस जायि टिकिथ।।

नाना प्रकॉर्य ब्योन ब्योन रंगन मंज ज्ञान।

सोरुय जगत पांडव पौथुर रूद वुछान।।

अर्जन दीवन वोन

14. आशचर्य तु नटि मंजु कलु नोवमरिथ अर्जनन।

गाश रूप दयस ह्योतुन बॅखित बावय वनुन।।

15. ही दय चॉनिस शरीरस मंज छुस वुछान।
 सॉरी दीव स्यठाह बूतु जॉचव सान॥
 पम्पोशि आसनस प्यठ ब्रह्मा बिहिथ छुस वुछान।
 सॉरी रेश्य, महादीव, वुछिम दिव्य सर्फव सान॥
16. परिपूर्ण ही जगत स्वामी भगवान बु छुस वुछान।
 चॉन्य अग्रज बोज यँड, म्वखु नैथुरव सान॥
 यिम च्वापॉर्य फॉलिथ छुनु अंद कांह मे बासान।
 जगत रूप दय चोन ग्वड, मंज तु अंद छुस नु डेंशान॥
17. च्वापॉर्य प्रजलवुन छु तीज चोन चमकान।
 जन सिरियिच तु अँगुच जूत्य छि फॉहलान॥
 वुछिन्य कठुन्य स्यठाह प्रजलवुन्य तीजु रूप सॉरी।
 सजॉविथ गदा चक्र तु मुकटव च्वापॉरी॥
18. ज्ञानन युग्य परम अछुर चय छुख।
 मे मोनुम परमात्मा, परम ब्रह्म चु छुख॥
 सायि जगतुक दर्मस छुख रखनवोला।
 छुख सनातन प्वरुष, नाशस न गछनवोला॥
19. आदि, मंज तु अंदु रोस आसुवुन चु दय छुख।
 बलवान तु अग्रज बोज वोला चय छुख॥

सिरिधि च्छन्दम रूप छि नैथुर चॉनी।
 दज़वुन अँगन ज़न छि म्ख चॉनी॥
 अमि के प्रचन्दु सुत्य छु ज़गत सोरुय।
 तपान तु दज़ान वुछान बु सोरुय॥

20. पृथ्वी आकाश तु सारिनुय लूकन तु तरफन ज़ान।
 छुख सर्व व्यापक चु दयि आसान॥
 दिव्य रूप तु खोचवुन्य सूरचन कुन वुछिथ।
 छि त्रैशवय लूक फ़टलैव्य गौमुत्य॥
21. दीवन हंज़ सभा म्खन चान्यन अचान।
 गुत्य गँडिथ केंह फ़टलैव्य नाव चोन स्वरान॥
 केंह रेश्य तु स्यद प्वरुष कल्याण बनिनु छि क्रकु दिवान।
 तिम ब्योन ब्योन रंगव छि चॉन्य पूज़ा करान॥
22. वसु ऑठ अशिवनी कोमार मरुदगन आदित्य बाह।
 साध्यगन हवा दीव, विशवु दीव रूद्र काह॥
 गन्दर्व प्यत्रगन, राख्यस यछ तु स्यदगन।
 हॉरतस मंज़ सॉरी छि चै कुन वुछान॥
23. ही बजि बोज़ वालि अग्रंज़ म्ख तु नैथुर चॉन्य छुस वुछान।
 अथु जंगु खोर अरमु बेयि स्यठाह वोदुरव सान॥

बयानक गुफ चॉन्य वुछिथ त्रैयलूकी छि त्रॅहरान।
तिथय पॉठ्य बु ति वुछ वुछ छुस त्रॅहरान॥

24. स्पर्श नबस सुत्य करन वालि विष्णु।
ब्योन ब्योन रंगन मंज छुख चु ज़ोतान॥
खॅल्य ऑस तु बॅड्य नैथुर छि च्वापॉर्य चमकान।
खूचिथ मन अशान्त तु कम ह्यमथ बु बासान॥

25. वुछिथ बयानक दन्द प्रलुक्किय अँगु गुफ म्ख।
मशेयम तरफ चोर नु छुम कांह स्वख॥
दीवन ह्दंय दीव ज़गतन ह्दंय रख्यपाल।
कर दया मे प्यठ रोज़ुम ख्वशहाल॥

26-27. दतराशट्रन्य पोथुर तु राज़ु गनव सान।
चान्यन म्खन मंज छि सॉरी अचान॥
भीष्म, दोन, कर्न तु सान्यव बलवीरव सान।
दोरान तु दवान म्खन मंज अचान॥
कॅह ब्रकनु आमुत्य दंदन तल कलु सान।
फसेमुत्य कॅह दंदन मंज छुम मे बासान॥

28. स्वबावय यिथु पॉठ्य ज़ल नदन ह्दं ज़ान।
समन्दरस मंज छु पानय गछ़ान॥
तिथय पॉठ्य वुहवुनि अँगन रूप म्खन कुन ज़ान।
मनशि लूकुक्क्य वीर छि पानय दवान अचान॥

29. यिथु वेनाशु खॉतर्य पनुपोम्पुर पॉन्य पानु।
 वुहवुनिस अँनस गथ कँरिथ दज़ान॥
 तिथय पॉठ्य यिम सॉरी लुख छुस अछव वुछान।
 जल कुनिय दवि चान्यन म्वखन अचान॥
30. प्रज़लवुन्यन म्वखन मंज़ च्वपॉर्य लूकन छुस वुछान।
 ही विष्णु चॉपिथ तिमन चु न्यंगुलान॥
 प्रज़लवुन्य जुचु बैयि तीज़ु प्रकाशि ज़ान।
 व्रज़गत सोरुय तपान तु दज़ान॥
31. दीवन हँदि दीवु चु वनतम छुसय पृछान।
 अथ बयानक रूपस मंज़ चु कुस आसान॥
 कृपा कर नमस्कार बोज़ प्रसन्न रोज़ म्यानि भगवान।
 प्रयूज़न चोन छुस बु ज़ानुन यछान॥

श्रु कृष्णन वोन

32. छुस सारिनुय ज़गतन वेनाश करनवोल काल बुय।
 छुस आमुत येति सारिनुय लूकन मारुनि बुय॥
 द्वन तरफन हँदि बलवीर सॉरी ज़ान।
 मारनु यिन त्वहि सिवा चु गछ बोज़ान॥
33. व्वथ ख्वदस तयार गछ प्राव व्वन्य यश पनुन।
 ज़ीनिथ शैथुर चे राज बूग छु बूगन॥

म्यानि दॅस्य मारनु आमुत्य छि यिम शूरवीर।
ही सवि साचिन (खोशि) बन हीतू बनाव तकदीर॥

34. दोन, बीशम, जयदथ बैयि कर्न ज्ञान।
मूदिमुत्य म्यानि दॅस्य श्रेष्ट बलवीरव सान॥
कर खद च़ मारुख मु गछ़ परेशान।
शेथुर खदस मंज़ रोज़ हारुनावान॥

संजयन वोन

35. कीशव भगवान सुंद्य यिम शब्द बूज़िथ।
काँध्योमुत अर्जन दीव रूद गुल्य ज़ु गॅन्डिथ॥
फ़ट्ट हॅत्य बारंबार नमस्कार तस कोरुन।
भगवान कृष्णस ह्योतुन वनुन॥

अर्जन दीवन वोन

36. चानि यशि सुत्य सोरुय संसार फ़वलान।
दयिनावु चानि मन प्रसन्न छु सपदान॥
बयि किन्य राख्यस होतन योतन छि च़लान।
स्यदुगन कीवल छि गुल्य च़े गंडान॥
37. दीवन हुंद दीव, ज़गतुक रख्यपाल च़ु छुख।
हे अनन्त, सत असत परम अछुर च़ु छुख॥

ब्रह्महस पाँडु करनवोल परम ब्रह्म च छुख।
तिम कोनु करुनय चै नमस्कार॥

38. आदि दीव तु सनातन पुरुश च छुख।
जगि आश्रय तु ज्ञाननवोल चय छुख॥
ज्ञानुन लायख परम दाम चय छुख।
स्यठाह रूपव जगि मंज बासुवुन च छुख॥

39. हवा, यम, अँग्न बेयि वरुन च छुख।
चँन्द्रम, ब्रह्मा, ब्रह्मा सुंद मोल च छुख॥
सासुबँदयन नमस्कारन हुंद हकदार छुख।
शत शत चै बैविनय जय जय कार॥

40. स्यठाह सामरथ वालि ही बडि आत्मा।
च्वापौर्य पतु ब्रोंठ छुय नमस्कार॥
चानि पराक्रमु किन्य दँरिथ सोर संसार।
चय सर्व व्यापक तु तारन हार॥

41-42. पुनुन यार जॉनिथ मुखु बोज या मायि सान।
ओसुस ही कृष्णन! ही सखा! ही यादव! आलव दिवान॥
चॉनिस थँदिस बजरस ओसुस बु अनज्ञान।
मूर्खुगिय किन्य या लोलु सान कैहं रूदुस वनान॥
कर ख्यमा बु छुसय जारपाउ चै करान।





कुनि विजि व्वथान, बिहान, ख्यवान, श्वंगान या वैश्राम करान॥
अनादर गव म्यानि देस्य यिकुवटु या मंज यारन।
ही अच्यतु कर क्षमा म्योन्यन अपराधन॥

43. चर अचर सान वृजगतुक चुय छुख मोला।
दय यूगुक चु ग्वर परम पूजिवोला॥
छु नु कांह चैय ह्यू न कांह बराबर।
आसि ही दयि कांह किथु चै थोद सरुवर॥
44. चै पनुन पान छुस चरनन नोमरावान।
गुल्य गँडिथ पूज करनु युग्य दयस छुस व्यनथ करान॥
ही दयि अपराद, यिथु मोल गोबुरु सुंछ।
बरथा वृयि हंदि तु यार यारु सुंछ॥
बरदाश कँरिथ छिख पतु माफ करान।
तिथय पॉठ्य कृपा कर ख्यमा अपाराधन॥
45. यिम न रूप ज़ांह वुछिमुत्य दर्शुन तिमन हुंद करान।
प्रसन्न मनु सुत्य सुत्य छुस बु काँपान॥
दीवन हंदि दीव ज़गतुकि रख्यपालु।
प्रसन्न रूजिथ पनुन चोर्तबोज़ मे रुफ हाव॥
46. तिथय पॉठ्य चोर्तबोज़ रुफ ड्यकस प्यठ मुकुट ताज।
अथन मंज गदा चक्र वुछहा बु महाराज॥

सासुबेदय बोजुवालि जगि रुफ तारनहार।
तैथ्य चोतुर्बोज रुफस मंज गछतु इजहार॥

श्रु कृष्णन वोन

47. अनुग्रेह बैरिथ पनन्य यूगु शक्ति हुंदि बलु सान।
परम जगत रूपुक करनोवमख दर्शुन मान॥
अमि ब्रोंह छु नु काँसि युथ असीम तु तीजुवान।
दर्शुन वेराठ स्वरूपुक कोरुमुत चु ज्ञान॥

48. न यग्य तु वीद परनु सुत्य बैयि नु प्वनि सुत्यन।
न दनु सुत्य न कठिनि तपु सुत्यन॥
यिथु पौठ्य मनुश लूकस मंज युथ दर्शुन ज्ञान।
जगत रुफुक ज्ञांह छुनु सम्बव आसान॥

49. वुछिथुय म्यॉनिस अथ वेकराल रुफस कुन।
त्रहरयोखु, खूचुक तु गोख व्याकुल॥
रोज व्वन्य बैबय बैयि रोज ख्वश दिला।
व्वन्य वुछ प्राणि म्यानि सूरेंच कुन॥

संजयन वोन

50. अर्जनस यिम शब्द वैनित्थ वासुदीवन।
चोर्तुबोज रूप बैयि कोरुन दारन॥

तमि पतु प्रोन रूप बैयि हॉविथ पनुन।
त्रॅहरॉविमुतिस अर्जनस दिलासु दियुतुन॥

अर्जन दीवन वोन

51. गोस स्यठाह शान्त यि मनुशाय रूप बैयि वुछ्छि चोन।
डंजि दिल ब्यूठु ज्ञान फीरिथ म्योन॥
स्वन्दर तु मोसुम सूरथ वुछ्छि चॉन्य।
स्वबावुक करार पनुन प्रोव दिलन म्यॉन्य॥

श्रु भगवानन वोन

52. वुन्युखतान्य चे वुछ्छु चोर्तुबोज़ रुफ म्योन।
दुशवार छु युथ दर्शुन बनुन म्योन॥
दीव सॉरी अमिच द्वहय कामना करान।
यिथि दर्शनुच छख कांख्या रोज़ान॥
53. चोर्तुबोज़ रुफुक युथ दर्शुन कोरुथ म्योन।
छुनु सम्भव तप, दान न यग्य युथ दर्शुन म्योन॥
54. लोलु बॅखती सुत्य म्योन रुफ ह्यकान जॉनिथ।
प्रत्यख्य यथ रूपस मंज छुस बु रूजिथ॥
साख्यात अमि रुफुक दर्शुन सपदिथ ह्यकान।
कीवल अमि वेदी किन्य म्योन ग्यान जॉनिथ ह्यकान॥

55. ही पांडव कर्तव्य कर्म अर्पन युस बैखुत्य करान।
 म्योन्य पूज कॅरिथ कर्म बन्दनव म्वकलान॥
 आसि द्वयतु बावु रोस बूत जॉचन वुछान।
 सु लोलु होत बैखुत्य छु मे निश वातमन॥



भगवत गीतायि हंडिस व्वपनिशदस मंज श्री कृष्ण तु अर्जन
 दीवनि ब्रह्म ग्यान तु यूग शास्त्रुचि कथ बाथि हंज कहिम
 अद्याय वॉच अंद। यथ नाव छु "वैराट रूप दर्शनुक यूग"।

बेहिम अद्या

अर्जन दीवन वोन

1. यिम लोलु मायि सान ख्यनु ख्यनु चे पूजान।
या नैराकार ब्रह्मस यिम त्वता करान।
कुस बेखुत्य द्वयव मंज वनतम छुसय पृछान।
थोद स्यद प्वरुष गँजरनु छु यिवान॥

श्रु भगवानन वोन

2. एकाग्र मनु सुत्य ध्यान बजन म्योन करान।
श्रदायि सान युस बेखुत्य नाव म्योन ह्यवान॥
मे स्वगुन रूप दय सुंदर युस ग्वन छु ग्यवान।
यूगियन मंज सु श्रेष्ठ मानुनु यिवान॥
- 3-4. येन्द्रेय वशास कैरिथ यिम समु रुफ सारिनुय वुछान।
आत्मा रुफ पूज ब्रम सुंज छि करान॥
युस सर्वव्यापक कामनायि रोस न थ्यकुवुन आसान।
न डलुवुन बस टिकुवुन छु आसान।
न्यराकार सूख्यम सुंद द्यान छि दरान॥
युस अमर बैयि परम पजर छु आसान।
पर व्वपकारस मंज छु मस रोजान।
अन्तस सु मनुश मे निश छु वातान॥

5. न्यराकार स्वरुफ सुंद यिम त्वता करान।
 स्यठाह कष्ट तथ वति मंज तिम बूगान॥
 सफल तथ मार्गस मंज रोजुन ज्ञान।
 संसॉर्य जीवन क्युत दुशवार आसान॥
6. कर्म सॉरी यिम जीव छि मे अर्पन करान।
 थ्यर बोज बैखती बावु ध्यान म्योन दारान॥
7. च्यथ मेय कुन दॉरिथि ख्यनु ख्यनु म्यॉन्य पूजा करान।
 तस ज्यनु मरनु रूपु सागरस छुस तार दिवान॥
8. पनुन्य ब्वद पनुन मन मे दयस कुन लगावख।
 बेशक तमि पतु पानु मेय मंज प्रावख॥
9. योद अर्जनु तगिय नु च्यथ पनुन थ्यर बनावुन।
 बैखती अभ्यासुच वेदी गछि पालुन्य॥
 मे प्रावनुच यिथु पॉठ्य पनुन्य चै चाहत।
 पॉटु करनस मंज मेलिय चै राहत॥
10. अभ्यासु यूगच ति योद न यछ चै सामरथा।
 कर्म कॅरिथि पतु रोज मेय मातुहथ॥
 यिथु पॉठ्य म्यानि दादि कर्म करान रोजख।
 मे प्रावन रुफु स्यदी पजिय चय प्रावख॥

11. योद म्यौनिस लोलस मंज कर्म ह्यकख नु कॅरिथ।
सारिनुय कर्मन हुंद फल चु छन त्रॅविथ॥
लयि पान अॅनिथ कर्म पनुन्य चे छिय करुन्य।
थ्यर ब्वद बनावनुच चे कूशिश करुन्य॥

12. योद चे येछिय नु मन यूगु अभ्यास करुन।
मन ग्यानु वति पजि चैय लागुन॥
यूगु अभ्यासु खोतु ग्यान छु थोद आसान।
ग्यान खोतु थोद दय स्वरूपुक छु ध्यान॥
श्रेष्ट ध्यान खोतु कर्म फल त्याग आसान।
जल परम शॉन्ती त्यागु सुत्य छि लबान॥

13-14. यस नु दुय काँसि हुंज सारिनुय मेथर सु आसान।
अपजि अहंकारु रोस पानस नु थोद मानान॥
युस स्वखस द्वखस मंज समबावु रोज्ञान।
ख्यमा बावु शेत्रन प्यठ युस थवान॥
पानसुय सुत्य युस सनत्वष्ट रोज्ञान।
द्रड वैश्वास पानु हदस मंज थवान॥
मन तु ब्वद म्यानि बैखती मंज थ्यर करान।
सु बैखुत्य हमेशि ज्ञान मे टोठ आसान॥

15. येमि सुंदि दॅस्य जॅर्यर. छुनु काँसि वातान।
नय छुस कांह जॅर्यर वातुनावान॥

युस द्वख, स्वख बय तु फिकरि मंज सम रोज़ाना।
सु बैखुत्य छु स्यठाह मे टोठ आसाना॥

16. कामनायि रोस अन्दुर्य न्यबर्य शोद बैयि चौतुर आसाना।
युस फिकरव तु कष्टव मुछि काँसि छुनु पख वुराना॥
फल दादि कांह यत्न छुनु करान आसाना।
युथ ह्यू बैखुत्य म्योन छु टोठ मे आसाना॥

17. न कुनि सुत्य प्रसन्न न काँसि सुत्यन दुय करान।
न ज़ांह पछतावान न कामना कराना॥
श्वब अश्वब फलकुय त्याग युस बैखुत्य करान।
सु बैखुत्य म्योन छु मे टोठ आसाना॥

18. युस शेथर तु मेथुरस कुनी बावु वुछान।
न तुरि तुरान न तापु हवखाना॥
मान, अपमानस बैयि स्वखस द्वखस ज़ान।
समबावस मंज हमेशि रोज़ाना॥

19. यश अपयशस मंज समबावु रोज़ाना।
छ्वपु वर्तावान तु शांत रोज़ाना॥
गरबारुकि रागु रोस बैखती हुंद स्कलप करान।
सु थ्यर बोज़वान छु मे टोठ आसाना॥

20. युस म्योन दर्मु रुफु अमर्यथ श्रदायि सान।
 नेशकामु प्रेयमु बावु रोजि चवान॥
 युस पनुन सोरुय मे ईश्वरस पुशरावान।
 सु बैखुत्य छु स्यठाह सख मे टोठ आसान॥



भगवत गीतायि हंदिस् व्वपनिशदस मंजु श्री कृष्ण तु अर्जन
 दीवनि ब्रह्म ग्यान तु यूग शास्त्रुचि कथ बाथि हंजु बैहिम
 अद्या वॉच अंदा यथ नाव छु "बैखती यूग"।

ॐ

त्रुवाँहिम अद्या

अर्जन दीवन वोन

1. प्रकृथ तु प्वरुष ख्येत्रु ख्येत्रुग्यस बु अनज़ान।
ही कृष्ण यि गव क्या ब ज़ानुन यछान॥

श्रु भगवानन वोन

2. ही क्वन्ती पोथुरु ख्येत्र (ज़मीन) येथय शरीरस वनान।
अथ ग्यान सुत्य ज़ानन वॉलिस जमीनदार वनान॥
3. सारिनुय ख्येत्रन हुंद ज़ाननवोल या आत्मा मे ज़ान।
अमि ज़मीनुच ज़मीनदार सुंज़ करुन्य पहचान॥
पूर पॉठ्य ज़ानुनस अथ छि ग्यान वनान।
अर्जन बोज़ बु छुस यिय मानान॥
4. छोट्य पॉठ्य बु वनय योद छुय सन्योमुत।
कर्म ख्येत्र गव क्या यि किथु बन्योमुत॥
छुस कोत गछुन तु कति प्यठु छु यि आमुत।
कुस ज़ॉन्यकार अम्युक तु क्या असर अम्युक॥
5. स्वबोज़ रेशव स्यठाह रंगन मंज़ रोंगमुत।
स्यठाह वीदु मंत्रव बैयि श्रुक्थव व्यछु नोवमुत॥

जमीन तु जमीनदारु सुंद ग्यान वखनोवमुत।
ब्रह्मसूत्र पदन मंज छुख ग्योवमुत॥

6. अहंकारु ब्वद तु मन बैयि महाबूत पान्छ।
दँह येन्देय तु येन्देयन हुंद्य वैशाय पौंछ॥
शब्द स्पर्श, रस रूप तु बैयि गन्द ज्ञान।
मूल प्रकृथ ह्यथ ख्येत्रुक स्वरूप आसान॥
7. यछा तु द्वयुत, स्वख तय द्वख, ज्ञान॥
हामथ तु च्यथ हाड मास शरीर सान॥
छोटिस मंज अथ सौरिसुय ख्येत्रुक्य वेकार छि वनान।
कर्म ख्येत्रुच अंतःक्रेय ति छिस वनान॥
8. विनम्र दुफनदलौंजी रोस काँसि छुनु सतावान।
मन तु वौनी हुंद स्यजर तु मेछर, ख्यमा बाव थवान॥
युस अन्दरिम तु न्यबरिम शोदी वर्तावान।
शरीर कोबू करान मन तु येन्देयव सान॥
श्रदा तु बैखती सुत्य ग्वरु सीवा करान।
अंतःकर्ण छिस शान्त तु थ्यर आसान॥
9. तृप्त येन्देयन करनु बापथ वैशयन त्यागान।
अपजि अहंकारु निश छु लोब रोजान॥

ज्यन, मरनु, बुजर बैयि रूगुक्यव दूशव सान।
द्वखन दाद्यन हुंद ख्यनु ख्यनु व्यचारान॥

10. पोथुर जॅन्य गरु तु दनु दादि छुनु केशान।
ममता नु काँसि हंज, छुनु तरसान॥
नाकारु बैयि जान प्रावनस मंज ज्ञान।
पनुन्य च्यथ हमेशि छस सम रोज्ञान॥

11. सर्व शक्तिमान दयस सारयुक स्वामी मानान।
श्रदा बावु लोलु सान दयस गारान॥
शोद दीशस ईकान्तस मंज रोज्ञुन यछान।
बुलहावस्यन हंज छस नु प्रय आसान॥

12. आत्मा जॉन्य हुंद बजर युस जीव मानान।
परम पोज युस मनुश पॅजुरावान॥
छुस बु अथ सॉरिसुय ग्यानु रुफ मानान।
अथ व्यपरीत यिति केंह छु अग्यान आसान॥

13. यि ज्ञानन युग्य, जान पॉठ्य दिमय पज़रुक ग्याना।
छु जॉनिथ मनुशाय परमानन्द प्रावान॥
जन्म रोस ब्रह्म छु ऑदीन मेय आसान।
येमि संसॉर्य नु सु कार न कारन आसान॥

14. परम ब्रह्मस अथु खोर छि च्वापौर्य आसान।
 च्वापौर्य नेथुर कलु तु बुध्य छिस आसान॥
 बोजुवन्य कन छिस च्वापौर्य आसान।
 सारिनुय ह्यथ येमि संसौर्य सु छु रोजान॥
15. योद सारिनुय येन्द्रेयन हुंद सु मूल कारण।
 तोति पानु येन्द्रेयव रोस छु आसान॥
 आशायि रोस सारिनुय पालान प्यतरान।
 न्यरग्वन ऑसिथ सु ग्वनन छु बूगान॥
16. सारिनुय चर अचर बूतन अँन्दुर्य नेबुर्य वास करान।
 जॉहेरी नजरव वुछिथ तु जॉनिथ छिनु ह्यकान॥
 आत्मा रुफ सारिनुय छु नजदीक रोजान।
 श्रदायि रोस अग्यॉनियन दय दूर बासान॥
17. योद सारिनुय ज़ीवन मंज दय ब्योन ब्योन बासान।
 चकि छु सु कुन तु कीवल आसान॥
 विष्णु रूप ज़ीवन पालान तु प्यतरान।
 ब्रह्म रुफ पौद करान तु रुद रुफ संहार करान॥
18. प्रकाशवान चीज़न सु तीज़ दिनु वोल् ज़ान।
 संसौर्य अंदकारु निश सु दूर आसान॥

सुय ग्यान तु ग्यानु सुत्य जॉनिथ तु प्रॉविथ ह्यकान।
सारिनुय जीवन हंडिस हृदयस मंज सु वास करान॥

19. यिथु पॉठ्य कर्म ख्येत्र तु अथ ज्ञानन वोल् तु बेयि ग्यान।
छोटिस मंज वुन्युखतान्य मे द्युतमय ग्यान॥
अथ पूरु पॉठ्य म्यॉन्य बैखुत्य कीवल छि समजान।
यिथु पॉठ्य म्योन स्वबाव तिम छि प्रावान॥
20. प्रकृथ तु जीव आदि रोस गछि ज्ञानुन।
प्रकृच पॉडु तिहिन्दय ग्वन तु वैकार मानुन॥
21. येन्देय शरीर पॉडु करनुच प्रकृथ हीतू ज्ञान।
जीव संसॉर्य स्वख द्वख बूगनुक हीतू बनान॥
22. जीव प्रकृच हृन्द्य त्रेग्वनन हृन्द्य बूग बूगान।
छु बूगान बूगान वाँसा कडान॥
अमि प्रकृच हंडि संगु सुत्यन ज्ञान।
सु जान नाकारु यूनियन मंज जन्म ह्यवान॥
23. आत्मा रुफ शरीरस मंज दीव प्वरुष छु रोज्ञान।
यस परमीश्वर परम स्वॉमी छि वनान॥
सु सॉख्यी तु ऑगिन्या दिनु वोल् आसान।
युस परमात्मा मानुनु छु यिवान॥

24. यिथु पौठ्य प्वरुष बैयि प्रकृथ ग्वनव सान।
द्वशवय इकुवट तु कुन युस ज्ञानान॥
यथ हालस मंज दोह येति गुजरान।
येमि संसौर्य छुनु बैयि जन्म ह्यवान॥
25. केह ध्यान सुत्य पानस मंज दय डेंशान।
केह ग्यान केह कर्म यूग सुत्य दय लबान॥
26. दयि जौन्य हंज यिमन ज्ञान यिथु पौठ्य छेनु आसान।
बूजिथ बैयन निश दय तिम छि पूजान॥
जौन्य कारन निश यिम छि बोजुन यछान।
ज्यनु मरनु रुफु सागरस छि तिम अपोर तरान॥
27. ही अर्जन जगि मंज चर अचर प्रौनी ज्ञान।
यीत्या छुख वुछान छि पौदु सपदान॥
शरीर कर्म बूमी तु तथ ज्ञाननवोल कीवल।
द्वशवय मीलिय यिमन पौदु करान॥
28. दय सौरिनय शरीरन मंज आत्माहस सुत्य रोज्ञान।
छुनु आत्मा अथ नशवर शरीरस मंज मरान॥
न नाशस जांह परमात्मा छु गछान।
चकि युस यि ज्ञानान सुय दय छु डेंशान॥

29. युस सॉरिसुय तु सारिनुय मंज समबाव ईश्वर वुछान।
 दयि सुंद आसुन च्वापॉर्य मनु किन्य मानान।
 पनुन्यन नज़रन मंज छुनु सु पथर प्यवान।
 परमु गथ पानय सु छु प्रावान॥
30. बेशक सॉरी कर्म यिम कंउन्य छि आसान।
 प्रकृच सुत्यन तिम अंद छि वातान॥
 आत्महस न करनवोल युस ज्ञानान।
 पंज्य किन्य सोरुय सु छु डेंशान॥
31. येलि जीवन हंज सु रंग रंग सूरेंच वुछान।
 तिमन मंज कुन दय सु छु डेंशान॥
 मानान दय सुंदि सुत्य हुर्यर पूर्यर गछान।
 सु ब्रह्म तमि विजि पॉनय पानय बनान॥
32. योद आत्मा दीहस मंज वास करान।
 तोति ही अर्जन आदि रोस तु न्यग्वन सु ज्ञान॥
 पंज्य किन्य कांह कर्म छुनु सु पानु करान।
 न कुनि सुत्यन छुस कांह असर प्यवान॥
33. यिथु पॉठ्य साफ बेयि शफाफ प्यठु असमान।
 छुनु पानि, रबि तु गर्दि सुत्य मॉलु सपदान॥
 तिथय पॉठ्य आत्मा शरीरस मंज ज्ञान।
 शरीरुक्क्यव ग्वनव छुनु वॅलिथ रोज्ञान॥

34. यिथु सौरिसुय ब्रह्मांडस, कुन सिरिं गाशिरावान।
तिथु कर्म बूमी (शरीरस) आत्मा छु गाशिरावान॥
35. ग्यानु नेथुरव किन्य ख्येत्र तु ख्येत्रज्ञ सुंज फर्क ज्ञान।
पँज्य किन्य यिम मनुश जगतुक्य छि ज्ञानान॥
मुछि बन्दनव रोजनुच वथ यिम छि ज्ञानान।
परमब्रह्म छि तिम जीव प्रावान॥



भगवत गीतायि हंदिस् व्वपनिशदस् मंज श्री कृष्ण तु अर्जन
दीवनि ब्रह्म ग्यान तु यूग शास्त्रुचि कथ बाथि हंज त्रुवॉहिम
अद्या वॉच अंद। यथ नाव छु "ख्येत्र ख्येत्रज्ञ बागनय यूग"।

चवदोहिम अद्या

श्रु भगवानन वोन

1. ग्यानव मंजु अख स्यठाह श्रेष्ट ग्यान।
बु वनय दुबारय चु रोज़ बोज़ान॥
साँरी साद तु संत प्रॉविथ युस ग्यान।
दीह त्रॉविथ परम स्यदी छि प्रावान॥
2. अथ ग्यानस मंज़ रूज़िथ थ्यर बोज़वान।
म्योन हू दिव्य स्वबाव छि प्रॉविथ ह्यकान॥
यिथु पॉट्य थ्यर रूज़िथ छुनु बेयि ज़न्म ह्यवान।
न प्रलयि कालस व्याकुल छु सपदान॥
3. म्यॉन्य थंज़ प्रकृथ बूत यूनी छि आसान।
छुस चीतन अंश रूपु गर्बसमंज़ थवान॥
तमि मूल तु चीतन हंदि कुनिय म्युल गछनु ज़ान।
सारेय बूत ज़ॉच छि पॉदु सपदान॥
4. नाना प्रकॉर्य सारिनुय यूनियन मंज़ ज़ान।
मूर्च्य यीचा छि पॉदु सपदान॥
प्रकृथ तिहिंज़ गर्बु मोज्य छि आसान।
ब्योल थवन वोल छुस बु मोल आसान॥

5. संसॉर्य प्रकॅथ त्रेन ग्वनन हंज छि आसान।
ही अर्जन सतू रजू तमू ग्वन यिम ज्ञान॥
जीव आत्मा बैयि शरीर कुन कीवल ज्ञान।
त्रेशवय ग्वन गॅन्डिथ छिख थावान॥
6. ही नेशापाप यिमन त्रेन ग्वनन मंज सतू ग्वन ज्ञान।
स्यठाह स्यद तु जीवस छु गाशिरावान॥
अमि ग्वन सुत्य जीव पापव छु म्वकलान।
मगर स्वख तु ग्यानुक्य नशि गॅन्डिथ छि रोज्ञान॥
7. काँख्या तु तृशना रजो ग्वनु सुत्य पौंदु सपदान।
अमि किन्य छि मनुश सकाम कर्म करान॥
8. अग्यानु किन्य तमू ग्वन छु पौंदु सपदान।
सारिनुय दीह दौस्थिन मुंह जालस फँसुरान॥
आलुछ नैन्द बैयि पागलपनु सान।
यिम अवग्वन जीवस छिय गिलुवान॥
9. ही बारत सतूग्वन जीवस स्वख काँछिनावान।
रजूग्वन, सकाम कर्मन कुन लागान॥
तमू ग्वन सुंद ग्यान छु वॅलिथ रोज्ञान।
पागलपनुक बूत छुस सवॉर्य करान॥

10. कुनि विजि सतूग्वन, रज्जूग्वन बैयि तमूग्वनस।
 कुनि विजि रज्जूग्वन सतू बैयि तमूग्वनस॥
 कुनि कुनि तमूग्वन सतू तु रज्जूग्वनस।
 अख अँकिस हारनोविथ पानु सरस बिहान॥
11. गाशिरनु ग्यानु सुत्य येलि यिनु शरीरुक्य द्वारा।
 सतूग्वन गछि ज़ानुन गव इज़हार॥
12. स्यठाह ज़्यादु रज्जूग्वनस मंज येलि मनुश फटान।
 सु तेलि स्यठाह ज़्यादु आसक्त छु रोज़ान॥
 बेकाबू यछायि, सकाम कर्म बैयि लूबु सान।
 यिम अवग्वन रज्जूग्वन मनशस ज़ेवरान॥
13. येलि तमूग्वनस मंज छु हुर्यर सपदान।
 रूच कर्तव्य कर्मन हंज छस नु रोज़ान॥
 अग्यानु गटु पागलपन तु मुंह सान।
 तमूग्वन सुत्यन यिम छि प्रखटान॥
14. सतूग्वन जीव येलि दीह छु त्यागान।
 उत्य कर्मियन हुंद श्रेष्ट लूक छु प्रावान॥
15. रज्जूग्वनी येलि संसौर्य दीह त्यागान।
 कर्म फल यछन वाल्यन मनुश यूनियन मंज ज़्यवान॥

तमूग्वनी मरनु पतु क्योम क्रील तु ज्ञानवर सान।
बैयि वॅसिथ यूनियन मंज जन्म ह्यवान॥

16. प्वन्य कर्मन हुंद फल छु न्यर्मल आसान।
छि तमिय सातविक यि फल मानान॥
फल रज्जुग्वन कर्मन कीवल द्वख छु आसान।
तामस कर्मन हुंद फल अग्यान छु आसान॥
17. रज्जुग्वनु सुत्य लूब सतूग्वनु सुत्य ग्यान।
तामसु सुत्य लटगी मुंह तु अग्यान॥
18. सतूग्वनी स्वर्ग तु थेंद्य लूक प्रावान।
मनुश लूकस रज्जुग्वनी छु जन्म ह्यवान॥
आलुछ, नेन्द्र लटगी बैयि नरुक तामसी प्रावान।
कैम्य या पोश्य वॅसिथ यूनियन मंज जन्म ह्यवान॥
19. त्रे ग्वनव रोस छुनु कांह बैयि करनवोला।
युस मनुश आसान व्यचारन वोला॥
त्रैग्वनु रोस मे दयस सुंज छि करान पौर्यज्ञान।
तमिय सातु म्योन स्वरूप सु छु प्रावान॥
20. प्रकॅच हंद्य त्रैग्वन रुफ सागरस ज्ञान।
येलि येमिय शरीरु जीव वोठ तौरिथ ह्यकान॥

ज्योन मरुन बुजुरुक्यव कष्टव म्वकलिथ ह्यकान।
येमिय दीह अमृत दाम चथ ह्यकान॥

अर्जन दीवन वोन

21. ही भगवानु युस अथ ग्वनु रूपु सागरस तरान।
लग्ख्यन तसुंघ वनतु किथ्य छि आसान॥
तसुंज व्वथु बेठ वनतु किछ छि आसान।
किथ ग्वन रुफ सागरस अपोर तैरिथ ह्यकान॥

श्रु भगवानन वोन

22. ही अर्जन प्रकाश, प्रवृथ तु मुंह जाल ज्ञान।
स्वकॅच रज्जूकॅच तु तामस फल छु आसान॥
नमूदार गॅछिथ युस नु तथ नकुहथ करान।
न लुप्त गॅछिथ ज्ञांह सु छु केशान॥
23. साँख्यी बैनिथ युस जीव सोरुय वुछान।
प्रकॅच हंघ ग्वन कार करान छु व्यचारान॥
पौर्यज्ञान गॅछिथ थ्यर दय द्यानस मंज रोज्ञान।
सु थ्यर द्यानु सुत्य ज्ञांह अरु छुनु यिवान॥
25. युस द्वखस स्वखस सम बावय व्यचारान।
कनि, मेचि बैयि स्वनस कुन्य नजर करान॥

टोठ अटोठ सु ग्योनी छु हियुवुय मानान।
नैद्यायि, प्रशंसायि मंज राम सु रोजाना॥

26. युस मान तु अपमानस मंज सम छु रोजाना।
मैथुर तु शैथुर ह्युवय छु मानान॥
कर्मन मंज कर्ता आसनुक बाव यस नु आसान।
तैस्य प्वरुषस छि ग्वनातीत वनान॥

27. सर्व शक्तिमान वासुदीवस स्वामी युस मानान।
श्रदा तु प्रेयमु बावय युस मै पूजाना॥
त्रैग्वन रूपु सागरस अपोर छु तरान।
पैजय किन्य परमब्रह्म सु प्रौविथ ह्यकाना॥

28. बुय न्यराकार छुस, ब्रह्म रुप सायबान।
यस अमर तु नाशि रोस सौरी वनान॥
नैत्य दर्मुक च्यून बैयि परातन मै ज्ञान।
डोख अछ्योन, यखरस तु आनन्दुक मै ज्ञान॥



भगवत गीतायि हंदिस् व्वपनिशदस मंज श्री कृष्ण तु अर्जन
दीवनि ब्रह्म ग्यान तु यूग शास्त्रुचि कथ बाथि हंज च्वदहॉमि
अद्या वॉच अंद। यथ नाव छु "प्रकृच हंद्य त्रे ग्वन बागनुय हंद
यूग"।

पन्दोहिम अद्या

श्रु भगवानन वोन

1. ज़ानान युस संसार रुफी पीपल कुलिस मूल सान।
सुय वीद ज़ानन वोल छु आसान॥
आदि प्वरुश परमीश्वर अमि कुल्युक मूल आसान।
ब्रह्म रुफ लंजि अमिचि तु वीद वेंथुर छि आसान॥
2. अमि कुलिचि लंजि हेरि ब्वनु फुलिथ आसान।
येन्द्रेयन हंदि वेशय तिहिरि सान ग्वनव सुत्य फबान॥
मनशि जॉच हंद्य सकाम कर्मव सुत्य गँडिथ बासान।
अहं बैयि रागु रुफु मूल ब्वन कुन ति दिवान॥
3. फँज्य किन्य संसारय अम्युक रुफ अनुबव छिनु कॅरिथ ह्यकान।
न अम्युक ग्वड, अंद न आसुन वुछिथ ह्यकान॥
मनशास पज़ि अमि कुलिक्य सॅन्य मूल ज़ानुन्य।
वॉरागु रुफु शास्त्रु चॅटिथ छुनुन्य॥
4. तमि पतु तिछ जाय पज़ि मनशास छारुन्य।
योत गॅछिथ पेयि नु ज़ांह तस पोत फेरुन॥
तति तस भगवानस निश शरन गछुन।
प्रथ कैंह येमि सुंद्य सुत्य पतुवथ प्यठु ज्यवान तु फबान॥

5. युस अपजि मानु, मुह क्वसंग रोस दयस ज्ञानान।
युस संसौर्य काम, स्वख तु द्वख निशि मुछि आसान॥
परम प्वरुशस मुह रोस शरन गछुन यिम ज्ञानान।
छिय तिम सुय परमु पद प्रावान॥
6. न सिरियि, चन्द्रम न वुजमल अँगन ज्ञान।
म्योनिस परम दामस गाशिरावान॥
यिम संसौर्य मनश तथ दामस छि वातान।
छिनु तोत वौत्थि पतु पोत फेरान॥
7. यथ शरीरस मंज सनातन आत्मा ज्ञान।
छु परमात्मा सुंद अंश आसान॥
प्रकॅच सुत्य मीलित्य पाँछ येन्द्रेय मनु सान।
तिमन पानस कुन छु मूहित करान॥
8. जीव त्थिय पौठ्य आत्म बोज बेयिस शरीरस मंज निवान।
यिथु पौठ्य हवा मुशुक पानस सुत्य निवान॥
यिथु पौठ्य अख शरीर सु छु दारन करान।
दीह त्याग कॅरिथ दौयिम शरीर दारान॥
9. यिथु पौठ्य दौयिम शरीर छु मनुश प्रावान।
अँछव त्वछ कनव ज्यवि नस्ति तु मनु सान॥

जीवात्मा युहुंद आश्रय छु निवान।
वेशयन हुंद बूग यिहिंदि सुत्य बूगान॥

10. किथु जीवु शरीर त्यागान, किथु शरीरस मंज रोज्ञान।
किथु प्रकृष्ट हुंदव गवनव ओदीन बूग बूगान॥
अग्योन्य समजिथ न जॉनिथ छि ह्यकान।
ग्यानु रूपु नैथुरव ग्यानी छि ज्ञानान॥
11. आत्म ज्ञान प्रॉविथ यत्न करन वॉल्य यूगी ज्ञान।
छि नॅन्य पॉठ्य सोरुय वुछिथ तिम ह्यकान॥
आत्म जॉन्य रोस युहुंद मन फोलमुत छुनु आसान।
यत्न कॅरिथ अग्योन्य छिनु आत्मा ज्ञानान॥
12. सिरियि सुंद युस तीज जगि गाशिरावान।
युस तीज चॅन्द्रमस मंज छु आसान॥
युस तीज अॅग्नस छुय जोतुनावान।
सोरुय सु म्योन तीज रोज ज्ञानान॥
13. सारिन्य लूकन मंज गॅछिथ जीवन दारन करान।
पनुनि शख्तिथ सुत्य छुस तिमन बु पालान॥
रसु रुफु अमृत बॅरिथ चॅन्द्रमु मे ज्ञान।
युस दवा तु जडियन छु फौलरावान॥

14. सारिनुय जीवन मंज श्रपनुक अँगन वेशवानर मे ज्ञान।
मीलिथ प्रान अपानस सुत्य अन्न चु कुस्म श्रोपरान॥
15. सारिनुय जीवन हृदय दिलन मंज बु वास करान।
म्यानि सुत्य जीवस याद, मशरब तु ग्यान आसान॥
वीदव किन्य सॉरी छि मे जॉनिथ ह्यकान।
वीदान्तुक कर्ता तु वीद ज्ञानन वोल् मे ज्ञान॥
16. येमि संसारय दु कुसमु छि इन्सान।
अख अविनॉशी दोयिम छु नाशवान॥
सारिनुय बूत जॉचन हृदय छि शरीर नाशवान।
जीवन हृद आत्मा अविनॉशी आसान॥
17. यिमव द्वयव मंजु व्वत्यम छु ब्याखुय आसान।
युस त्रैयलूकी मंज सारिनुय पालन तु रखान॥
त्रैन लूकन हृद सु भगवान आसान।
तस छि अविनॉशी परमेश्वर परमात्मा वनान॥
18. अविनॉशी तु नाशवान द्वशवुन्य निश ब्योन मे ज्ञान।
सारिनुय मंज छुस बु श्रेष्ठ माननु यिवान॥
सारिनुय लूकन मंज बैयि वीदन मंज ज्ञान।
व्वत्यम प्वरुश छुस बु माननु यिवान॥

19. युस ति कांह संशयि रोस व्वत्यम प्वरुशि रुफु दय मे मानान।
 सोरुय ज्ञाननवोल सु छु आसान।।
 ही अर्जनदीव लोलु बेयि मायि सान।
 ख्यनु ख्यनु मे वासुदीवस छि पूजान।।

20. ही नेशपाप अर्जन यिथि राज्जुक ज्ञान।
 वुन्युख तान्य रूदुख म्यानि दॅस्य बोजान।
 पूरु पॉठ्य अमि ग्यानुच कॅरिथ पॉर्यजान।
 छु जीव ग्यानुवान तु परिपूर्ण बनान।।



भगवत गीतायि हंडिस व्वपनिशदस मंज श्री कृष्ण तु अर्जन
 दीवनि ब्रह्म ग्यान तु यूग शास्त्रुचि कथ बाथि हंज पंदहोहिम
 अद्या वॉच अंद। यथ नाव छु "प्वरशूतम यूग"।

शुरॉहिम अद्या

श्रु भगवानन वौन

1. नेबुर्य श्वद मनु ध्यान यूगस मंज़ श्यर रोज़ान।
येन्द्रेय वशस मंज़ बैयि सतुक दान करान॥
वीदु मंत्र परान परनावान तु यग्य सम्पन्न करान।
स्वदम बापथ कष्ट तुलिथ स्यज़र वर्तावान॥
2. मनु, वॉनी, शरीरु सुत्य नु काँसि कष्ट दिवान।
अव्वपकार करन वॉलिस प्यठ छु नु क्रूद करान॥
पँज्ययोर, कर्ता आसनुक त्याग, मन शान्त शराफत दया।
लूब रोस, लूक लज़ा, नहकुच चेष्टा तु करुन्य न नेनद्या॥
3. ख्यमाबाव ह्यमथ पोज़ व्यवहार तु तीज़वान।
ही अर्ज़न काँसि सुत्य शेत्रुथ छुसनु आसान॥
न पानस मंज़ बजर, थज़रुक न अबिमान।
दैवी सम्पदा रुफु पॉदु प्वरुश सुंद्य यिम लख्यन छि आसान॥
4. अबिमान, अहं गमन्ड, क्रूद कठोर तु अग्यान।
असरु स्वबाव ज़ीवन हृन्द्य ग्वन यिम छि आसान॥

5. दैवी स्वभावुक्य जीव मूख्यदाम प्रावान।
असुर स्वभावुक्यन छि बन्दन गन्डान॥
ही अर्जन दीव म कर व्वन्य शूक च्युय।
दैवी स्वभावु ग्वन ह्यथ छुख ज़ामुत च्युय॥
6. येरिलूकु मंजु दुकुसमु जीव ज़ॉच ज़ान।
अख दीवी दौयिम असुर स्वभावुक्य छि आसान॥
द्वयव मंजु दीव प्रकॅच हुंद द्युतमय ग्यान।
असुर स्वभाव जीवन हुंद बोज़ व्यस्तारु सान॥
7. क्वसु कॉम गछि करुन्य क्वसु करुन्य छेनु जान।
असुर स्वभावुक्यन छेनु अमिच पहचान॥
अँन्दरिम तु नेबरिम श्वज़र छुख नु आसान।
न रुत आचार छुख, न छि पौज़ वनान॥
8. ज़ग मेथ्या तु आदारु रोस छि असुर स्वभावुक्य वनान।
छुनु कांह ईश्वर यि संसार बनावान॥
व्यबचारु सुत्यन मनुश पॉदु सपदान।
अमि रोस छिनु कांह दौयिम कारन तिम मानान॥
9. पनुन्यव नेशर्कमव आत्मा छिनु प्रज़नावान।
कष्ट दिनु वाल्यन कर्मन कुन छि फेरान॥

तिम संसौर्य क्वकर्मव सुत्य व्यवहार करान।
येमि किन्य जगतस वेनाश छु सपदान॥

10. काम, वेशय बूगन हुंद दामानु रँटिथ।
छौच गमंड दुफन दलौज्य मुहस मंज फँटिथ॥
यिथु पौठ्य असुर नाशवान व्यवहार किन्य ज्ञान।
नेशकर्मन हुंद व्रत छि दरान॥

11. बय बैयि च्यंतायव सुत्य मरनु ब्रौठुय मरान।
वेशय बूग बूगनस सरस रोज्ञान॥
संसारस मंज नेथुरु स्वख सोरुय छि मानान।
असुर स्वबावुक्य यिय छि व्यचारान॥

12. लछुबैद्य यछायन हंदि स जालस फँसिथ।
कामुच तु कूडुच प्यठ पख वुरिथ॥
काम बूगव सुत्य येन्देय तृप्त करान।
नेशकर्मव सुत्य दनु संच्यथ थवान॥

13. अज मे निश यूता दनु छु आसान।
बुथि ति रोज्यस हुर्यर बैयिहन गछान॥
सु यछायि सारेय प्रावुन्य छु यछान।
असुर स्वबावुक्य यिहोय ध्यान दरान॥

14. हु शेशुर मोरुम व्वन्य हुम शेशुर मे माउन्या।
 बु सारयुक स्वामी मे ओंश छिम कउन्या॥
 बु पानय छुस स्यद स्वखी बेयि बलुवान।
 असुर स्वबावुक्य यिय छि वेचराना॥
- 15-16. छुस स्यठाह दनुवान बोड कोटम्बुवोल बु आसान।
 मे ह्रुव कांह छुनु स्वखी बेयि शखिमाना॥
 यँज कँस्थि तु दान दिथ आनन्द बु रोज़ प्रावान।
 व्यचोरिथि यिम अग्योन्य रुफ असुर मुंहस मंज फटाना॥
 नाना प्रकौर्य मुंह रुफ ज़ालस लँगिथ।
 वेशय बूगन हंज अन्दर्य वासना थँविथ॥
 यिम अवग्वन असुर स्वबावुक्यन छि आसान।
 स्यठाह वँसिथ नर्कन मंज छि यिम गछाना॥
17. नशि (गमंड) सुत्य पनुन पान सारिनुय थोद मानान।
 दनु, मानु अपुज्य यश मुहस मंज फसाना॥
 कुनि वेदी वेदानुक पालन छिनु करान।
 कुनि कुनि नाव बापथ अहं सुत्य यँग्य कराना॥
18. अहंकार, बल, गमंड, क्रद तु कामस शरन गछाना।
 असुर जीव दर्मस छि नेन्दया कराना॥
 पनुनिस पानस बेयि दोयिमन जीवन मंज ज़ाना।
 मे अंतर्थाँमियस छि नकुहत कराना॥

19. यिमन वुरी क्रूर कर्मयिन बेयि नीच मनुशन ज्ञान।
असुर यूनियन मंज हर हमेश बु सोज्ञान॥
20. ही कोंती पोथुर असुर यूनी यिम प्रावान।
तिम बारम्बार छि जन्म ह्यवान॥
मे भगवानस निश तिम जांह छिनु वातान।
वारु वारु अदम गथ तिम छि प्रावान॥
21. अथ नरकस अचनुक्य त्रे द्वार छि आसान।
काम क्रूद बेयि लूब यिम त्रे द्वार ज्ञान॥
पजि ब्वजवानस फुटुन्य त्रेशवुय द्वार ज्ञान।
यिमव सुत्य आत्माहस नाश छु सपदान॥
22. ही अर्जन त्रे द्वार यिम नरकुक्क्य फुटरावान।
पनुनि रँति बापथ तिम व्यवहार करान॥
यिथु पौठ्य वारु वारु परम गथ तिम प्रावान।
या तिम मे दयस निश छि वातान॥
23. शास्त्र वेदी वेदान युस मनुश छुनु मानान।
पनुन्य मनमौनी व्यवहार तिम करान॥
छिनु कांह स्वख नु स्यदी कांह प्रावान।
न परम गथ तिम छि प्रौविथ ह्यकान॥

24. कर्तव्य, अकर्तव्य वन कथ छि वनान।
 शास्त्र ज्ञानुन छु तम्युक प्रमान॥
 ज्ञानिथ वेदी वेदानुक शास्त्र ग्यान।
 चु नेत्य कर्मन हुंद पानस युग्य ज्ञान॥



भगवत गीतायि हुंदिस व्वपनिशदस मंजु श्री कृष्ण तु अर्जन
 दीवनि ब्रह्म ग्यान तु यूग शास्त्रुचि कथ बाथि हुंज शुरोहिम
 अद्या वॉच अंद। यथ नाव छु "दीव तु असुरन हुंदि सम्मद्
 बागनय हुंद यूग"।

सदोहिम अद्या

अर्जन दीवन वोन

1. शास्त्र वेदी रोस युस मनुश श्रदायि सान।
दीव आदि दीवन हंज पूजा करान॥
ही कृष्ण तिम कथ पदस प्यठ छि आसान।
छा तिमन सतू, रजू या तमूग्वनी वनान॥

श्रु कृष्णन वोन

2. शास्त्र संस्कारुव रोस स्वबाव पौदु मनशास ज्ञान।
त्रे कुसमु श्रदा तिमन मंज छि आसान॥
तथ मंज सतू, रजू तु तामस छु यिवान।
व्वन्य तिय बु वनय चु रोज बोजान॥
3. यिथ्य जीवस अंतःकर्न तिछ छस श्रदा आसान।
ही बारत, यस यीच श्रदा त्युथ सु पानु आसान॥
4. सतूग्वनी दीवन रजूग्वनी राग्यसन यछन पूजान।
तामसी बूत प्रेतन छि पूजान॥
5. गमन्ड, अहंकार बैयि कामनायि सुत्यन।
राग बैयि बलु अबिमानु सुत्यन॥

शास्त्र वेदि रोस हिरि यिय छुख खसान।
तैथ्य प्यठ गोर तफ बैयि छि व्रत दरान॥

6. यिथु पौठ्य यिम पनुनिस शरीरस सान।
अंतःकर्नन मंज बिहिथ दयस मै कष्ट दिवान॥
पँज्य किन्य ब्वजुहीन यिम मनुश छि आसान।
यिमन अग्यौन्यन असुर स्वबावुक्य वनान॥
7. पनुन्य पनुन्य स्वबावुक्य सारिनुय बूतन।
छिख टौठ्य आसान त्रै कुसमु बूजन॥
तिथु पौठ्य ह्वन, तप, दान त्रै कुसमु छु आसान।
ब्योन ब्योन मतलब वनय चु रोज़ बोज़ान॥
8. आय, स्वब्बद, बल नेरूग तु स्वख दिनु वोला।
नर्म रसदार शरीरस पोछर दिनु वोला॥
स्वबावु किन्य यिम बूजन मनस प्रेयान।
तिमय सत्त्वरुशस छि टौठ्य आसान॥
9. टैठ्य चोक्क्य वुशिन्य बैयि यिम ख्यन फीरिमुत्य।
मरचुवांगन हिव्य टैठ्य होखिमुत्य तु दँदिमुत्य॥
यिम ख्यन द्वख फिकिर तु रूगन पौडु करान।
तिमय ख्यन रज्जूगोनियन टौठ्य छि आसान॥

10. युस बूज़न वान्टल मंज़ु रोस तु दोर्गन्द वोला।
कालुक, छयोट तु अश्वद आसन वोला॥
बैयि युस बूज़न काँसि नकोरमुत आसाना।
यिम बूज़न प्रैयन वाल्यन छि तामसी वनाना॥
11. शास्त्र वेदी वेदान कर्तव्य मॉनिथ ज़ाना।
यिमव मनुशव दॅस्य यग्य करनु छु यिवाना॥
यिम लुख ज़ांह फलुच कामना छिनु कराना।
तिम यग्य सात्विक यग्य छि माननु यिवाना॥
12. फल बुथि थॅविथ नकबथ सुत्य युस ह्वन कराना।
ही अर्ज़न दीव सु यग्य च़ु राजस ज़ाना॥
13. शास्त्र वेदी वरॉय तु अन्नदानु वरॉया।
मंत्रव वरॉय बैयि दखिनायि वरॉया॥
श्रदायि वरॉय युस यग्य छु करनु यिवाना।
तथ यग्यस तामस यॅग्य छि वनाना॥
14. पूज़ुन दीवता, ब्रह्मन तु मॉज मोल्ला।
बैयि पूज़ुन ग्यॉनी, ज़िछर वर्तावन वोला॥
शवद मन, सादगी, ब्रह्मचार्य अहिंसा ज़ाना।
यिमन सारिनुय शरीरुक्थ तफ छि वनाना॥

15. वेरूद तुलन वॉल्य शब्द पॅज्य, टॉठ्य तु ह्यतुकोरी।
वीद शास्त्रन परून थवान जॉरी॥
अभ्यास यूग ईशवर सुंद नाव ज़पान।
वॉनी हुंद तफ तैथ्य छि वनान॥
16. मनुक संतोश क्वट्यल बावु रोस गम्बीर तु आत्म संयमु सान।
श्वद स्वबाव सान मनुक तफ यिमन वनान॥
17. फल नु यछन वॉल्य यूगी परम श्रद्धायि सान।
यिम त्रेशवय सात्विक तफ छि करान॥
18. युस तफ अहं किन्य मानु, शानु बापथ करनु यिवान।
सत्कार बैयि पूजा करनु बापथ अंद वातनावनु यिवान॥
तथ तफस रज़ूग्वन तफ छु वननु यिवान।
युस नु रोज़ुवुन नु टिकुवुन छु आसान॥
19. युस तफ मुख्रु बोज़ किन्य हट सुत्य छु करनु यिवान।
मन, वॉनी, शरीरुकि कष्टुक छु सादन बनान॥
या बैयि ज़रर वातनावानु दादि करनु यिवान।
तथ तफस तामस तफ छि वनान॥
20. दीश तु काल वुछिथ दान ह्युन फ़र्ज मानान।
युस निनस लायख छि तैस्य दान दिवान॥

- व्वपुकार करनु गर्जु रोस युस दान दिनु यिवान।
सु दान सतूग्वन माननु छु यिवान॥
21. युस दान जबरन तु व्वपुकार किन्य दिनु यिवान।
फलुच कांख्या थॉविथ दानस छि राजस वनान॥
22. सत्कारु रोस अपमान कॅरिथ युस दान दिनु यिवान।
क्वपात्रस अयुग्य दीश कालस मंजु दिनस तामस वनान॥
23. 'ओम तत सत' परम ब्रह्म सुंद्य त्रे पद छि आसान।
या त्रेयव नावव दयस छि स्वरान॥
येमि सुंदि ऑग्यिनायि संसार पॉद सपदान।
ब्रह्मुन, वीद, मंत्र बैयि ह्वनु सान॥
24. वीद मंत्र परनवॉल्य श्रेष्ट प्वरुश शास्त्र वेदी सान।
यग्य दान तु तफ रुफु क्रैयायि करान॥
हर हमेशि ओम सुत्य क्रैयायन दस तुलान।
तस परमात्मा सुंद नाव ग्वडुन्यथ ह्वान॥
25. प्रथ कुनि विजि यिम मनुश 'तत' शब्द स्वरान।
यि सोरुय परमात्मा सुंद तिम छि मानान॥
अमि बावु फलुच कामनायि रोस कल्याण मंगान।
नाना प्रकॉरी यग्य, तप तु दान छि करान॥

26. यिम मनुश पज़ि बावनायि बडि ठकु ठकु सान।
 दय सुंद नाव 'तत्' सुत्यन ह्यवान॥
 ही अर्जन दीव यिम पर्व कर्म आसान।
 सत शब्द ग्वडुन्यथ ह्ययनु छु यिवान॥
27. तफ, दान, हवनुक प्रसाद सथ छु रोजुवुन आसान।
 दय नाव कर्म करनस छि सथ वनान॥
28. श्रदायि रोस दान, तोपमुत तफ बेयि हवनु सान।
 बेयि कांह ति श्वब कर्म सौरुय असथ ज्ञान॥
 न येरिलूक न परिलूक तस मनशस ज्ञान।
 श्रदायि रोस कांह कर्म कोरमुत तारान॥



भगवत गीतायि हुंदिस व्वपनिशदस मंजु श्री कृष्ण तु अर्जन
 दीवनि ब्रह्म ग्यान तु यूग शास्त्रुचि कथ बाथि हुंजु सर्दोहिम
 अद्या वॉच अंद। यथ नाव छु "त्रैयि प्रकॉर्य श्रदायि हुंद
 यूग"।

अरदोहिम अद्या

अर्जन दीवन वोन

1. ही बजि नरि वालि अंतयामी वासुदीव भगवान।
बु सन्यास तु त्यागुक अर्थ ब्योन ज़ानुन यछान॥
2. युस कर्म, यग्य, दान तु तफ वासनायि सुत्य करनु यिवान।
तथ कामनायि कर्म त्यागस पॅन्डित छि सन्यास वनान॥
यिम रॅत्य कर्म कॅरिथि कर्म फल छि त्यागान।
अनुबवी मनुश तथ त्याग छि वनान॥
3. प्रथ कांह सकाम कर्म दूशव बॅरिथि व्यचौरिथि।
त्यागुन्य पज़न कॅंह व्यदवान छि मॉनिथि॥
यॅग्य, दान तु तफु रुफी सॉरी कर्म ज़ान।
पज़न नु त्यागुन्य कॅंह व्यदवान छि मानान॥
4. ही बरत श्रेष्ट अर्जन दीव रोज़ चु बोज़ान।
त्यागुक मानि क्याह कथ छि त्याग वनान॥
ही शेरि नर म्यानि टाठि अर्जन ज़ान।
त्रेन कुसमन हुंद त्याग छि शास्त्र वनान॥

5. यॅग्य, दान तु तपु रुफ कर्म छिनु त्यागुन्य आसान।
तिम कर्तव्य कर्म मनुशस छि आसान॥
यॅग्य, दान, तप रुफ कर्म सॉरी ज्ञान।
बोजवान सुंद मल यिम छि छलान॥
6. मनशस पजि यग्य, तप, दान रुफु कर्म करुन्य।
कर्तव्य कर्म पूरु पजुनस करुन्य॥
रागु रोस फलुच यछायि रोस कर्म सम्पन करुन्य।
व्वतम मथ म्योन यिय छु आसवुन॥
7. नेत्य कर्मन हुंद त्याग छुनु शूबान।
कर्तव्य कर्म त्यागस छि तामस वनान॥
8. नेत्य कर्मन यिम कष्टदायक समजान।
दीह कष्ट बयि कर्तव्य कर्म त्यागान॥
रज्जुग्वनु किन्य कर्म त्यागान छि वनान।
अमि त्यागु किन्य रॅत्य फल छिनु प्रावान॥
9. शास्त्र वेदी किन्य कर्म कर्तव्य मॉनिथ करान।
येन्द्रेयन हंजु यछायि तु कामना फलुच त्यागान॥
तॅथ्य त्यागस सात्विक त्याग छि वनान।
अर्जनदीव यिय म्योन मथ छु आसान॥

10. सतूगवनी त्योंगी अश्वब कर्मन छुनु दुय करान।
न श्वब कर्मन मंज आसक्त छु रोज़ान॥
छु नु कर्मन मंज कांह संशय थवान।
छि पोज़ त्योंगी तु बोज़वान तस वनान॥
11. बेशक काँसि दीहदोरी प्रॉनियस सॉरी कर्म ज़ान।
पूरु पॉठ्य त्यागुन्य छिनु सम्बव आसान॥
कर्म फलुक त्याग युस प्रानी करान।
पँज्य किन्य त्योंगी तँस्य छि वनान॥
12. कर्म फलन हुंद त्योंगी युस छुनु आसान।
त्रे कुसमु कर्म फल दीह त्यागु पतु तस मेलान॥
स्वर्ग, नर्क बेयि रलुमिलु फल सु प्रावान।
कर्म फलुक स्वख द्वख बूगुन छुनु सन्यॉसिस प्यवान॥
13. ही बजि ब्वज़ु वालि अर्जनदीव ज़ान।
पांचन कारनन हुंद बु दिमय चे ग्यान॥
सॉरी कर्म बोज़ छि स्यद सपदान।
यिमुवुय पांचव कारनव किन्य छि वीद वनान॥
14. शरीर रुफी कर्मच जाय बेयि कर्ता ज़ान।
ब्योन ब्योन येन्देय वैशय तु रंगु रंगु चेष्टायव सान॥

परुजन्मुक्य श्वब अश्वब कर्मन हृदि संस्कारु सान।
कर्मन हंद्य कारन यिम षौछ छि आसान॥

15. मन वॉनी बैयि पनुन्य शरीर सुत्य ज्ञान।
वेदि वेदानु रोस या यि शास्त्र वनान॥
युस ति कांह कर्म छु संसॉर्य मनुश करान।
तथ सॉरिसुय यिम पांच कारन छि आसान॥
16. युस मनुश यिम हीतू पांछ छुनु मानान।
कीवल पॉन्य पानस कर्ता छु मानान॥
पॅज्य किन्य सु स्यठाह बोजवान छुनु आसान।
सु मुख बोजि किन्य छुनु सॅही मानि चारान॥
17. मेथ्या अहंकारन वोल्मुत छुनु आसान।
संसॉर्य वैशयन कुन ब्वद छुनु लगावान॥
येमि संसॉर्य काँसि मॉस्थि छुनु चकि मारान।
सु कर्म बन्दनन मंज छुनु वलनु यिवान॥
18. ग्यान तु ग्यान ज्ञानुन बैयि ज्ञाननवोल् ग्यान।
यिम त्रे कुसमु कर्मन छि वुजनावान॥
येन्द्रेय करन, कर्ता तु सारिवुय क्रैयायव सान।
कॅनु कर्मुक्य यिम त्रनवय छि आसान॥

19. ग्यान कर्म तु कर्ता छि त्रैयि कुसमुक्क्य आसान।
ग्वन शास्त्र छु वनान ति रोज़ बोज़ान॥
20. सारिनुय बूतन मंज़ सम बाव येमि ग्यानु।
कुन अविनॉशी त्वथ डेंशान॥
ब्योन ब्योन रुफन मंज़ छुसनु ब्योन बासान।
सुय ग्यान सात्विक ग्यान छु आसान॥
21. सारिनुय बूतन वुछान ब्योन ब्योन बाव येमि ग्यानु।
तथ ग्यानस राजस ग्यान छि वनान॥
22. युस दनु पनु अँकिसुय कारस कुन लगान।
युस स्यठाह तुच्छ हेतु रोस छु आसान॥
तम्युक पज़र ज्ञाननु रोस तँथ्य मंज़ मस रोज़ान।
तँथ्य ग्यानस तामस ग्यान छि वनान॥
23. युस कर्म शास्त्र वेदी छि वनान।
युस कर्तापनुकि अबिमानु रोस छु आसान॥
रागु द्वयतु फलुच यछायि रोस करुनय यिवान।
तथ कर्मस सात्विक कर्म छि वनान॥
24. फलुच यछा करन वाल्यन हँदि दँस्य ज्ञान।
युस कार अहंकारु सुत्य करनु छु यिवान॥

या दनु पनु लॅगिथ श्रमु सुत्य करनु यिवान।
तथ कारस रजूग्वनी कार छि वनान॥

25. मुहस मंज फॅसिथ करनु युस कार यिवान।
फल नेरि क्या अम्युक छिनु तिम व्यचारान॥
दन तु बल नाश कॅसिथ कष्ट पानस बेयिस दिवान।
तथ कारस तामस कार छि वनान॥
26. संसॉर्य बंदनव म्वकलॉविथ पान।
अहंकारु रोस, स्कंलप हेयमॅच सुत्य कर्म युस करान॥
स्वफल तु क्वफल सुत्य छुनु व्यसरान।
तॅस्य सतूग्वनी कर्ता छि वनान॥
27. युस कर्ता रॉगी तु फलुच यछा करान।
लूबी बेयि स्वबावु किन्य कष्ट बेयिस दिवान॥
छ्यौट वर्तावान, हर्श शूकु सुत्य व्यसरान।
तस राजस कर्ता छि वनान॥
28. युस कांह कर्ता कार शास्त्र वेदी वैरुद करान।
अग्यॉन्य हठी, कपटी अपमान बेयन करान॥
आलछीं चोबु ज़ोरु कार करान हर विज़ि रिवान।
तॅमिसुय तमूग्वनी कर्ता वनान॥

29. डगिजलु म्यानि टाठि ही अर्जन दीवा।
 त्रेयव प्रकृच्छ हृन्द्य ग्वनव किन्य कर ज्ञान॥
 नाना प्रकॉर्य ब्वद तु ह्यमुच्छ हृन्द ज्ञान।
 मे निश बोज वनय बु व्यस्तारु सान॥
30. ही प्रथापोथर छेय सात्विक बोज स्व आसान।
 यस बोज दयस पुशस्थि लुख हेछुनावनु बापथ कार करान॥
 येमि संसॉर्य किथु अपोर तार तरुन छि ज्ञानान।
 जान, नाकारु, बय अंबय मुछि तु बन्दन ज्ञानान॥
31. खसु ब्वद दर्मुक्क्यन बेयि अदर्मु कारन।
 कांह ति फर्क छेनु जॉनिथ ह्यकान॥
 क्या पजि करुन या न करुन छेनु ज्ञानान।
 स्व ब्वद छि राजस ब्वद आसान॥
32. योसु ब्वद मुह बेयि अंदकार वॅलिथ रोज्ञान।
 अदर्मस दर्म, दर्मस अदर्म मानान॥
 व्यपरीत वति कुन हमेशि पकुन छि यछान।
 तॅथ्य ब्वदि तामस ब्वद छि मानान॥
33. स्वबूरु सुत्य संकल्प अछ्योन छु आसान।
 यूग अभ्यासु सुत्यन प्वरु छु बनान॥

मन, प्रान तु येन्देयन हंजं क्रेयायि वशस मंजं करान।
सु स्वबूर सात्विक स्वबूर छु आसान॥

34. येमि देउ सुत्य मनुश्य पनुन मन ज्ञान।
दर्मस यछाय पूरु करनस तु दनस कुन लगावान॥
राग प्रथ कुनि सुत्य थैविथ फलुच कांख्या करान।
ही पार्थ दौर त्युथ राजस छु आसान॥

35. क्वबोजुवान येमि दारनायि किन्य ज्ञान।
नेन्द्र बय, फिक्र बेयि द्वखन छु दारान॥
युथ बानु छु रटान तैथ्य छु शानु दारान।
तथ दारनायि तामस दारना वनान॥

36. ही भरत श्रेष्ट मे निश रोज बोजान।
त्रे कुस्म स्वखन हुंद बु दिमय ग्यान॥
यिहिंदि अभ्यासु सुत्य मनुश बूग बूगान।
येमि सुत्य द्वखन छुस नाश सपदान॥

37. ग्वडुन्युक दाम यिथि स्वखुक जहरि कौतिल बासान।
पतु फलु विजि अमर्यथ छु बासान॥
दयि ध्यानु अमर्यथ युस स्वख पौंदु सपदान।
तैथ्य स्वखस सात्विक स्वख छि वनान॥

38. वैशय तु येन्द्रेय हृदि संयुग सुत्य ज्ञान।
तमि सातु युस बूग अमर्यथ छु बासाना॥
फल अमि बुगूक शींकिहस बराबर ज्ञान।
अथ स्वखस राजस स्वख छि वनाना॥
39. युस स्वख ग्वडु प्यठु अंद तान्य ब्रोमुरावान।
तमि तामस स्वखु नेन्द्र आलुछु तु मुह पौदु सपदान॥
40. छुनु कांह ज़न लुथ येरिलूक परिलूक तु दीवन मंज आसाना।
युस त्रेग्वन प्रकैच बन्दनव म्वकुल छु आसाना॥
41. ही परन्तप अर्जन वर्ण चोर ज्ञान।
यिमन ब्रह्मन, ख्येत्रय, वैशय बैयि शूद्र वनाना॥
तिहिंद्य स्वबावु, ग्वन, प्रकैच हृद्यव ग्वनव पौदु सपदान।
ब्योन ब्योन तिमव ग्वनव तिम ज़ानुनय यिवाना॥
42. शान्त आत्मा संयमी श्वद अँन्दुर्य नेबुर्य आसान।
कष्ट दर्मुक्य चॉलिथ पुरुनावान पुराना॥
येरिलूक तु परिलूकस मंज वैशवास थवान।
ब्रह्मण स्वबावुक्य यिम सौरी ग्वन आसाना॥
43. बलवीर तीज़वान चोतुर बैयि दैर्यवान।
फराख दिली सान ज़्युठ सारिनुय लागाना॥

दान दिवान रोजान पोत नु खदस ह्यवान।
स्वबावुक्य ग्वनव यिम ख्येत्रेय कर्तव्य आसान।।

44. जमीनदोरी करान, बेयि गोवन रखान।
ह्यनु तु कुनुनुक छु पोज बापार करान।।
यिम वैष्य स्वबावुक्य छि ग्वन आसान।
त्रन वर्नन हुंज शुद्र सीवा करान।।
45. मस पनुन्यन कर्मन मंज जीव स्यदी छु प्रावान।
बु वनय च्चु बोज स्यदी किथु मनुश लवान।।
46. येमि सुंदि सुत्य जीवन व्वथबव छु मेलान।
येमि सुंदि सुत्य जगत सोरुय दैरिथ आसान।।
तस परमीशरवरु संज व्वपासना कैरिथ ज्ञान।
पूरु पौठ्य मनुश स्यदी प्रौविथ ह्यकान।।
47. वैदिवथ बेयि सुंदि दर्मु खोतय ज्ञान।
ग्वनु रोस पनुन दर्मु छु श्रेष्ट आसान।।
स्वबावु किन्य पनुनि दर्मु रुफु कर्म युस छु करान।
पापु गागुर छुनु सुय प्रावान।।
48. प्रथ कांह स्वकर्म दूशव बैरिथ आसान।
यिथु पौठ्य अँगन दुहि सुत्य वॅलिथ रोजान।।

योद कर्तव्य कर्म दूशवय बैरिथ छि आसान।
कुन्ती पोथुर तोति त्याग करुन्य छिनु शूबान॥

49. मन येन्द्रेय वशस मंज वासनायि रोस बोजवान।
संसॉर्य बूग बूगनुच नु कांख्या थवान॥
सन्यास यूग सुत्य फलुच यछा छु त्रावान।
बडि ख्वतु बॅड स्यद गथ सु प्रावान॥

50. यिथु पॉठ्य यि स्यदी प्रॉविथ इन्सान।
परम गथ या छु ब्रह्मस प्रावान॥
छोट्य पॉठ्य बु दिमय तमि थदि ग्यानुच ज्ञान।
ही कुन्ती पोथुर चु रोज मे निश बोजान॥

51-53. पनुनि बोजि सुत्य श्वद मन येन्द्रेय कोबू करान।
राग द्वयतु रोस ईकान्तस मंज छु बिहान॥
युस कम ख्यथ शरीर मन वॉनी वशस मंज करान।
युस हमेशि दय द्यानुचि समोज मंज बिहान॥
युस अहंकार, बल, गमन्ड, काम बैयि क्रूधु सान।
संसॉर्य बूग बूगुन्य छु त्यागान॥
जिछरु बावु रोस शान्त युस मनुश रोजान।
बेशक आत्म ज्ञान सुय छु प्रावान॥

54. प्रसन्न मन यूगी ब्रह्मस मंज कुनी बावु थ्यर रोजान।
 न शूकस गछान न छु यछा करान॥
 सारिनुय बूतन सम बावय छु वुछान।
 सु यूगी थेंज बेंखती म्योन्य छु प्रावान॥
55. बेंक्ती सुत्य मे दयस येमिय रुफु जॉनिथ ह्यकान।
 लोलु बेंखती पजरुच करान छि पॉर्यजान॥
 यि बु छुस, कुस बु छुस तिथु तत्व म्योन ज्ञानान।
 तमि बेंखती मे जॉनिथ म्योन दाम प्रावान॥
56. म्योन पोज बेंखुत्य म्यानि लोंचि तल छु रोजान।
 सॉरिय कार करनस मंज मस छु रोजान॥
 म्यानि कृपायि तु रुचि दयायि सुत्य ज्ञान।
 नेत्य तु अविनोशी दाम सु छु प्रावान॥
57. मनु सुत्य कार तु कारन हुंद फल, अर्पन कॅरिथ।
 सम बोज यूगस मंज ध्यान देंरिथ॥
 युस म्यानि लोंचि तल रूजिथ छु फबान।
 र्व्यनु र्व्यनु मेय मंज छु थ्यर च्यथ थवान॥
58. यि वोनमय वुन्युख तान्य तिथु योद म्योन द्यान दरख।
 म्यानि कृपायि सॉरी द्वख न्यवॉरिथ तरख॥
 योद नु चुय अहंकारु किन्य मयोन बोज़ख।
 नाशस गॅछिथ मा परमार्थ प्रावख॥

59. योद अहंकारु लोचि थफ कॅरिथ च़ु छुख यिय मानान।
 बु करनु य्वद छुख च़ु यि अपुज़ वनान॥
 परू कर्मक्य म्यानि स्वबावु किन्य यि रोज़ ज़ानान।
 चे जबरन य्वदस कुन लगॉविय मान॥
60. कुन्ती पौथुर मुह किन्य ऑग्यन्या छुख नु मानान।
 वुन्यक्यनस कर्म करुन्य छुख नु मानान॥
 पनुन्य स्वबावु पॉदु कर्मव किन्य ज़ान।
 मजबूर गॅछिथ करख तिय यि छुसय वनान॥
61. दय सारिनय ज़ीवन दिलस मंज़ वास करान।
 शरीरु रुफ़ु यन्त्रस प्यठ राज करान॥
 पनुनि मायायि सुत्यन तु कर्मव किन्य ज़ान।
 सारिनुय अंदर बिहिथ छु नच़नावान॥
62. अर्जनदीव प्रथ रंगु च़ु शरन तॅमिस योद गछ़ख।
 दयि कृपायि परमपद परम शॉन्ति च़ु प्रावख॥
63. यिथु पॉठ्य मे वोनमय सनि खोतु सोन ग्यान।
 अथ प्यठ व्यच़ॉरिथ कर तिय यि चे मन यछ़ान॥
64. सोरुय यि सनि ख्वतु सोन म्यानि थदि राज़ुक ज़ान।
 बु वनय दुबारय च़ु रोज़ बोज़ान॥

छुख म्योन स्यठाह टोठ यार चु आसान।
तवय व्वन्य परमु ह्यतुकोरी बु दिमय ग्यान॥

65. पनुन मन मे कुन थ्यर कॅरिथ कर बॅखती म्योन्या।
नमस्कार कॅरिथ्य कर त्वता म्योन्या॥
अमि सुत्य बेशक चु प्रावख दाम म्योन।
पोज वाडु छुसय दिवान छुख स्यठाह टोठ चु म्योन॥

66. सॉरी कर्तव्य कर्म कर मे चुय अर्पन।
कीवल मे सर्वादार दयस गछ शरन॥
बु पापव सारिवुय म्वकलावथ चुय।
फिक्रु त्राव सारेय मु कर शूक चुय॥

67. न वनुन गछि ज़ाह गीता रुफु राजुक ज्ञान।
युस नु आसि सयंमी न बोजुन यछान॥
यस नु बॅखती बाव, तपु रोस युस आसान।
गछि नु तस ति वनुन युस मे दूश छंडान॥

68. बॅखती बाव लोल तु माय युस मनुश मे बॉगरान।
सनि ख्वतु सोन यि गीता ग्यान छु बॅखुत्यन वनान॥
अथ मंज कांह शक छुनु बोज आसान।
अंतस सु मनुश मे निश छु वातान॥

69. तमि ख्वतु बॅड म्यॉन्य सीवा करनवोल।
मनुशान मंज छुनु कांह आसनवोल॥
पृथिवी प्यठ तस ह्युव छुम नु टोठ कांह।
न ब्रोंठ कुन ति आस्यम तस ह्यू टोठ कांह॥
70. असि द्वन हुंदुय संवाद रुफ परि युस गीता ग्यान।
मे वाति पूज तसुंदिय ग्यानु येग्य छुस बु मानान॥
71. युस मनुश दूशि रोस नज़रव श्रदायि सान।
यि गीता शास्त्र काँसि निश ति छु बोज़ान॥
सारिवुय पापव सु मनुश छु म्वकुलान।
थेंद्य कर्म करनवाल्थन श्रेष्ट लुकन छु वातान॥
72. एकाग्र च्यतु दन्नजय बूज़था यि गीता ग्यान।
गोवया दूर मुंह अंदुकार बैयि अग्यान॥

अर्जन दीवन वोन

73. नष्ट गव कृपायि चानि ही अच्युत मुह म्योन।
यादाश बैयि वापस आव म्योन॥
द्रड वैश्वासु किन्य संशय दूर गव म्योन।
थ्यर बोज़ि सुत्य मानु आदीश चोन॥

संजयन वोन

74. यिथु पॉठ्य मे कृष्ण तु बेयि अर्जन सुंज।
 मे बूज कथबाथ द्वन महाप्वरुशन हुंज।।
 यि शेछ यीचा अदबुत छि आसान।
 नठ सॉरिसुय शरीरस छम मे बासान।।
75. व्यास जी सुंजि कृपायि किन्य दिव्य दृष्टी प्रॉविथ।
 यि परम राजुच कथ हेच मे बूजिथ।।
 ड्यूठुम प्रत्यख्य अर्जनुसुय वनान।
 पानु यूगीशवर कृष्णु भगवान।।
76. छुम गरि गरि ही राजु याद प्यवान।
 यि अदबुत तु श्रूच संवाद गीता ग्यान।।
 कथ यिम पानुवन्य अर्जन कृष्ण ओस करान।
 याद कॅर्य कॅर्य छिम ब्वकु मे प्वलान।।
77. यसुंज स्मरण कॅरिथ पाप नाशस गछान।
 ही राजु तस श्री हरि सुंद रुफ छुम याद प्यवान।।
 रुफ याद प्यथ स्यठा आश्चर छु सपदान।
 हर्शस ति बारम्बार छुस गछान।।
78. येति यूगीश्वर श्री कृष्ण भगवान।
 बेयि येति दनुर्दर अर्जन दीव छु आसान।।





तति ऐश्वर्य, वैजय, वैबूथ तु न डलुवुन्य नीती ज्ञान।
ही राजु म्योन मन यिय छु मानान॥



भगवत गीतायि हंदिस् व्वपनिशदस् मंजु श्री कृष्ण तु अर्जन
दीवनि ब्रह्म ग्यान तु यूग शास्त्रुचि कथ बाथि हंजु अरदोहिम
अद्या वॉच अंद। यथ नाव छु "वॉराग सुत्य म्वकलनुक यूग"।



(अँथ्य सुत्य वॉच सम्पूर्ण बगवथ गीता जी अंद)
बगवान सुंजु कौंचाह आरादना करु जि म्योन कोशुर तरजमु
गव मुकमल तंजी दयायि सुत्य।

सन्तोश शाह 'नादान'
जोम - सतमबर 2007

ॐ



